

НИКОЛАЙ ПОПОВ

ВЕЖ
ГЫЯС
◆
КОДИ
МЫ
ЖА?

Митяев
НИКОЛАЙ ПОПОВ

(Жугыль)

ВЕЖ ГЫЯС

3 действеа 6 картинаа драма

КОДІ МЫЖА?

4 действеа драма

КОМИ КНИЖНОЙ ИЗДАТЕЛЬСТВО

Сыктывкар 1969

Николай Павлович Поповлөн (Жугыльлөн) тайö кни-
гаö пырисны кык пьеса: «Веж гыяс» да «Коді мыжа?»

«Веж гыяс»— историко-революционнöй драма, кодöе
сиöма Коми крайын Сöветскöй власть пуксьöмлы да
гражданскöй война вояслы. Пьесаас медшöр героиняыс—
коми народлөн ныв, Дарья Кочанова. Сійö— комбедса
член, гöрд партизанка, коді активнöя тышкасис бело-
гвардеецьяслы паныд Печора вылын.

«Коді мыжа?» драма петкöдлö коми крестьяналысь
революцияöдзса сьöкыд олöмсö. «Коді мыжа?»—татшöм
юалöм вылö корсьöны воча кыв драмаса геройяс, кодьяс
олöны царизмөн нартитана коми сиктьясын.

Кыкнан пьесаыслөн öтувьяыс—прöстöй йöзлөн нарти-
тöмлы паныд, югыд шуда олöм вöсна тыш.

ВЕЖ ГЫЯС

Драма

Ворсысьяс:

Дарья — 22 арöса.

Парась — сылөн чой, 24 арöса.

Педөр Микол — 35 арöса.

Онтон Иван — 26 арöса.

Елис Вась — 24 арöса.

Клавди — 26 арöса.

Марья — 40 арöса.

Коля — сылөн пи, 14 арöса.

Семё Михайлö — 50 арöса.

Ольга — сылөн гöтыр, 45 арöса.

Сергей — Ольгалөн пи, 19 арöса.

Дуня — 21 арöса.


Ненила Наталья — ёна пöрысь.

Рочев — изьваса партизан.

Вяткин — капитан, белöйяс карательной отрядса начальник.

Нывбабаяс да ныв-зон.

Белогвардеецьяс.



ПРОЛОГ

«Ті онё тёдöй öти том ныв йылысь. А ми, Помöс-дин гөгöрса сиктъясын олысь аньяс, öнiя колхозница-яс, бура тöдам сiйö нывсö. Ныв вöли мича. Еджыд дзоридзьясөн вöччöм льöм пу оз вермы вен-ласьны ныв мичлункöд. Шондi водзын, верöтя вылын кисьмöм озлөн рöмыс оз сяммы вевттыны ныв чужöмлысь öзьяна баниöмсö. Видзöдлан том ань-вылö да син водзад тувсов асья кыа пöртмасьö. Том нылöс ещö нин мичмöдiс авъя сьöлöмыс, кодi сявкiйс помтöм тöждысьöмөн йöзлы шуд перйöм вöсна. Овны да овны эськö том аньлы, гажöдны да ышöдны пась-кыд му эрдъяслысь дзоридзалан мичлунсö!»

Татшöм легенда ветлö Эжва йывса сиктъясын.

Легендаыс чужи кыпыд олöм перйигөн — сьöкыд гражданскöй война воясö.

Кодi тайö нылыс?

ПЕРВОЙ ДЕЙСТВИЕ

Первой картина

Сцена отар-модар бокъясас паныдаон кык важ ляпкыд керка: веськыдыввсаыс — Парасълон, шуйгавывсаыс — Клавдилон. Кильчө выв, лабичьяса. Посни ошиньяс. Веськыдладорас, Парась керкаланджык, кузь скамья — сэни ныв-зон рытйысьлісны. Сцена пыдöслань пöвьясысь заплод, сы сайын — ниа да вижөдөм корьяса кыз пуяса сад. Сад сайын тыдалө кык судта бур керка, чардака. Чардакас стөклöа öдзöс петö перилöа балкон вылö. Водзын тыдалө парма.

Водз асыв. Кылө ракалөн кравзөм. Бакөстө мөс. Сэсса кузя, гораа чукөстчө петук.

Парась керкаысь петö Дарья. Сійö плисөвöй жакеткаа, шевкнитöма, блузкаа да юбкаа, кокас сапожки, чышьянтöм. «Вежов юрсиа, кыз көсаыс коссыс улөджык лэччö. Пельк тушаа, мича статя, вöсни коска. Вылын вира, сідзи и ворсö алöй рөмөн векныдик чужöмыс. Вöсныд ныр-вома. Гөгрөс синьясыс вазыштöмаөсь, быттö өна сералөм бöрын», — татшөмөн Дарья-ös висьталöны сълөн пöдругаясыс.

Дарьялөн киас гартөм тетрадь, босьтлө щöка улас, медым тасавны кильчө öдзöссö — пу вугйö суйö рос, лэччö кильчө выв-сыс, листалө тетрадьсö.

Петö аслас кильчө вылө Клавди, очсалö.

Клавди. Дарья, асывсянь бара Педөр Миколай дінад?

Дарья. Сэтчö.

Клавди. Абу тай тэныд дыш!

Дарья серöктö, мунö.

Локтö Парась, кыкнан кинас кутö ичөтик сөй кашник, пöлялө кашникас.

Клавди. Парась, мый пöлялан?

Парась. Öгыр. Батьö шонаулысь вая.

Клавди. Ой, Парась, сетышт меным.

Парась. Пач ломзöда да, босьт. Колö тшак пуны.

Клавди. Меным он вичмöд? Öтчыд пумön.

Парась (*пöлялö кашникас*). Öгырöй кусö!

Клавди, босьт тассö. Менам киясöй, аддзан, тыра.

Клавди босьтö тас, пырöны Парась ордö. Чардак öдзöсöд балкон вылö петö Семö Ольга. Чöскыда очсалö: сöмын на чечöма. Сыналö сук юрсияссö. Петöны Парась да Клавди.

Клавди киян кашник да кöрöник.

Клавди. Аттьö, Парась, öгыр вылад да кос тшак вылад. Вот эськö ещö сов чепöль кö.

Парась. Кысь бара солыс. Мун, öгырыд кусö!

Клавди ойöстö, кашникас пöлялёмön пырö аслас керкаö, Парась — асласö. Ольга помалö сынасьöмсö, лöсьдö юрсияссö.

Ольга (*чуксасьö*). Парась!.. Клавди!.. Парась!..
Оз кывны мисьтöм чужöмъясыд!

Ольга пырö чардак öдзöсöд, недыр мысти локтö сцена вылö,
пельпом вылас шоныд шаль.

Ольга. Парась!.. Клавди!.. (*Петö Клавди.*) Мый сы дыра он пет!.. Мый дыра чуксаси балкон вывсянь. Пельтöмминныд!.. Мунöй Параськөд гумла дорö, чөвтöй ид идзас.

Клавди. Эштам кö.

Ольга. А мый вöчанныд? Юрсыныд той корсянныд!

Клавди. Парась öнi на локтiс тiянлы вартанiнсянь.

Ольга. Ыджыд тай! Рыныштор нянь вартöмнад коскас эз суй!

Петö Парась, кияс ичöтик чугун.

Ольга. Парась, мунöй, идзас чөвтöй.

Парась. Ветлам. Тшак чугун пачö дзумга да.

Ольга (*зывöка*). Тшак! Сэссия нинöм нин пунытö?.. Бура чөвтöй, мед арся зэр оз йидж.

Парась (*чугунсьыс сöдзöдö ва — тшак кöтöдöма*). Зiлям, ичинь! (*Пырö керкаас.*)

Одйö локтö Марья Коля, лолыс тырöма. Сийö омöль паль-
тоа, лöз гача, картуза, не кок сертиыс ыджыд важ сапöга.

Коля. Ольга тьötка, кöни Семö Микайлöйд?

Ольга (*сералö, ниртыштö Колялысь нырсö*).
Лолыд петас!

Коля. Кöни, мися, верöсыд?

Ольга. Тэныд верöс колö? А мыйла ог ме? Чай-
тан, менам Микайлö метöг тэныд удж сетас?

Коля. Ме ог удж кузя, Ольга тьötка.

Ольга. А мыйла локтін? Виччысян, мед ми тэнö
вердыштим? Öни тэ, Коля, миянлы гөрны да пинёвтны
он ков. Мöд воодз. Тöда, Коля, тэ радейтан вёлөн вö-
дитчыны. Сыысь ме тэнö любита. (*Кутлö.*)

Коля (*нетшыштчö*). Эн понды!

Ольга. Дöзмин? (*Ышловзё.*) Менам аслам тэ
кодъыд оз нин лолы. Нелямын арöс бöрад бабаыд
абу нин баба. (*Клавди серöктö. Клавдилы.*) Мый тэ
сэни пиньтö жерйöдлан? Ог тэкöд сёрнит.

Коля. Кытчö дзедбис Семö Микайлöйд?

Ольга (*сералö*). Тэысь дзедбяс! Мый сийö тэныд
сэтшöма ковмис?

Коля. Ключьястö корöны.

Ольга. Кутшöм ключьяс?

Коля. Амбарьяссыд.

Ольга. Серам петкöдлысь! Мый тэ вöчан
ключьяснас?

Коля. Оз меным ков, а Миколай дядь корö.

Ольга. Кутшöм Миколай дядь?

Коля. Миян комитетысь председатель. Локтис
няньтö гижавны.

Ольга (*ёна повзё*). Ме ордö?! Бласлö кристос!
Мый тэ сöран?

Ольга öдйö мунö, Коля сы бöрысь.

Клавди. Адöй, адöй! Котöртла, видзöдла!
(*Мунö.*)

Петö Парась, тасалö кильчöсö, локтö Клавди кильчö помö.

Парась. Клавди, мöдiм удж вылад... Клавди!..
Мунöма кö кытчöкö-а?.. Öдзöссö гурйив кольöма.
(*Пöдлалö öдзöссö, тасалö кильчöсö, мунö.*)

Локтöны Дуня да Марья.

Марья. Көсйи пыравны Миня Ондрей ордө, мися, оз-ө уджодышт. Ог төд, мый и вочны? Лунтыр пессян да истөг көрөб сов сетасны. Да и сійө оз чук-йөн, век нин чиркасны. Мый водзө лоө, Дуня? Локтй Катьö Дарья динö юасыны, а сійö со абу гортас.

Дуня. Ог төд нин, Марья! Миянлы тай, нывьяслы, Дарья мыйсö оз висьтавлы. Войпукигъясөн.

Марья. Войпуканінад позьö быдтор мойднытö. А олöмыд тай абу мойд. Омöля-омöля олим. А ташöм пикöдзыс эгö на волöй. (Локтö Коля.) Кольö, мый шлонъялан тані?

Коля. Ме ог шлонъяв, мамö, а Педöр Миколайлы кесйылöсала.

Марья. Лоöма жö тэнад Педöр Миколай!

Коля. Кыдзи нö, мамö! Миколай дядь öнй Катьö Дарьякөд Семö Мишö амбарысь няньсö гижалöны. Мамö, ой мыйта няньыс! Садь бырмөн. А тэ миянöс кыдъя няньөн вердан.

Марья. Кыдьяыс кө лоө, олам нин да. Миян сёрд муяс вылад няньыд оз зэв сувтлы. Шоч восö оз кынмыв. Со таво бара съод му воис.

Дуня. Карта сайса муястö миянлы юклісны. Ойдлан видзьастö-и. Да öд ещö, Марья, нывбабаяслы пайсö öткодя мужичöйяскöд сетісны. Дивö!

Марья. Сійö эськö миянлы, гöльясыдлы, бурöс вöчисны. Да кор на сэтчö көдзан? Мыйөн?

Коля. Көдзам, мамö, эн пов!

Дуня (серамөн). Коля көдзас, сöмын сёй!

Локтö Ненила Наталья. Гөрбыля, синъясыс вöйöмабсь, упкö-пöдö, бедьясьö. Киас ичöтик туйс, мышкас ноп.

Дуня. Кытчö нин Наталля пöчыс ветлöма?

Наталья. Вөрö кайлі. Кач кульышти.

Марья. Онісянь кач!

Наталья. Кысь меным няньыс, кор нэмыс ичöt көшас вöлі... Ыджыд нюр пölөн турипув вотышти. Нюрас эг лысьт пырны, джөмдан сэні пöрысьыд.

Коля серöктö.

Марья. Кольö, мый тэ сералан пöрысь морт вылын!

Наталья. Том мывкыднас. Олöмас уна на эштылас серавны. Бөрдöмыс сюрлö и. Қазялас: серамыд

да бёрдөмыд — кык чойяс. А кужас-ө сорлавны шог-сө гажкөд?

К о л я. Наталля тьотка, тэ кымынөд арөс тыртан?

Н а т а л ь я. Кутшөм тэныд сыөдз мог! Некор эг төдлы ассыым арлыдөс, да олі тай со. Енмыс төдө, кымын меным арөс. А вот оз босьт ас дінас, мөд нэм тшөктө мучитчыны прека му вылын... А өні регыд кокъясөс нюжөда. Ставөн тшыглы згинитам!

М а р ь я. Эн тунав, Наталля!

Д у н я. Гришаыд тай эз лок война вывсьыс. Кольччөма — кутшөмкө Гөрд армияө пө. Письмөыс вольвлө?

Н а т а л ь я. Письмөнад кынөмыд оз пөт. Быдтылі тай со Гришөөс. Быть меным быдты, кор батыс сортовка лэдзигөн пу улө лямалі. Мамыс, менам нылөй, биа висьөмөн кувсис, кынмаліс Миня Оңдрейлы лоска видз вылас уялігөн... Быдтылі, а мый сыыс бурсө аддзылі? Төв локтө. Пескөй жель мында абу. Пестөгыд да тшыгөнтө изөймитан. (*Сьөкыда мөдөдчө.*)

Д у н я. Наталля пөч, вай отсала ноптө нуны.

Н а т а л ь я. Отсышт, бобөөй, отсышт. (*Сетө нопсө Дуналы.*) Сьөкыд пөрысьыдлы. Войдөр тай эськө Семө Ольгаяслы видз вылас турунтө быдса юрөн вөлі мачала, а өні...

Наталля да Дуня мунөны.

К о л я (*топөдчө мам бердас*). Мамө, ме тэнө некор, некор ог эновт!

М а р ь я. Челядь на тэ менам. Тэ кындзи ещө куим посни. Кыдзи өткөнтө быдта?.. Йөз со война вылысь локталісны, а батыд...

К о л я. Быдтам, мамө! Эн пов, быдмам!

М а р ь я. Талун тэ эн на сөйлы. Кос паренча көть нөнялышт. (*Сетө питшөгсьыс.*) Век нин кынөмтө пөрьялыштан.

К о л я сөйө паренча.

М а р ь я (*меліа видзөдө ни вылас, ышловзьө*). Жежала Семө Ольга дінө, оз-ө уджөдышт. (*Мунө.*)

К о л я. Ой, Миколай дядь дінө вунөді! (*Мунө.*)

Локтö Парась, пыралö керкаас, петö коса пуртöн, керка сай-
сьыс босьтö кыз пу чурка, юкалö сартас.
Локтö Семö Михайлö: косиник, ичöt гогрöс тошка, пасьта-
лöма важ киссьöм дукöс.

Парась. Батьö, мый тэкöд лои? Татшöм лөк
паськöма!

Михайлö. Оз-ö жальныс пет... Мыйла сартассö
юкалан?

Парась. Рытнас Дарья динö войпукны пöдруга-
ясыс локтасны. Уна ковмас.

Михайлö. Тi войпукöй, а бать амбарсьыд нянь
гижалöны.

Парась. Чöv, батьö! Оз жö öд.

Михайлö. Гижисны гачтöмъясыд. Дарья тшötш
вöли.

Парась. Дивö тай висьталан!

Михайлö. Сарайын турун пиын вöлыштiс, да
адзисны жö. Парась, тэ Педör Миколлы висьтав:
сарайö няньсö тi асьыныд пуктинныд. Сэки сийö
няньсö ме вылö оз гижны.

Парась. Оз öд, батьö, меным эскыны. Педör
Миколайыд — ок кутшöм!

Михайлö. Мыйла оз? Тi — менам нывъяс. Ас
орданыд быттö некön видзнысö. Колi эськö, мед
Дарьяыд тшötш шуис. Тэ тшöкты Дарьяыдлы.

Парась. Сёрнитла, батьö.

Михайлö. Дарья батьöс оз öмöй дорйы?
(Мунö.)

Парась мездорас босьтö юкалöм сартассö, пырö гортас.
Локтö Дарья, кöсийö пырны керкаас. Паныд петö Парась.

Дарья. Парасковья, кытчö мöдин?

Парась. Педör Миколай динö муна. Дарья, мый
тэ вывтiасян? Босьтан да батьлысь нянь гижан! Э
кö вöv батыд, кызди эськö олим! Век нин уджавны-
тö чукöстлö. Сийö он мövпышт? Батыд век бать!
Кöть и мян ичöt дырйи мамöс мый вöчлöма.
(Мунö.)

Дарья. Да, бать!

Кост.

Локтö Ненила Наталья.

Наталья (скöрысь). Катьö Дарья!

Д а р ь я. Наталля тьотка усьома! Пырам керкао.

Н а т а л ь я. Непрака! Дзирнясян пөв вылө сув-
төмыд. Став сиктсө гудыртан!

Д а р ь я. Мый лои, Наталля тьотка?

Н а т а л ь я. Ещө юасы! Отө, кутшөм шензяна
чужөм вөчис, быттө нинөм оз төд. Пыралі Семө
Ольга ордө, мися, Ольга, бобөй, пывсянтө оти гор
ломтышт, шоныдінас ме тэныд шабдітө зуала, см
пыдди тэ менө... Семө Ольга, коньөр, бөрддзис, синва
сорөн увгө, ёрччө, медыджыднас матькыны мөдіс.
Вөлөмкө, ті мыжаөсь. Баба рөд, мужикьяс костө
суйсян!

Д а р ь я. Наталля тьотка, нывбабаяслы оз өмөй
ков бур олөмыс!

Н а т а л ь я. Баба рөдыд — донтөм чери. Сылөн
юквыс кизьөр! Педөр Миколкөд йитчан! Сійө отарө
мөдөм морт. Шардлө, катаргаысь гажтөмчөма!..
Озырьясөс көсьян топөдны? Гөгйид оро! Озыртө он
на вен. Озырыд озырөн и кольө. Му пуксьөмсяныс
сідзи мунлөма. Озырыд ва пыдөсө шөмтө вөйтас, а
изтө веркөсас кыпөдас. Озырыдлөн и пиньыс вомас
кучика. Оні жө котөрт Семө Ольга дінө, кор прөща!

Д а р ь я (*стрөга*). Наталля тьотка!..

Н а т а л ь я. Ланьт! Тэ төдан, коді лоан? Вунөд-
чин, мый тэ — чурка! Енмөн ёрөм шыблас! (*Дарья-
шай-пай*.) Вөльнөй светсө позоритан! Непрака! Ба-
тыд гозья вылө усьласян. Мун кевмысь Семө Оль-
галы! Тэ вөсна менө оз уджөд, оз вердышт. (*Мунө*.)

Д а р ь я (*отнас*). Мед!.. Мед ме чурка. Мед!
(*Сыркмунө*.) Мед!.. (*Чышкалө синвасө*.)

Локтөны Клавди да Дуня.

К л а в д и. Ой, мый керсьө, ой, мый керсьө!
Олөмыс кумыльгаөн мөдөдчис!.. Семө Ольга йөрын...

Д а р ь я. Тэ эськө ланьт, Клавди! Отторья ойзан
да кеньган!

К л а в д и. Ме век важыс, кутшөм вөвлі. Тэ со
вежсин, войпукьяссьыд көдзавны пондін.

Д а р ь я. Пеша дорын сартаса биөн чөрсөн
швыркйөдлөмнад оні менам сьөлөмөй оз бурмы.

Д у н я. А мый сэсса нывьяслы вөчнысө? Отчукөр-
над жө гажтө пычкыштан: тэнө кывзыштан, — сьөлөм

висьталёмсьыд ыркмунлас. Сэсся нориника лывкйод-лыштам-сьылыштам.

К л а в д и. Бара карыд дум вылад уси? Сэні абу жё вый пиын уялөмыд, а прөстө слугаалөмыд.

Д а р ь я. Мед. Менө Кронштадтын врач гозъя эз увтыртны. Лыддысьны-гижны на велөдісны... Вөліны менам пөдругаяс. Фабрикаын уджалысьяс. Волывлі на ордө казармаас. Мыйсө эгө сёрнитлөй. Ну-лывлісны кино гажөдчыны. Сьөлөм сетысь пөдругаяс. Лөсьыд накөд вөлі.

К л а в д и. Мыйла бөр локтін? Мед сэні олін дай!
Д а р ь я. Локсьөма тай со. Ас чужан муыд кыскө.

Локтө Елис Вась.

В а с и л е й. Оланныд-выланнуд, нывъяс!

К л а в д и. Елис Вась локтіс!.. Зон. Окма, өнія зонъясыд зарни мешөкъяс! Юмов вомъяс!

В а с и л е й. Мый бырган, Клавди!

К л а в д и. Тэ пыдди. Тэнад өд вомад пыр ва кымөма.

Д у н я. Вөралысьясид абу кывворабсь.

В а с и л е й. Куим во нин, Дуня, пармаө эг петав. Гажөй быри.

К л а в д и. Пармаысь быри, а эз нывъясысь? Тша-питчан? Ёнія зонмыдлы нелямын өдзөс восьса. Лёка этшаөнөсь. Мыйта война вылын чирсісны. А Елис Вась воис дзоньвидза... Мыйла тэ аскөдыд вайөмыд пицаль? Винтовка пө. Гөтыр пыдди?

В а с и л е й. Гашкө и тэнө на ковмас дорйыны.

К л а в д и. Менө? Мун сэтысь!

В а с и л е й. Дарья, ме тэ дінө кежалі. Мися, мунам өтлаын комитетө. Туй помыс кыкөнтө дженьыдджык. Көсья лөсьөдчыны гөльяслөн собраннө кежлө. Председатель аски чукөртө.

Д а р ь я. Ме неважөн локті сэтысь. Ог на мун.

В а с и л е й. Он кө инө, өтнамлы лоө восьславны. Мый керан. (Мөдөдчө.)

К л а в д и босьтө Елис Васьёс сойбордйөдыс.

К л а в д и. Елис Вась, ме колльөда тэнө, мекөд туй помтө он и төдлы.

Д у н я (серамөн кутчысьө Елис Васьлы мөд сойбордъяс). Ме тшөтш!

К л а в д и. Өнi тiянлы нывъясыд пож тыр. Бөрйи!
Да куж кутчысьлыны.

В а с и л е й. Мый эськө тi и сераланнид!

Д у н я. Нывлөн серам — зонлы козин! Со и Дарья
нюмөн козныштiс.

Е л и с В а с ь видзөдлө Дарья вылө, ышловзё. Куимөн
мунёны.

С ай ы н г у д ö к ш ы. Гудöкасьөмөн локтö О л ь г а С е р г е й,
гимназист паськөма.

С е р г е й. Дарья, ме тэ ордö локта.

Д а р ь я. Мый тэнад ме ордö коли?

С е р г е й (öбидаён). Пыр и вомалин!

Д а р ь я. Лун шөр лунö гудöкасян, Ольга Сергей?

С е р г е й. А мый меным вöчнысö? Гажтөм, Дарья,
Керчомьяын. Дарья, мыйла тэ öнi ныв-зон чукөрö он
воływлы? Меным эськө долыдджык вöли. Гудököй
гажаджыка ворси!

Д а р ь я. Тэныд метөг долыдалöмыд сюрö.

С е р г е й. Сийö и эм,— оз сюр. Некодкөд зонмав-
ны. Тани нывъяс вывти наивнöйöсь, прöстөсь, дуркөсь,
некультурнöйöсь.

Д а р ь я (укöрайөн). Нывъяс йылысь тадзи он жö
шу, Сергей!

С е р г е й. Сидзи и эм да!.. Сöмын ышлолалöны
да төлысь вылө дзоргöны. А вот тэ, Дарья!.. Тэ дзик
мөд. Тэ уналысь верман сьөлөмсö вөрзёдны.

Д а р ь я (серамөн). Со ещö менам кутшөмөн
вövсьöма!

С е р г е й. Дарья, вай матөджык төдмасям. Оз
өмöй гажаджык лө?.. Тэныд и меным. Дарья, тэ ме-
ным сьөлөм вылө воан. Тэ, сөстөм ныв, меным колан.
(Дарья шензёмөн видзөдö Сергей вылө.) Чуймиң?..
Ме збылысь шуа, Дарья. А тэ кызди?

Д а р ь я (юрсö лэдзёмөн). Мый ме верма шуны
татчö, Сергей!

С е р г е й. Тэа-меа лөсявны кутам. А, Дарья!
(Пуктö кисö Дарьялы пельпом вылас.)

Локгö К л а в д и.

К л а в д и. Ой, мый ме аддза!.. Мый аддза! Ольга
Сергей Дарьякөд кутчысьлө! Сергей, он-ö нин корась?

С е р г е й. Тэ ногөн, Клавди, мед Дарья нэмыс

идзас вольпась вылын туплясис?.. Дарья, мөвпыштлы, мый ме тэныд шуи. (*Гудёкасьёмён мунё.*)

К л а в д и. Дарья, кутшөм нимкодь, кор зонмыл кутлө. Аддзи да, менам сьёлөмөй юр вемө ыйкнитис!.. Адöй, адöй, Елис Вась тэ динө кежалө, Ольга Сергей коралө. Вот шудыд! (*Ышловзё.*) Нылыд век ныв. Сыысь ыджыд шуд оз ков... Сэсса нө, Дарья...

Öдйö локтö Семö Ольга, киас карнан.

О л ь г а (*Дарьялы*). Кирит менсьым няньöс пеж гижодсьыд!.. Öнi жö кирит, пырысьтөм пыр. Карнанöс чегьяла! (*Кöсийö кучкыны*.)

К л а в д и повзёмөн чепөсийö кильчö вылас. Дарья песовтö карнансö Ольга киысь, шыбитö.

О л ь г а. Йöз амбарьясти шувьялан. Абу и яндзимыд!

Д а р ь я. Тэысь?!

О л ь г а. Он на öтчыд ме ордö... Кынөмыд сюм-мас... Ме тэнö!.. Кык көбыла оланнуд, керка вевтныд пож кодь, юр выланыд зэрö... Плисөвöй жакет кышалөма, көса нюжөдөма бекьясөдзыс, вежнясьö-ветлө... Бать ни мам, енмысь чөвтчөма, повны некодысь,— валяй! Йöз эмбур вылө горшасян!

К л а в д и. Ольга тьötка...

О л ь г а. Он-ö нин көсийы дорйыны!

К л а в д и. Ольга тьötка, тэ Дарьяöс весь вöйпан, да карнанөн усьласян. Аслад моньпу вылө.

О л ь г а. Мы-ый?!

К л а в д и. Öнi на со Сергейыд... Синмөс абу пöртöма, аддзылі. Сергейыд шуис: гөн перина вылын да аслам ки вылын пö узьтöдла. Абу пельтөм, кывлі.

О л ь г а. Ме... йöзöс грабитысьöс... чуркаöс... корысьöс!.. (*Скöрысла пуö.*)

Кост. Öдйö локтö Педöр Миколай.

М и к о л а и. Дарья!.. (*Аддзö Ольгаöс.*) Но, тэ Семö Ольгакөд лелькуйтчан?

К л а в д и. Дарьяöс коралө.

М и к о л а и. Со ещö мый!.. Но, тэ, невестапу, мун комитетö. Писаркөд арталöй, мыйта нянь кулакьяслөн лишалө. Елис Вась сэнi жö, отсалас.

Д а р ь я мунö, сы бöрысь Клавди.

Ольга. Миколай, дитяёй, мыйла миянлысь нянь нымёс гижин?

Миколай. Ті тшыгъялысьяслы бурён онё сетёй. Ми мырдён босьтам! Ті Советскёй властью... Мыйла тэ рудзёгтё карта вылад куйёд улё да сараяд турун пиё дзебёмыд? Вывті матё!

Ольга. Эз-ё ков тэнсыд юавны, кытчө колё меститны!

Миколай. Колі Миня Ондрей моз му пиё гуавны. Ойдёджык сісьмис!

Локтёны Семё Михайлө да Парась.

Микайлө. Парась, висьтав!

Парась (*мёмъялёмён*). Миколай... сараяс... Ми Дарьякөд няньсё... батьё ордё...

Миколай. Со мый косьяныд!

Ольга. Кутшөм тэныд бать! Батьён шуысь, родёгось бөж!

Микайлө (*скёрысь*). Ольга!

Ольга. Мый Ольга? Он-ё тшөкты чөв овны? Няньыс менам!

Миколай. Оти пунт нянь он лысьт вөрзёдны! Сійё öнi гольяс комитетлөн учёт вылын.

Ольга. Бласлө кристос, мый шуис!

Миколай. Спекулянтавнытё пом!

Микайлө. Эн на көдзлы!

Миколай. Ми тiян вылө ещё контрибуция пуктам. Овмөстө реквизи... реквизи.. овмөстө босьтам!

Микайлө. Кутшөм закон серти?

Миколай. Революция нимөн!

Ольга. Некутшөм нянь, ни öти тусь некодлы от сет! Вода амбар öдзөс вомөн, коскөдз кушөдча, чужъясьны кута!

Миколай. Тэ со кызди! А ме ключьястө ас ордө босьта. Амбаръяс дорад стража сувтөда! (*Мөдөдчө*.)

Ольга (*сарапансё лэптыштө, потшалө*). От лэдз!.. От лэдз!..

Миколай. Бөж доръястө ещё вылөджык лэпты! Вешйы сэтысь!

Миколай мунө, сы бөрысь Ольга, горзёмөн: «Бур йөзёй, грабитёны!»

Парась шөйөвошөмөн сулыштө, кёсий пырны керкаас. Семё Михайлө тойыштө Парась-ёс. Парась усьө.

Парась. Батьо, мыйысь?!

Микайлө чужйö Парасьёс, мунö. Парась чечö, бёрд-
дзö. Локтö Дарья.

Дарья. Парасковья, мый бёрдан? Коді нор-
модіс?

Парась (бёрдёмөн). Тіянкөд синвайд оз кось-
мыв.

Дарья. Педөр Миколай? Сійö вермас.

Парась бёрдёмөн пырö гортас. Дарья, керкаас пырём
могысь, кайö кильчö пос вылас.

Локтö Онтон Иван. Сійö шынеля, картуза, сэні красноар-
мейской значок, кокас обмоткиа ботинки. Шуйга кыс раненöй,
öшалö волыс вылын.

Иван. Дарья, олан вылан! Кык лун на воёмлы,
а тэ йылысь кывлі... Тэ со кутшöм вöлөмыд. Катьö
Дарья! Дарья Кочанова!

Дарья (тшапа). Да, татшöм!

Иван. Эг чайтлы.

Дарья. А тэ кутшöмөн чайтін?

Иван (серамён). Веськыда кө шуны, ог и куж
висьтавынсьö.

Дарья. Көсьян менö серамыв лэптыны!..
Кывлі, Тентиков грездысь пö Онтон Иван воёма.
Кык лун тані олан, а комбедын учёт вылö эң пас-
йысь.

Иван. Қолö өмөй!

Дарья. А мыйла тэ локтін Керчомьяö?

Иван (серамён). Допрос?

Дарья пырö керкаас. Локтö Миколай.

Миколай. Иван, мый тані вöчан? Он тай лок,
кор колö вöлі кулачкакөд...

Иван. Қөсья вöлі Катьö Дарьякөд төдмасьны.

Миколай. Ме сійöс комитетö ысті.

Иван. Öні пырис гортас.

Миколай. Воис нин? Сэк кості!

Иван. Тыдалö, сы дінö куш киён он матыстчы.
Ныв төдö ассьыс донсö.

Миколай. Торья!.. Ныв — ныв и эм. Он и ка-
зьявлы — уйкнитас! Со коралöны. Том нылыдлөн
мывкыдыд — йиавтöм кольта!

Иван (*серамён*). Дивё тай тэ шуан, Миколай! Коралёны кё, бур нин. Абу пёрысь пöchö, а мича ныв!

Миколай. Мичлуныд — дзибыр пыж, колё кужны нуны сийöс олём гыяс вывтыд. Тэ тöдан, код сайö коралёны?

Иван. Мый тэ Дарья вылö скöралан? Ме кывлі, ныв комбедад бура, сёлёмсьыс уджалö.

Миколай. Быть, кöсийö кё лоны... мортөн! Голь йöз пöвстад грамотнойясыд оз туплясьны.

Иван. Тэ Дарьялы он эскы?

Миколай. Ме ачым аслым унаысь ог эскы. Сидзи олөмыс да сывлытём кын кокъясöй велö-дисны... Со чойыс батьсö дорйö. А кодысь дорйö? Сэтшöмьясыдкөд и вöч революциятö! Пырала на ордö, кыкнаннысö топöдла. Ме пузовта ставнысö, коді лысьтас сувтны миянлы туй вомöнөн! (*Пырö Парась керкаö.*)

Занавес.

Мöд картина

Сийö жö сцена. Коли вежон-мöд. Сёр ар: кыз пуяслөн корьясыс усьöмабсь, ывлаыс чуемöма.

Локтö Дарья, уджалан паськöма, чера. Тöдчö,— мудзыштöма. Пуксьö, перйö зеркалö тор, видзöдчö, лöсьöдö чышъян улас юрсияссö.

Локтö Коля.

Коля. Ак, мый керан?.. (*Дарья дрөгмунö, сэсся серöктö.*) Видзöдчан, мед мичаджык лоин?

Дарья. Юрсиясöс колö лöсьöдыштны. Синмö пырöны.

Коля. Ме некор ог видзöдчыв. Нинёмö. Нолтö, Дарья, петкөдлы. (*Босьтö Дарьялысь зеркалö торсö, матыстö дзик чужём бердас.*) Ныр тыдалö!

Дарья (*ылыстö Колялысь кисö*). Öнi?

Коля. Ой, тайö нö ме? Некор на ачымöс эг адзыв. Сё дивё тай! Чужём серöй дзик ичöt чойлөн кодь! (*Гылыда сералö.*)

Дарья сералё жё, босьтё зеркалёсё, ещё видзёдлэ асьсё,
чышкыштё паськёмас, дзебё.

Коля. Конда пёрёдны ветлін?

Дарья. Кералышти.

Коля. Черыд, кёнкё, ныж? Вайлы ме ордё,
зудъяла. Нылыдлён чер дорышыд озджык артмы,
мужичёйяс сертиыд.

Дарья (*сералё*). Коля, тэ асьтё мужичёйён лыд-
дян?

Коля. Коді нё ме? Дерт, мужичёй. Мамёлён кё-
зьяин! Батьёй ни, вёлёй ни абу. Батьё германскёй
война вылын уси. А вёвным... мамё шуё: миян пё,
Кольё, вёвным нэмыс бёжтём вёвли. Ме кыкнанныс
пыдди: батьё пыдди, вёв пыдди... Оні волі Семё
Мишё йёрё. Миколай дядь тшөктіс видзёдлыны, сэні-ё
Пиля Митрей... Дарья, Семё Ольга тэнё ёна и видё!
Сэтшёма — пеж кывьясён! Ме кёси тэнё дорйышт-
ны, да кызди тай ме вылэ уськөдчас! (*Дарья се-
ралё.*) Но, тэныд любё? Ме чайті, скөрман. Нывьяс-
лён сёлёмыс, тыдалё, мөдджык миян серти, мужи-
чёйяс ногөнтё... Ой, колё мунны! Миколай дядь,
кёнкё, шуасьё нин: кёні пё Марья Кольё сы дырасё
ветлэ? (*Мунё.*)

Локтёны Марья да некымын йывбаба.

Оти баба. Дарья, пыралім шондібан конто-
раад, да тэ абу сэні.

Дарья. Мыйла шондібан?

Оти баба. Кызди сэссия шуан гөльяслысь чу-
көртё. Дарья, мый сиктыгн вөчсьё?

Дарья. Асьныд онё аддзёй?

Мөд баба. Аддзам — тшыгьялам!

Дарья. А кор ми эгё тшыгьявлёй?

Марья. Татшөмөдзсё некор на эгё волёй. Че-
лядь эмөсь. Посни челядь! Найё оз төдны, оз гөгөр-
воны, мыйла лоё тшыгьявны. Налы колё сёйны, колё
сөвмыны-быдмыны.

Мөд баба. Видзөдан, кызди лунысь-лун быга-
лөны, сылөны, гөлөсныс вишкё,— мам сёлёмыд ви-
рөн ойдё!

Коймөд баба. Вунёдам регыд, кызди няньсё
көтлөны. Идзас да кач вылад дыр он ов.

Дарья. Тёда, дона бабаяс!

Коймөд баба. Дарья, ті озыръяслысь няньнысө ас уланьд босьтінныд. Энө кө скөрмөдөй, гашкө, важ моз уджавны медавлісны.

Мөд баба. Оні матө он сибав на дінө, сөйөмөн сөясны.

Дарья. Озыръяс ки пыр видзөдчөмөн, бабаяс, олөм кузя чатөра юрөн он мун!

Мөд баба. Чатөртан! Со Павел Ольöksанкөд мый вөчисны. Вөлөма... Энлы-энлы... Ог куж шунысө. Коммунистысь вылынджык вөлөма.

Дарья. Ольöksан Павлович гөгөрвоө вөлі олөмтө.

Марья. Жаль мортыд. Ловья кө вөлі, колөкө...

Мөд баба. А вот мужикьясыд эз повзыны. Мыйтаөн пырөны коммунистад.

Оти баба. Менам выживыс пырис жө. Ме видча, мися, тшыгьялам нин, а тэ кытчөкө суйсян. Да шу көть эн сылы.

Мөд баба. Дарья, кывсө, мукөд сиктясын озыръяслысь няньсө тшыгьялысьяслы сеталөны. А ті мый көсьянныд вөчны?

Дарья. Председательлысь колө юавны.

Мөд баба. Педөр Миколай бабаясыдкөд оз зэв сөрнит.

Коймөд баба. Миколлөн челядыс кыд сора няньсыд дундөм. кынөмаось. Ириньыс пойтлө, бөрдө, а верөслы ставыс веськодь. Съөд войнас пө сөмын гортас петкөдчылас.

Дарья. Педөр Миколайлы оні уджыд тырмө.

Коймөд баба. Дорйы!.. Тэ он жө водзмөстчы, батыд уна няньнад жаль.

Дарья падмө.

Мөд баба. Батьсыд абу бурджык! Семө Мишө мый мамыдкөд вөчис? Бать рөдад мунөмыд!

Дарья. Одөття тьотка, тадзи менө он жө шу!

Оти баба. Тэ пө ачыд көсьян мунны Семө Ольга пи сайө. Клавди ошйысьө.

Марья. Кывзы тэ бырган вома Клавдилысь!

Оти баба. Озыр саяд быд ныв уськөдчас!

Коймөд баба. Ставныс өткодьөсь! Мунамөй, бабаяс! Тыдалө, няньнад нинөм оз пусы. Ойя да ойя!

Бабаяс, Марья кындзи, мунёны.

Марья. Дарья, кызди водзё кутам овны?

Локтё Педёр Миколай.

Миколай. Дарья, көні тэ ветлөдлан? Аддзёма пес кералан кад. Тэ меным асывсянь вөлі колан. (Марьялы.) Марья, мун, сулышт Семё Ольга амбарьяс дорын. Луньюгыдын позё и бабалы олыштны.

Марья. Миколай, ме пола.

Миколай. Тэ мөдторйысь пов: мед кулак гозья нянь тыра амбарьяссө тшын йылө эз лэптыны!

Марья. Сы вылө өд кыныс оз жө пыр, Миколай!

Миколай. Тэ кывзы, мый тэныд шуёны! Мун, веж амбарьяс дорсьыс Пиля Митрейёс. Мортыс войбыд сулаліс. Висьтав сылы, мед оз гортас мун, а винтовканас комитетө локтас.

Марья. Ветла но инё. Мый керан! (Мунё.)

Дарья. Миколай, няньтө колө заводитны сетапны. Уна челядялы сёйнысө нинём.

Миколай. Тэтөг ме ог төд!

Дарья. Кач вылө нин воёмаось.

Миколай. Миян Керчомьяын өткаяс на кач няньнад гырк пытшкөснысө кырлөдлөны. А со Висер вожын да Эжва катыдын ни өти нывв пу культөгыс абу кольёма... Уездсянь эз на во индөдыс, кутшөм вөлөстьяслы няньсө мөдөдны. Тшөктасны, колөкө, рабочөйяслы вичмөдны. Оні карын веськөдлысьясыс абу нин кулакөс нюлысь эсерьяс, а властьюс миян большевикьяс кыын. Вермасны шуны: тэрмасынныд, другьяс! Оз тэныд, а меным шуасны!.. Ас сиктын тшыгыялысьяслы сетапны нөрөвитлам.

Дарья. Колө гөльяслы юөртны, кор заводитам. Мамьясыдлөн сёлөмыс пыдзыртчө, кор челядыс...

Миколай. Мый тэ меным мамьясөс гаралан! Ачым ог аддзы?.. Нянь йылысь лоө, дерт, мөвпавны. А со Миня Ондрей мыйта сов заптылөма. Мыйла? Мед, няньон моз жө, йөртны гөльясөс, миянлысь власть путкыльтны!.. Со мый колө, Дарья, төдны. Тэ со Марья Кольөкөд комитетын стен кузялаыс нюжөдөмыд гижөд: «Ми абу рабьяс!» Менө тшөтш велөдан. Кутшөма пөсявла «ми абу рабьястө» лыдигөн.

Д а р ь я. Велалан, Миколай. Тэныд кокниа сетчө.

Миколай. Детинкаөн ме котравлі школаад,— арся вөралөмө петтөдз. Төдмасьлі букважскөд, чуньясөс ёна черниланад льякөсьтлі. Сэки меным букважсыд оз вөлі ковны. А өні со, съөкөча маच्याсыд, ковмисны! Со пөсявлан накөд венласьөмөн, а велөд быть. Ыжпаса кырымнад ылөдз он во!.. Но өні ог сы йылысь тэныд көсьы висьтавны. А кодьяс сійө — ми абу рабьяжсыс? Карын заводса рабөчөйяс, сиктын — гөльяс! Налы, про... пролетаристлы да гөльяслы, колө өтув, өти дозйө уджавны. Карын — Сөветьяс. Сиктын — Сөветьяс жө. Öти кывйөн кө, Сөветскөй власть! (*Висьталөмысла пөсялө, чышкө пөсьсө шапканас.*) Ме кымынысь тэнө тшөктылі комитетын өшөдны гижөд: «Мед оласны Сөветьяс!» Мыйла тшөкта? Сы вөсна, мый кулакьяс, став контражс усьласьөны Сөветскөй власть вылө. А ми, гөльяслөн комитет...

Д а р ь я. Ми-дорьям сійөс!

Миколай. Ми тышкасям Сөветскөй власть вөсна! А тэ мыйла нюжөдчан, он гиж?

Д а р ь я (*жалитан шыөн*). Гөрд матерьежс абу, Миколай.

Миколай. Тэ мый вылө? Корсы!.. Парасьыдкөд мый ті вөчанныд? Клавди мый больгө тэ йылысь? Петкөдла ме тэныд сэтшөм верөс сайө петөм! Регыджык ёмаөн енэжө качан!

Локтө Онтон Иван.

Иван. Чолөм, ёртьяс! Варовитанныд?

Миколай. Дарьялы со агитация лөө вөчны.

Иван. Мый кузя?

Миколай. Ачыд он төд, мый йылысь өні сөрныжс сиктын?

Д а р ь я. Бурөс эськө висьталіс, а сэссия друг менө көсьйө енэжө качөдны.

Иван (*серамөн*). Позьө и енэжө качлыны, эмөсь кө бордьясыд.

Миколай. Некутшөм серам тані абу.

Иван. Миколай, партийнөй ячейкаө воліс Ели-Вась. Председательлысь вөжйысьө петны вөравны.

Микол ай. А сиктын коді уджалас? Юр выв-
тыр удж.

Иван. Ковма кө пө, чукөстанныд. Марья Коля
төдө сылысь чөс туйяссө. Лызьөн регыдөн төвзылас.

Микол ай. Военной делөө коді мөдас велөд-
чыны? Контраяс кымынлаын юрнысө кыпөдісны. Ме
ачым сёрнитла Елис Васькөд.

Иван. Военной комиссар меным тшөктіс босыг-
чыны. Партийной ячейка сідзи жө шуис. Делөыс тэр-
мөдлө. Печораын белогвардеецъяс юрнысө кыпө-
дісны. Вот винтовкаясыным этша.

Микол ай. Ладнө көть ме путьмылі аскөд
фронт вылысь вайны.

Дарья. Иван Антонович, меным тшөттш колө...

Микол ай. Винтовкаө кутчысыны?

Дарья. Он төд, Миколай, ковмас.

Микол ай. Чөв, Дарья! Серамыв лэптасны: со
пө керчомсаяс сарапан бөж улө дзесьсөны. Бабаяс
вылө кө воач...

Дарья. Николай Федорович! Мый ещө месянь
тэныд колө?

Микол ай. Вичалан! Сідзкө, скөралан. А мый-
ысь скөрмин? Мун комитетө, лөсьөдөй гижөдъяс,
кодлы кутшөм кулак амбарысь няньсө сетавны.
Бурджык лө, винтовка йылысь вөтасьөм дорсьыд.

Дарья. Мужикъяс лөмаөсь! Садьтө нин онө тө-
дөй! *(Пырө керкаас.)*

Иван. Миколай, оз ков тадзи Дарьякөд. Ныв
быдтор ас сьөлөм бердас матө босьтө.

Микол ай. А меным кутшөм? Қокни уджавны?..
Со төнлун гөльяслөн собраннө вылө пырис Мити-
пер Васьө. Пуксис матө пызан дорө, кывзө да
нюмъялө. Ме шуа, мися, Василей, тэ эн нюмъяв, кор
сёрни мунө олөм восьтөм йылысь. Сійө ещө ёна нюм-
діс. Ме вөтлі сійөс. А Дарья сувтис да аслас баба
сьөлөмнас став йөз водзын крапкис, дорйө. Дорйө оз
менө, а Васьөос!

Иван. Ме төда Митипер Васьтө. Миян Тентиков
грездысь. Шөркодя олысь. Эз ков вөтлыны.

Микол ай. А мыйла нюмъялө? Нюмъялөмнад
революциятө он вөч! *(Перйө табак көшөль, гартө чи-
гарка.)*

Иван. Шөркодя олысьтө оз ков өтдортны, а ма-

тыстны ас дінö, отсавны сылы, мед регыдджык аддзас, кытчö дзевöма олöмсö.

Миколай. Книга серти кö, гашкö! (*Биваён перйö би, öзтö чигаркасö.*)

Иван. Кутшöм чöскыдтöм тшын дукуыс. Мый куритан?

Миколай. Петшөр вуж, мый сэсса.

Иван (*сетö табак кöшöль*). На менсьым гартышт. Макорка. Дунаевскöй на.

Миколай (*босьтö*). Тэнад и бумагаыс вöсни, трубичаö тумбылялöма. (*Гартö чигарка, ассьыс ку-сöдö, кисьтö петшөр вужсö бөр аслас кöшöльö.*)

Иван. Колö кык пельö кульны. Кötöдыштан кö, кокниа кульсö.

Миколай. Ме гöтырлысь свертöксьыс вочасөн гусявла. (*Биваён перйö би, но оз шед.*) Сьököча мачыд, тшакас оз кутчысь. (*Иван öзтö зажигалкаөн.*) Тэнад и зажигалка эм? Тыр морт вöлöмыд. (*Кыскö чигаркасö, тшöкмунö.*) Вот тайö мөрччö! Вескыда райö волан!

Иван. Миколай, Александр Павлович Гичев йылысь быдсяма ногыс сёрнитöны. Кыдзи мортыс прöступитчис?

Миколай. Мыйла колö вöли Öльöксанлы öт-насөнлы пырны кулак ордö? Кötь и мог вöли. Пырис, а петкöдны лои водзö кокъясөн. Босьта на ме водзöс кулакъяслысь Александр Павловичöс виöмысь!.. Балтийскöй моряк. Большевик. Кутшöм бура волисполкомын секретаралис, тышкасис контракöд! Колöм во помын Тентиков грездын кулакъяс öтув эсерьяскöд котыртісны ассьыныс поз — управа. Александр Павлович кучкис телеграмма Москваö, Ленинлы. Аскиас и воис Москвасянь воча кывйыс. Öдйö тай сэки ми пузовтім кулакъяслысь пеж позсö!

Иван. Классöвöй тыш ёсьмö!..

Локтö Сергей.

Сергей. Здравствуйте, начальство!

Миколай лөгөн видзöдлö Сергей вылö, мунö.

Сергей. Здравия желаю, солдат ёрт!

Иван. Чолöм, Сергей...

Сергей. Степанович. Да менö некод оз вичав.

Сыодз эг на быдмы. А Педөр Миколай груб. Мый керан, мужиклөн культураыс оз тырмы. А тэ коді лоан? А, кывлі. Онтон Иван. Нывъяс висьталісны: вооымд пö. Век на салдаталан? А мукöдъяс гортаныс воалісны. Эн на дözмы войнасьыд?

Иван. Кутшöмысь дözман, а кутшöмысь и оз позь дözмыны.

Сергей. Пуляыд абу öмöй быд войнаын öткодь?.. Иван Антонович, мый Педөр Миколай Дарьякөд сёр войöдз комитетас вöчöны? Абу кө гусятор. Кутшöм налөн — нывлөн да верстьö сыод мужиклөн öтувья интересыс?

Иван. Велöдчöны грамотаö.

Сергей. Романтика!

Иван. Қодлы кыдзи! Қад воис и гöльлы грамотаö босьтчыны. Не сöмын ті-воклы гимназиясын велöдчыны.

Сергей. Ме таво эг мун. Öнi гимназияын некутшöм велöдчöм абу. Öтторъя митингуйтчöны.

Иван. И сійö бур!

Сергей. Меным веськодь.

Иван. Кыдзи веськодь?

Сергей. Ас кежын эськө мөвпавла жö: мый эськө öнiя кадö ме верма вöчны?

Иван. А мый тэ ногөн?

Сергей. Ме тэнсьыд көсья юавны.

Иван. Удждыд сюрö. Медтыкө вöлі көсйöмьд. Социалистическöй революциялы отсасьны. Мыйта танi уджыс! Рабочöй класслы да гöль крестьяналы велöдчöм йöзыд кутшöма колöны. Дерт, тэнад велöдчöмьд лёка на этша, но век жö нин.

Сергей. Ме эг революция йылысь юав.

Иван. А тэныд оз кажитчы?

Сергей. А ті менö эськө сибöданныд?

Иван. Ас саяд. Ставыс ас саяд, Сергей Степанович! Ло вылынджык сійö классысь, кытысь тэ петiн.

Сергей. Крута босьтанныд. Лöньджыка оз позь лöсьöдчыны?

Иван. Кыдзи лöсьöдчыны? Лöсьöдтöмтор лöсьöдны!.. Нем мириттöм тыш, классöвöй тыш буржуазиякөд, Сергей Степанович! Тшötш и сиктса кулаккөд!

Сергей. Крута, мися, вывті босьтанныд, Иван Антонович!

Пето керкасыс Дарья. Оні сійо плисөвөй жакеткаа, сөстөм паськөма. Сэки жө локтө Клавди.

Сергей. Дарья!

Дарья оз видзөдлы Сергей вылө, көсйө муны.

Иван. Дарья, тэ кытчө?

Дарья. Ачыл төдан, кытчө.

Иван. Эн коль, мунам өтлаын. (Дарья муно.)
Вот тадзи, Сергей Степанович! (Муно Дарья бөрысь.)

Клавди. Сергей, Дарьятө кыйөдин, а сійө бокытыд чишнитис!

Сергей. Воас кад,— пөкөритчас. Эз на вөвлы ныв, коді меным...

Клавди. Том на нывлысь мөвптө синнад адзыны да кинад малыштны.

Сергей. Клавди, тэныд Дарья нинөм эз шулы... ме йылысь? Тіян наныдаось керканыд, волысянныд.

Клавди. Сьөлөмыд косьмө? Қолөкө, велөда.

Сергей. Но и велөд. (Шмоньон.) Велөдан, пуд пызь сета. Мамөлысь гусяла.

Клавди. Ок кутшөм дона Дарьяыд! Да өд ті, Сергей, Дарьякөд чоя-вока кодьось.

Сергей. Кутшөм чоя-вока! Менам батьөй — Степан, Дарьялөн — Микайлө. Менам мамөй — Ольга, сьлөн — Катьө.

Клавди. Сэсса, веськыда кө шуны, Дарья тшапитчыштө. А нылыдлы эськө зонсянныд уна оз и ков. Мелі сёрни, мед кывъясыд вый моз мавтөны. Синъястө читкырт, кызди тай кань читкырасьө мөсвөра йөв лакөм бөрын. Сэки нылыд — тэ вылө видзөдас-видзөдас, меліа мавтан сёрнитө кывзас-кывзас, сьөлөмыс сьлө, да ачыс тэнө... (Кутлө Сергейс.) топыда-топыда.

Сергей (мездысьө). Эн сывъясь, Клавди!

Клавди. Ок, эськө, Сергей, ме кө, Дарья моз ог жө нин петитчы. Кутыштлан кө, ог төд, мый мекөд лоө: сьөлөмөй коклябөрө тюрөвтас. Волы, колөкө, войколөн ме ордө, велөда радейтнытө. Оти сайын пельпом вылад пуд пызьтө шелөдан.

Сергей. Тэ, Клавди, дука!

Клавди. Господьёй-енмёй, мый шуис! Дука! Аслад пар дорьясад мам йёлыд на абу косьмёма, а татшём кывъяс путьман шуны!

Сергей. Ме абу нин челядь. Дас ёкмысод арёс тырта.

Клавди. Дука! Мыйён тёдан? Эн на сибёдчыв да!.. Дука! Мощи али мый ме? *(Пырё керкаас.)*

Сергей шутьлялө. Локтө Семё Ольга.

Ольга. Сергей, мый шутьлялан, омольясёс чук-салан? Асланым йёрөдз кылө. Тэнад шутьлявтөг олөмыс турки-тарки мөдөдчис. Бара Катьё Дарья динө кыссян?

Сергей. Мамо, эн суйсы миян костө. Ме ачым тэтөг коркө...

Ольга. Кор став овмөснымөс грабитасны! Ме тэ вөсна пола. Мед корысьё он во... Нинөм тэнад чур-какөд оз артмы. Ог кө ме, олөм төдлысь, тэнө велөд... Сергей, тэ гуляйтёгад ныв-зонлы ошйысь.

Сергей. Мый йылысь?

Ольга. Челядь али мый, он вежөрт? Ошйысь, мый тэ Дарьякөд мужика-баба моз узьлін.

Сергей. Мый тэ, мамо! Ме, интеллигент, культурной ныв йылысь...

Ольга. Йөй! Став нылыс өткодьёсь. Сы вылө и найёс енмыс лөсьөдөма. А янөдан...

Сергей. Сэки Дарья вылө лоө гөтрасьны.

Ольга. Юртө поткөдла! Киссьөм ротөсаяс зэв нин лэптөны. А янөдөм бөрын сыысь өтдортчасны. Дарьяыд сэтшөма яналөмысла сиктысь пышъяс, либө асьё решитас. Оз-ө сэки энөвтчыны миянөс то-пөдөмысь.

Сергей. Мамо, чайтан, тэ сюсь, а найё бөбөсь!

Ольга. Вөч, кызди мамыд тшөктө! Садь юрөч вытыд оз судзсы, стөкан-мөд самөкур ю. Ярлуныд сё пөв содө. Дарьятө өти здукөн пөръялан — зэв кө нин тэныд колө!.. Дитяёй, ло батыд кодьон!.. Шонъяной Степаной, төдмаси тэкөд, да первойя рыт-нас жө ме тэнад лон. *(Сергей мунө.)* Кодзөм телегент! *(Мунө.)*

Локтөны Елис Вась да Дарья.

Василей. Дарья, ме косья вөлі тэнсьыд юавны.

Дарья. Мый йылысь? Комитетын омөля уджала али мый? Коть кутшөма зіля, председательлы пырэтша.

Василей. Тэ кодыс кё эськё унджык, мияи партийной ячейкалы ёна кокниджык вөлі. Да ме огсы йылысь. Ме ас кузя косья юавны... Вөрө петтөдз... висьтавны. Гашкё, чөс туй кузя кытшлалігөн кокниджык лоё. (Кост.) Дарья, мыйла меным некутшөм ныв табак көшөль оз вур?

Дарья (гажаа серөктө). Тэ он куритчы да!

Василей. Мед. А вот тэ босьт дай вур меным. Ме эськё сійөс сьлөм бердын вөдиті. (Дарья сералө. Ышловзё.) Мыйла ме ог куж нывъяскөд сёрнитны?.. (Мөдөдчө.)

Сайын шум. Локтөны Марья, Ольга, на бөрысь Дуня, Семё Михайлө, нывбабаяс, кык-куим мужичөй. Василей кылө шумсө да кольчө.

Марьялөн. чужөм бокус вирөсь, паськөмыс косясьсөма, чышъяныс дзугсьөма. Ольгалөн киас кыз пес плака.

Дарья. Марья, мый лой?

Ольга. Велөда ме тэнө амбар дорын шувъявны!

Марья. Меным Педөр Миколай тшөктіс.

Ольга. Камунистлысь кывзан!.. (Уськөдчө пес плакаён Марья вылө.) Юртө...

Дарья пырө костаныс. Ольга лөгөн видзөдө Дарья вылө. Йөз пөвстын ызгөм:

— Киён нин пондөны!

— Та вылө Сөветскөй властыс, мед гөльясөс нөйтны!

— Асьсө колө көртвомавны!

Ольга адзө йөзлысь шызьөмсө, шыбитө пес плакасө, көсий мунны.

Дарья (потшалө). Қытчө пышъян!

Елис Вась босьтө шошаөдыс Ольгаөс.

Ольга (бөрыньтчө). Бласлө кристос, шошаөд!.. Михайлө (уськөдчө Елис Вась вылө). Эн лысьт!

Бабаяс кытшалөны Михайлөбс.

Дуня. А гөтырыд лысьтө! (Нетшыштө Ольга юрысь чышъянсө, шыбитө.)

Ольга (воё Дуня вылө). Тэ!.. Родөгось бөж!
Дуня (тойыштө Ольгаёс). Ме тэныд абу
Марья!

Дарья. Нуамөй гөльяслөн комитетө!

Ольга (лэптө чышгянсө). Пеж позъяд менө сө-
мын водзө кокөн нуанныд!

Дарья. Ачылд восьлалан!

Дуня. Мырдөн кыскам! (Босьтө сойбордйөдыс
Ольгаёс.)

Бабаяс кутчысьоны Ольга динө. Михайлө грёзөн локтө
бабаяс динө.

Дарья. Батьё, орччөдчы аслад кулачкакөд!

Михайлө. Дарья, тэ тадзи...

Дарья. Кодлы шуоны!

Елис Вась тойыштө Михайлөөс Ольга динө.

Ольга (Михайлөлы). Недөкуны! Он вермы
өлөдны ассьыд чуркатө! (Михайлө өдийө мунө.)

Мисьтөм чужөмыд эновтис менө!.. Эновтис!

Дарья (Ольгалы). Мун!

Бабаяс заводитөны нуөдны Ольгаёс.

Марья. Педөр Миколай тэныд пуж петкөдлас!

Йёз пөвстын:

— Велөдасны дорын узылыны!

— Бур олөмныд вунө!

Ставныс мунөны.

Клавди (тишөкыда кильчө өдзөс костөдыс
кыйкъялис, өни петө кильчө вылас, пыдисянь ышлов-
збө). Уф, мый керсьө!

Занавес.

МӨД ДЕЙСТВИЕ

Коймөд картина

Парась керкаын. Сөстөм жыр. Ыджыд сөй пач. Ошинь дорын пызан, сы диньн өти табуретка. Стенъяс пөлөнъс лабичъяс. Пачдорса стен бокин залавка. Вевттьома еджыд пызан дөраөн. Ыргөн самөвар, сы бердын сулалө ичөтик зеркалө тор. Некымын тыртөм доз духи улысь. Лөсталан көрөбкаяс. Кымынкө книга, вевттьома сөстөм чышьянөн. Стенас вышивайтөм кык кузь чышьян, на шөрын художественной картина. Картинасө да самөварсө кышалөма көчвөнъясөн.

Пызан дорын пукалө Ду н я, кыө кепысь, Да р ь я залавка диньн листалө книга. Ду н я локтө залавка динө.

Ду н я. Дарья! Залавка вывтө тэ пелькөдин?
Мыйла та мында көчвөнъсө өшлөмыд?

Да р ь я. Мичаджык.

Ду н я. Мый пө и лоө мичаыс?

Да р ь я. Мый синмыдлы кажитчө, сийө и мича.

Ду н я. Самөвартө тшөтш гартөмыд.

Да р ь я. Öнi огө вөдитчөй.

Ду н я. Миян мамө тай быд вөскресенньө пузьөдлө. Пуксяс, да акйөдлөмөн юө. Шай пыдди — льөм кор, а сакарыс — лук. Ме серала, а мамө скөрмө. (*Видзөдчө зеркалөө.*) Дарья, ме мича абу?.. Ва тыра пельсаө видзөдчывла, да быттьө абу тай бубыля кодъ-а.

Да р ь я. Мича, Дуния, мича! (*Гажая бергөдлө Дуныс.*) Зэв мича! (*Сералөны.*)

Ду н я. Дарья, тэ ачыд аслыд сьөлөм вылад воан?

Да р ь я (*думыштөм мысти*). Ог. Нинөмысь, Дуния.

Ду н я. Первойя нывлысь кыла татшөмтө. А мыйла плисөвөй жакетөн вөччан? Веж петкөдлан.

Д а р ь я. Сійö менам кык вося најötка.

Д у н я. Ой, кутшöм дона! Сійөн и мича... (*Ышловзбö.*) Тэнад қарад, көнкö, мусукуд мича жö вöлі?

Д а р ь я (*серамөн*). Сэки, дас сизим арöсөн, кутшöм мусук!

Д у н я. Ныв сьöлöмыд дас сизим арöснад вермас нин пöръявны. Менö пöръявліс, мыйкö морöс пиын быгласис. Вывті нин мöдіс туплясьöмөн туплясьны, да ме мамöлы висьтаси.

Д а р ь я (*ышловзбö*). Мамыд нылыдлы лөкөс оз көсийы.

Д у н я. Ошйыси: мися, мамö, менö Пиля Митрей Гриньö, кор кыкөн колям, кутлö. Мамö бöрддзис: менö пö кызь арөн верöс сайö тойыштисны, вит челядь чужтылі, да и сійö нэм чöж каитча. Ме шуа, мися, мамö, кор Гриньö менö кутлö да окалö, менам сьöлöмöй сьлöмөн сьлö, бытгö шонді водзын тувсов лым. Мамö босьтис батьöлысь салдатсьыс вайöм тасмасö да сэтшöм лым сьлöм петкөдліс! Сэтысянь менам сьöлöмöй прöсужмис, яйысь лöзьясыс быртöдз на лөнис... Дарья, а төнлун меным туй вылын паныдасис Онтон Иван. Сувтöдіс менö, сёрнитöдö. А ме нинöм оғ путьмы шуны. Сьöлöмöй ыркунлö да ыркунлö. Чужöмöй сотчö. Лои синъясöс увлань лэдзны. Ог төд, мыйла: повзбöмла-ö, радлöмла-ö.

Д а р ь я. Ме первойя аддзысьлігөн ськөд неуна пиньö эг во. А, вöлөмкö, Иван Антонович сюсь вежöра морт. Меным книгагас сетіс, тшöктіс лыддыны. Война вылас коммунистö пырöма.

Д у н я. Сійö и эм. Қын сьöлöма! Ставныс найö, коммунистьясыд, öтсемаöсь. Со босьт Елис Васьöс, зон ветлö, а мый сыысь?

Д а р ь я (*серамөн*). А тэ вур сылы табак көшöль.

Д у н я. Эн серав, Дарья! Быд ныв кутö сьöлöмас кутшöмкö милöйöс,— гусьөн-ö, явö-ö.

Д а р ь я (*ышловзбö*). Тэ со мый йылысь!

Д у н я (*нормö*). Ныв сьöлöмыд и кызь öти арöсөн вермö йөрмыны. Коді тодас, вермас-ö палявны да лөнны, муса зонмөн йөршитөм бöрад.

Д а р ь я. А тэ эн и зіль лөньöдны, Дуня!

Д у н я. Ена жö ме шудтөм ныв. Мед көть эськö шудöй чуньлөс пыдöсын мында сөдзыштис, кысь нин унджыкыс.

Дарья (*ышловзбө*). Мый пö и лоö сийö — шу-
дыс? Кодлы öд-кутшöм. Ас саяд, Дуня!

Дуня. Кысь нин миянлы, нывьяслы!

Дарья. А миянлы этша олöмас сюрли? Тиль вөр
пöвстын кадья нюрöд вöйласьöмөн да коньясьöмөн
собим! Сы вылö миянöс чужтылöмаöсь. А öни бур йöз
мöд олöмö каймöстöны.

Дуня. Дарья, тэ тöндзи гöльяслөн комитетад
сэтшöма топöдлин Семö Ольгатö! Мыйкö веглясис
кыз яйнас! Менö Ольга лёкысь пинялö, чышьянсö
юрсьыс нетшыштлöмысь.

Дарья. Тэ повзин?

Дуня. Повны лоö сэтшöм язаркасьыд.

Локтöны нывьяс.

Öти ныв. Дарья, рытйысьны локтам!

Дарья. Локтöй, локтöй! Тöранныд!

Нывьяс кутöны асьнысö быттьö гортас. Коді пуксьö лабичö, коді
джодж шöрас, коді залавка выльсь босьтö духи дозсö да вид-
лалö-дукалö, коді кöчвөнънас ворсö, коді видзöдчö зеркалö тор-
йö, мырддысьöны: «Вайлы меным тшöтш рёмпöштанас видзöд-
лыны!» Коді кайö паччөр вылас да сэсянь водöмөн видзöдчö.

Мöд ныв. Йигö Дуня век тан! Тиян Дарьякöд,
тыдалö, гөгьясныд йитчöмаöсь.

Дуня (*сералö*). Тиян моз жö!

Коймöд ныв (*зеркалö видзöдчö*). Рытйысям,
а сэсса мунам ывлаö зонъясöс кутавны. Кутчысьлам!

Öти ныв. Сийö и мичмöдчан! (*Серам. Сьылö.*)

Кор нин да бара, кор нин да бара,

Кор нин да бара аддзысьлам!

Кор нин да бара, кор нин да бара,

Кор нин да бара кутчысьлам!

Кор нин да бара, кор нин да бара,

Кор нин да бара окасям!

Ышлолалысь (*паччөр вывсянь*). Кутшöм нин
окасьöм тшыг нисьö пöt олігад!

Öти ныв. Дöбыльки!

Мöд ныв. Нывьяслы кутшöмкö тшыг. Век тай
рушкунымöс мыйöнкö тыртам.

Коймöд ныв. Öни оламджык. Рыт и асывбыд
сарайын ки изкиөн гургöны. Аттьö сысь Педөр
Миколайлы.

Ышлолалысь. Дарьялы тшөтш!

Дарья. Менымсө мыйысь?

Мөдны в. Дарья, эн сусьсысь мянлы отсасьомысь. Аддзам, кызди Педөр Миколайкөд зиянныд.

Ышлолалысь. Дарья, висьталышт, мый ниинь вьлиторьяссө көсьянныд вөчны?

Мөдны в. Аски чукөртөны гөляслысь собраньё. Батьёлысь кывлі. Сэні пөттөдз кывзам.

Ышлолалысь. Нывьясөс сэтчө лэдзасны?

Өти ны в. Ми мырдөн пырам, зоньяслы сой бордяныс кутчысям да. (Серам.)

Дарья (гажаа). Сідзи и вөчөй, нывьяс!

Сайын гудөкөн ворсөм.

Нывьяс пөвстын:

— Ой, гудөк!

— Петаламөй, кыскамөй татчө!

Кымынкө ныв петалёны, регид бөр пырёны, сойбордйөдыс пыртөны Ольга Сергейөс, гудөкөн.

Өти ны в. Сергей, гудөкав! Кокьясөс веськөдлыштам.

Сергей оз ворс.

Нывьяс пөвстын (серамөн):

— Ворсан кө, мөдысь мамыдлы дзонь рыныш вартам!

— Пидзөсчанысьмөмөн корны? Со сувті, ворс!

Өти ны в. Дарья тшөкты. Тэнсьыд кывзас.

Дарья чөв олө.

Ышлолалысь. Дарья, шу...

Сергей. Дарья, ме виччыся!

Дуня. Ольга Сергей, мый ышнясян?

Сергей. Быдөнлысь кө кывзыны...

Дуня (серамөн). Эн лэптысь. Тэнад өні чиныд усны мөдіс.

Сергей пыркнитчө, көсьё мунны.

Өти ны в. Огө лэдзөй пышйыны! (Вильыша.)
Нывьяс, мырдямөй гудөксө!

Кымынкө ныв серамөн көсьёны мырддыны гудөксө.

Сергей. Дугдөй, нывьяс!

Өти ны в. Ворс либө дай!

Дарья. Нывьяс оз ышлолавны, төлысь вылө оз видзөдны, а тэнө корёны ворсны!

Оти ныв. Збыль од мырдям гудоктö, он кö ворс!

Сергей гудокалö, нывъяс йоктöны кадрилъ.
Локтö Онтон Иван.

Иван. Кöни нывъяс, сэни и гаж пуö!

Оти ныв. Онтон Иван, сувт мекöд, йоктыштам!
(Иван индö ки вылас.) Он од ки вылад йокты, а кокъяснад.

Иван. А сідзи и эм, Анна! Дуня, вай мекöд параön!

Дуня (дöзмöм шыön). Мун сэтысь!

Ышло лалысь. Ки пöлайд Йигö Дунялы оз ков. (Нывъяс пöвстын серам.)

Сергей дугдiс гудокасны, сэсся мөдöдчö, петигас паськөдö гудоксö, мунö. Нывъяс пöвстын: «Нывъяс, вöччамöй гудок бöрся!» Гажа серамön гузьöбөн мунöны. Дуня кöсий жö мунны.

Иван. Дуня! (Дуня сувтö, дузгöдчöма.) Мыйыс скöралан?.. Дарья, он тöд?

Дарья (сералö). Ассьыс юав!

Иван. Дуня!

Дуня. Ме чайтi... тэ меным... А вöлöмыд...

Иван. Мый, Дуня?

Дуня. Кысь нин миянлы тiянлы мусукөн... партийнöйяслы.

Иван (чуймылö, сэсся гажаа сералö). Ок тэ, Йигö Дуня!

Дуня нюммунö, збоя окалö Иванöс, сероктö, кöсий петны.

Иван. Дуня, энлы!

Дуня. Вötöd! (Мунö.)

Иван мунö Дуня бöрысь.
Локтö Семö Михайлö.

Михайлö. Том йöз гажöдчöны, а тэ, Дарья, гортын?

Дарья. Ме ветла жö.

Михайлö. Колö. Том кадö и гажöдчыштын. А верстямман, челядь лöсьöдан, дугдывтöг пессыны ковмас. Парась абу гортын?

Дарья. Ачyd тöдан, Парасковья лунъясын гортын оз овлы.

Михайлö. Тэ, Дарья, шоча жö гортад пукав-

лан. Талун тай со мыйкө-а... Тэ олөм вылө он элясь. А олөмыд чукыля, мукөд дырйи...

Д а р ь я. Мый тэ талун олөм йылысь варовмин?

М и к а й л ө. Аслам нывкөд нө сэсся и сёрнитыштны оз позь? Ме чайта, Дарья, тэ сьёлөмын мыйкө бурыс либө лёкыс коли на бать дїнад... Али тэ менө он нин бать туйө пукты?

Д а р ь я. Ог сусьсысь, тэ — менам бать.

М и к а й л ө. Парасьыд норасьліс, тїян керка вевтныд виялө.

Д а р ь я. Öнї оз. Пөвьясөн розьяссө тупкалім. Төв пуксис, кызкө тулысөдз олам. А сэки мыйкө бара.

М и к а й л ө. Колө виль тьөсьясөн вевттыны. Ог өмөй вермы кызкө төвбыдөн лөсьөдны? Войдөр эг вевъявлы, киясөй эз судзсывны. А öнї эштаджык. Ачыд төдан, Дарья, мыйла эшта. Батьыдлы лоө аслас нывьяс вөсна төждысьны. Көть эськө тэ и батьтө видзөдчан янөдны. Төнлун йөз водзын кутнөма янөдін.

Д а р ь я. А мыйла гөтырыд лысьтө йөз вылас усьласьныс! Веськаліс кө ки улас чер, и сійөс эськө босьтис.

М и к а й л ө. Тэ, Дарья, ичиньтө эн сэтшөм лөкөн лыдды.

Д а р ь я. Кутшөм ичинь, кор ме сы дїнын эг овлы, эг сөйлы, эг пасьтасьлы! А öнї быдлаын быд ногыс сакө миянөс, кык чойөс.

М и к а й л ө. Мед шляпөдчө вомнас. Сылөн сэтшөм модаыс. Сэсся, Дарья, мөдарө кө шуны, кор ловья вывсьыд кучиктө мөдасны кульны, сьёлөмыд некодлөн оз лэпты... Дарья, Ольга норасьбө: тэ пө миян Сергей бөрся вөтлысян. Кызди гажыд. Абуджык эськө лөсьыд менам гөтырлөн пикөд өтлаасьны, да кор ышман...

Д а р ь я. Төдан тай тэ менсьым ышмөмьяс!

М и к а й л ө. Дарья, тэныд овны колө. А тэ,— йөз серам! — босьтан да йитчан гачтөмаяскөд.

Д а р ь я. Гачьяссө налысь тэ новлан!

М и к а й л ө. Кытысь тэ татшөм кивьяссө өктін? Рочад ветлігөн, али тані нин велөдїсны?.. Йөйталан! Кокни мывкыднад Педөр Микол кок туйө тувчан!

Д а р ь я. А тэ төдан, кодї лоө Педөр Миколай?

М и к а й л ө. Төда. Аддза. Со этійөн (сьыліас

шлапкө) кыла!.. Топөданныд, быттьө коми пармаын абу став йөзыс өткодьөсь.

Дарья. Быдсямаыс эмөсь! Прамөйыс-и, вир юысыс-и.

Микайлө. Ме вир юысь?

Дарья. Быттьөкө он төд, мыйта йөзлысь вынсө аслыд пычкан!

Микайлө. Батьыдлы тадзи шуан? Коді сетіс тэныд олөм! Но, Дарья, он өвсы, норасыны мөдан!

Дарья. А мый тэ мекөд вөчан! Мамөкөд моз?

Микайлө. Мый тэ өні важтө казтылан!

Дарья. Оз вун! Пыр сьөлөмын! (Нормө.) Ме эг аддзыв мамөлысь небыд кисө. Ме эг кывлы мамөлысь мелі кывсө, эг топөдчыв мамөлөн шоныд морөс бердас. Ме эг төдлы мамөс радейтөмлысь сөстөмлунсө. Тэ сыысь мыжа! Тэ, батьө! Мамөс, гөтыр-тө, тэ виин!

Микайлө. Тэнад мамыд эз вөв меным гөтыр.

Дарья. Эз вөв гөтыр! Он шу гөтырөн сы вөсна, мый энө венчайтчөй вичкоын! Лөсьөдінныд зывөктана ним «чурка», кодөс онө лыддьөй мортөн. Мамөс виин, а миянөс, кык чөйөс...

Микайлө. Мыйла мамыд меысь эз лэдзчысь! Сійө меным оз нин ков вөлі.

Дарья (синваөн). Тэныд кө.эз ков, мыйла миянлы, кык чөйлы, мамөс эн коль!

Микайлө. Скөрмөм йылысь кө Катьөөс кучкалі, эг виөм вылө, а мед эновтчис меысь.

Дарья. Мед тэ вермин гөтрасыны озыр дөва вылын!

Микайлө. Том на тэ менө сыысь көритны! (Мунө.)

Локтө Парась.

Парась. Дарья, мыйла батьө воліс? Зэв зумышөн мунө. Синватө чышкалан? Гашкө, мамө йылысь? Мый нин сійөс казтылан? Мый лоьма — лоьма!

Дарья мунө. Парась мунө пач саяс. Локтө Семө Ольга.

Ольга. Некод абу?

Парась (пач сайсянь). Эмөсь. (Петө.) Ичинь усьөма!

Ольга. Парась, өнтай Дарьяыд Пиля Митрей-

көд волісны миян ордө, гөгөр кытшлалісны. Мыйла?
Мыйкө бара көсйөны мырддыны?

П а р а с ь. Ог төд, ичинь!

О л ь г а. Оз өмөй сёрнитлы?

П а р а с ь. Мыйла оз! Ми, кык чой, некор огө лөгавлөй.

О л ь г а (*нормөм шыөн*). Парась, ме локті шогөс юкны. Менам Сергей тэныд эз висьтасьлы?

П а р а с ь. Нинөм эз.

О л ь г а. Полө коньөр... Парась, Дарьяыд Сергей-өс пөръялөма, сысянь сьөктөма.

П а р а с ь (*чур-чермунө*). Тайө вывті жө нин, ичинь! Быд ногыс кедзовтан Дарьяөс. Содтөд сэтшөм няйт көлалан ныв вылө!

О л ь г а. Ме, мам, понда ассым пиөс весь позоритны! Татшөм чойыд ёнджыка на менө и тэнө конйыштас. Ыстылі көзяинөс сы дінө. Мый и сёрнитісны? Локтіс гортө зэв скөр. Но и ныв вөлөма! Карьясын быдөнкөд кыскасигөн велалөма, бөжсө лэптө том, нэр зонлы. Юр яндзим! Мый нө сысыс виччысян, кор йитчөма ротөс паськөма мужикьяскөд, кодьяслөн киссьөм гач пырыс неуна яндзимныс оз тыдав.

П а р а с ь (*аслыс*). Пеж вом!

О л ь г а. Мый шуин?

П а р а с ь. Нинөм. Ачым аскөд.

О л ь г а. Ті со кык көбыла оланнуд, йөзөс грабитаннуд, а ме видзөда да, керка поманыд крөватьнуд абу. Көні и узыланнуд?

П а р а с ь. Ме кор джоджын, кор паччөр вылын.

О л ь г а. Тэныдтө шань. А йөзөс грабитысь бару-ньөйд?

П а р а с ь. Дарья пач бокин, кык скамья орччөдөмөн.

О л ь г а. Көнкө, пыдөджык, пемыдөджык сайөдчө аслас пеж...

П а р а с ь. Оз. Ёшиньланьджык вольсасьө.

О л ь г а. Лысьтө югыдланьынджык грека яйнас пасьвидзны? (*Видзөдлө өшинь вылас, сэсса пачланьө: приметитө. Локтө пач дінас.*) Тани? (*Малыштө пачсө.*) Пачныд сөйысь!.. Парась, няньыд чөскыд? Дарөвөйыд! Уна грабитіннуд?

П а р а с ь. Дерт, абу кыдйыд. (*Пач сайсьыс вайө*)

нянь куд, пуктö пызан вылас.) Видлы, ичинь! Небыд ид нянь. Талун пöжалі.

Ольга скöрысь шеныштö нянь кудсö джоджас, нянь кöрышьяс разалöны.

Парась. Ичинь, нянь он жö джоджö шенышт!

Босьтö кудсö, кöйсö чукöртны няньсö. Ольга нетшыштö кудсö, шыбитö, мунö, Парась чукöртö кудйö нянь кöрышьяссö.
Локтöны Дарья да Коля.

Дарья. Парасковья, мый няньыд джоджын туплясьö?

Парась. Кудйöй киясь мыні.

Коля (серамön). Кын ки!

Парась. Кольö, мый тэ Дарья бöрся пыр вöтлысян? Кык чойöс ас кежын онö кольлöй.

Коля. Дарья абу тэнад öтнадлön.

Парась. Кока туис! (Нянь куднас мунö пач саяс.)

Коля (серамön). Кока туис пö ме! Шуас жö Парасьыд... Дарья, тэ Пиля Митрейкöд видлалöмныд Семö Мишöлысь керкасö, кöсьянный клуб восьтыны, а öти ыджыдтор вунöдöмныд.

Дарья. Мый, Коля?

Коля. Кутшöм нö клуб гöльяслön, оз кö сэні дöлав гöрд знамя. Ме мамöлысь гöрд сарапансö кора, да флаг быгортам.

Дарья. Сетас?

Коля. Кызди нö! Мамöй менам зэв шань. Шунысö ас йывсьыс оз куж-а. Дарья, тэ Семö Мишöлысь керкасö клуб улад лысьтан босьтны? Мамö шуö: Семö Мишö пö тэнад бать.

Дарья. Кутшöм бать! Кулак! Морт виысь!

Коля. Миколай дядь сідзи жö нимтö... Дарья, Миколай дядь менö сöмын пöсни могьясөн кесйöдлö. Собранньöяс вылын сёрнигыны оз лэдз ни. Шуö: тэ пö, Марья Кольö, ичöt на.

Дарья. Тэныд чушö? Тэ детинка на и эм да.

Коля. Тэ сідзи жö шуан! Ме öмöй мыжа, менö мамöй сёрön чужтылöма да. Тэныд лöсьыд... Дарья, ме мамöлы тшöкта, мед ветлас поп дінö да меным чужан гижöдö арлыдöс содтасны. Кык воыд оз и тöдчыв. А меным лöö дас квайт арöс. Верстьö мужичöй!

Дарья (ышловзё). Тэрмасын оломад?

Коля. Быть тэрмась! Менам быдмигкості став революцияыс помассяс. Меным пайыс оз коль. Мыйла нё Ольоксан Павлович на зонпоснилы кымынысь шуліс: «Ті, том йёз, уджалысьлөн пиян, ставён сувтöй гөрд знамя улö!»

Парась (петö пач сайысь). Марья Кольö, тырмас безгынытö. Кольлы миянөс Дарьякөд ас кежын.

Коля. Революция йылысь сёрни тэ шуан безгөмөн! Вот норася Миколай дядьлы, сэтшөм безгөм тэныд петкөдлас. Тэ буржуйяс дор али мый?

Пырö Клавди.

Парась. Со бара öти кысьсö!

Коля. Дарья, ме сэсся муна. Пырала Миколай дядь дінö. Гашкö, сылы кола. Парась, ме оглы норась тэ вылö. Ачым тэнö вена! (Мунö.)

Клавди. Дарья, Ольга Сергей тэныд бара поклон мөдөдіс. Видчö, быттьö ме ог висьтавлы поклонсö. Со Парась дырйиыд шуа, свидетель дырйи,— мед он соссысь. А тэсянь мый Сергейлы шуны? Сьөлөмыд эз на сырмы?

Парась. Мый тэ Сергей йылысь ызган? Ичинь öтарсянь; тэ — мөдарсянь!

Клавди. Скөрмин, Парась? Мыйла? Оз меным поклонсö ысты.

Дарья. Тэ йёз сьөлөмөн эн вузась! Эн вузась, Клавди!

Клавди. Ме тэныд шуд көсья.

Дарья. Потшöс костö сибдөм шуд!

Клавди. Со и угөдит тиянлы!

Парась. Мун пет миянысь!

Клавди. Зэв тай! (Мунö.)

Парась бөрддзö.

Дарья. Мый тэ, чойö?

Парась. Ёна жö нин тешитчöны. Со ичинь волис, мыйсö эз шуав.

Дарья. Мый бара?

Парась. Гөля олысьяс вылад быдторнас позьö куражитчыны.

Дарья. Век гөльөн огö лоий, Парасковья. Воас кад, гажа гажөн гажөдчылам на ми!

П а р а с ь. Дарья, ме тэныд лёкөс ог көсйи.

Д а р ь я. Аддза, муса чойй. А тэ менө он көсйи аддзыны.

П а р а с ь. Зэв нин гора олөмыс мөдөдчис. Ме абу велалөма горзөмад.

Д а р ь я. А коді горзө!

П а р а с ь. Ог төд нин, ог төд. Ог сяммы, Дарья, ме тэкөд сёрнитны. Ветла Марья динө, сыкөд өлюртыштам. (Нимкодя.) Дарья, өні Марья восьсаджык чужөма, няньтө сетінныд да, челядыс оз тшыгыявны. (Мунө.)

Д а р ь я өтнәсөн, мыйкө думайтө. Сайын гудөк шы, нывъяслөн оръясьлана сьлөм.
Локтө Елис Вась.

В а с и л е й. Позьө пыравны?

Д а р ь я (ышловзьөмөн). Лок, пырин кө нин... Воин пармасьыд? Кутшөма вөрәлін?

В а с и л е й. Кутшөма кө. Ог норась. Пармаыд кыйсьысьтө оз өтдорт. Медся шедан кадас лон локны, партийнөй ячейка тшөктіс. Мый верми кыйны, прөмыссө сета асланым коперативө... Тэ тарыт пөдругаыстөгьд рытйысян?

Д а р ь я. Мыйкө тай тарыт сідзи лон.

В а с и л е й. Корсюрө өткөнтө бурджык овлө... (Кост.) Дарья, ме тәнсьыд көсья юавны. Важөн көсья. Төндзи, вөрө петтөдз на,—помнитан?— көсйи юавны. Да ме ог төд.

Д а р ь я (серөктө). «Ог төдтө» мый юасян!

В а с и л е й. Тэныд серам. А меным кутшөм. Дарья, ме ог төд. Кыдзкө олөмөй тешкодь лоны кутіс. Тешкодь, дай ставыс. Войясын вольпась вылын бергала, вида ачымөс, а аскөд нинөм вөчны ог вермы. Вөр пывсянын, чайті, ставыс вунө, мудзөм вывсьыд, мися, суркмуан. Он на босьт! Коркө эськө и ойбыртла, а вөтала тэнө. Садьма, тэ син водзын. Зіля вөтлыны ас дінысь. Нинөм оз артмы. Кымын зіля вөтлыны, сымын ясыдджыка тэ сувтан ме водзө. Аслад пельк статьяд. Мелі чужөмнад. Небыдик нюмнад. Мыла гөлөснад. Ыджыд сьөлөмнад. Дарья! (Ланьтө.)

Д а р ь я. Водзө висьтав, Василей... Водзө!

В а с и л е й. Тэ кывзан? Эн дөзмы?

Д а р ь я. Водзö, водзö, Василей!

В а с и л е й. А мыйла меным тэнö ас дiнысь вöт-лынысö! Кор тэтöг менам олöмыс абу... Аддзан кö тувсовъя асыя кыа, кодi сивкнитö став аслас ыпъяла-на мича алöй рöмъяснас, верман öмöй сийö мичысь синтö вештыны, ловъя сёлöмтö лөньöдны, югдöм олöмсö тупкыны!.. Ме тэныд ставсö висьталi. Öнi, Дарья, тшöтш тэ менö вид. Скöрмöд менö, мед тэ эн орийöдлы менсым сёлöмös. Вид!

Д а р ь я öдöбтöмөн уськöдчö В а с и л е й дiнö, дзёбö чужöмсö сы морöс вылö, сыркъялö.

Д а р ь я. Меным некод на эз шулы татшöм шоныд кывъяссö, эз сёрнитлы татшöм мелiа.

В а с и л е й. Дарья, тэ менö...

Д а р ь я. Ог тöд, Василей. Нинöм ог тöд.

Кост. В а с и л е й шога мöдöдчö.

Д а р ь я. Тэ мунан?

В а с и л е й. Мый сэсся. Быть. (*Воö öдзöс дорас, кöсийö петны.*)

Д а р ь я. Василей...

В а с и л е й. Мый, Дарья?

Д а р ь я. Нинöм. Гортад мун, Василей.

Е л и с В а с ь мунö. Дарья дыр сулалö думыштчöмөн. Сэсся чужöмыс тырö долыд шуда нюмөн, лöö визув да кокни вöраса.

Локтö П а р а с ь. Д а р ь я кутлö чойсö.

П а р а с ь. Дугды, Дарья! Мый тэкöд лои?
(*Дарья шудаа серöктö, окалö чойсö.*) Мыйкö талун зэв нин мелi.

Д а р ь я. Ох, муса чойöй менам! (*Бара кутлö.*)

П а р а с ь. Дарья, водам сэсся. Тэныд вольсала?

Д а р ь я. Ме тавой тэкöд узя. Кык чой орччөн, топыда кутчысьöмөн узям.

П а р а с ь. Ачюд тöдан. (*Кылö кильчölөн гольс-нитöм.*) Кодi нин бара войнас кыссьö?

Пырö С е р г е й, гудöка.

С е р г е й. Ме Дарья дiнö... локта войпукны..:

П а р а с ь. Тэ тай нö, Сергей, код!

С е р г е й. Юышти самöкур... (*Восьтö гудöк, ак-корд.*) А войпукöм бöрын коми сиктын ныла-зонма..

П а р а с ь. Эн бизгы, мый оз ков!

Сергей (*нора*). Дарья, мыйла тэ менö он сибöд!
Парась. Мун пальöдчы! (*Тойлалö Сергейöс, петö, кылö, игналö кильчöсö, бөр пырö.*) Он нин мынлы
тиянысь ловъя юрöн! (*Мунö пач саяс.*)

Дарья Сергей дырйи зэв зывöкөн видзöдiс сы вылö, а öнi за-
водитö пöрччысьны, кусöдö бисö. Сцена вылын пемдö... Кылö
ывласянь лыйöм шы, öшинь стеклöясыс зельмунöны.
Пемыдас Дарьялöн дженьыда горöдöм: «Ой!» Парасьлөн —
повзём гёлс: «Дарья!»

Занавес.

КОЙМӨД ДЕЙСТВИЕ

Нёльөд картина

Семö Микайлö керка дорын. Онi сэнi клуб. А тавой узьöны ыли грездъясса партизанъяс. Пемыд. Кык-куим орча öшиньясын югыд би. Мукöд öшиньясын биыс ломдзылö, куслö, бара ломдзылö.

Шонид төвся вой. Шлапкö-усьöгырысь лым. Керка водзын бир. Сэнi сулалö Елис Вась, винтовкаа.

Локтöны Онтон Иван, Педör Миколай да Рочев. Иванлөн кыс бурдöма, бокас кобураын револьвер. Миколайлөн мышкас винтовка. Рочев маличаа, соскас гörd лента, сийö вöралан пицала.

Иван. Василей, эн кынмы?

Василей. Войыс шонид.

Иван. Регыд югдас. Пост оз ковмы... Энö тай лэдзöй аслам полкö. Военнöй комиссар тшöктис партизанъяскöд мунны.

Миколай. Öткодь, Иван, кöни белöйясöс нöйтны!

Иван. Öружьеным этша. А мыйтаөн эськö миянкöд мунисны.

Рочев. Командир ёрт, кор мөдöдчам? Öдйöджык колö, командир ёрт, öдйöджык!

Иван. Терпеннöбид абу?

Рочев. Колö мездыны ассьым сиктöс, ассьым семьяöс. Гадъяс воисны, лои вöръяс пöвстти пышйыны. Муна тиянкöд водзöс босьтны!

Василей. Рочев, кызди тэ маличанад кутан бергавны?

Рочев. Тайөн шонид. А тэ вöралан паськöмнад сэнi турдан. Печораын веж морозыд, ок, скör!

Миколай. Тані абу жö лунвыв. Кöдзыдыд оз пышъяв миянысь.

Василей. Рочев, менсьым пищальöс эн тшыкöд. Коркö ковмас бара вöравны.

Рочев. Ог, Василей. Пищальнад ме вöдитчылі жö, кöр видзигөн. Кужа.

Иван. Мыйкö Дарьяным оз тыдав.

Василей. Сійö чой дінас узьö, гортас.

Миколай. Да, Дарья шуда на вöлöма. Энö тай вöлясö меным сетöй. Ме эськö Семö Мишö гозъялы...

Василей. Колö докажитны, мый найö...

Миколай (*зымнитö винтовканас*). Вот ме и петкöдлі эськö!

Иван. Сы вылö эм ЧеКа... Миколай, пост вылын тэ сулышт. Мед Елис Вась выль пöв нямöдасяс,— кокьясыс шоналасны.

Иван, Елис Вась да Рочев мунöны. Миколай бипур дорын куритчö. Югдö. Керкаыс дзоньнас тыдовтчö, балкон вылын öшалö гöрд флаг. Локтö Коля.

Коля. Миколай дядь, Иван дядьöс эн аддзыв?

Миколай. Вот, пиö, мöдöдчим контракöд тыш-касьны. Важ бöрын выль пöв порок дуксö кывлам. Жугöдам контраöс став Россия пасьта, воам гортö, лöсьöдам коммуна, овмöдчам сэки прамöя. Öнi кöсьям вöлі öтувтчыны, да гадьясыд эз лэдзны, воуйтны тшöктöны.

Коля. Миколай дядь, ме кöсья вöлі аскöд босьтны рудзöг нянь тупöсь. А босьта сöмын джынсö. Мöд джынсö коля посни чой-воклы.

Миколай. Кытчö тэ мöдан?

Коля. Тіянкöд!

Миколай. Воуйтысь петöма. Пукав паччöр сэрöгад! (*Локтö Дарья*.) Со ещö мöд ветлöдлö! Ок и асныра ныв тэ, Дарья! Ён сьöлöма вöлöмыд: эн повзы, кöть и помавны тэнö кöсйисны, öшинь пырыд...

Дарья. Он-ö нин менö кöсйы ошкыны, Миколай?

Миколай. Öтö тi, бабаяс! Вöля тіянлы Сöветскöй власть сетö, да мед ещö и ошкöма!.. Ошкöмыс лöö сэки, кор лöсьöдам олöмсö, кöнi вермам став морöс тырөн гажаа, гораа серöктыны.

Дарья. Ылын на, тыдалö, сьöдз, Миколай.

Коля. Абу ылын, Дарья. Перьям! Перьям өд, Миколай дядь?

Миколай (Колялы). Леститчан? (Мунё.)

Коля. Дарья, Миколай дядь менё оз кёсйы босьтны.

Дарья. Тэ Иван Антоновичлысь юалин?

Коля. Иван дядь босьтас! Белёйясёс жугёдны мыйла оз босьт!

Дарья. А мунам и эм, Коля!

Коля. Ме тоди, тэ ме дор лоан!

Локтё Семё Ольга.

Ольга. Дарья, тэ накөд мөдан жө?.. (Дарья лөгөн видзөдө Ольга вылө, мунё.) Лөглуныс! Ассьыс водздзык чужлөма... Коля, дона пиёй, мунасны да, ас кежын колям. Отсасьнытө меным волывлан?

Коля серөктө да мунё.

Ольга видзөдө керка вылас. Локтё Семё Михайлө, видзөдө жө жаляддза керка вылас.

Ольга. Ошөдөмаөсь гөрд флаг! Быд рыт стомстоя йиркёны, пежалёны менсьым муса комнатаясёс. (Михайлөлы.) Мисьтөм чужөм, керкатө сетин. Оз кё весасьны, тшын йылө лэпта, тэнө тшөтш би пиас тойышта!

Михайлө. Бөр сетасны. Эновтчасны. Дышөдас йиркынытө. Босьтам! Тэ чайтан, ме сетчи? Найё асланыс, ми асланным. Тшыгйөнтө да вөралан пищальнад дыр оз воюйтны. Бөр на ми тэкөд, Ольга, овмөдчам!

Ольга. Тэ помысь! Чуркаясёс лөсьөдны выныд тырмылөма, а раммөдны эн вермы. Нылыд вөлі нырщикнас керканымөс мырддигөн. Чукля кияс! Юр чашкасө пыдди сөй пачсө розьөдөмныд.

Михайлө. Медалин тай вөрын пышьялысьсөс.

Ольга. Мун да ещө йөз водзын ошйысь! Мед пуксьөдасны,—мына сэки тэысь. Тэ өд ачюд эн эськө лысьт лыйны. Гач новлан! (Бөрддзө.) Эз нин сюрлы меным Степан кодь верөсөй. Шонъянөй дай Степанөй, тэнсьюд чөжөм овмөстө ставсө кисьтөны!

Михайлө. Эн шогсы, Ольга, огө сетчөй!

Ольга. Да и дона пиёйлы лои мунны, эз сетны мам динын красуйтчыны. (Лёкысь бөрддзө.) Мужикьяс ветланныд!

Микайлö. Окма, бара öбöдня заводитчис. Оз другон съывссы! (Мунö.)

Локтöны Клавди да Парась.

Клавди. Парась, пыралам батъ керкаад. Сэни узисны партизанъяс. Коді эз на удит чеччыны, кок пöлöдыс кыскам. А, колöкö, код дінö кö шоныд шебрас улас пырыштлам. Мый сэсся миянлы, эндöм нывъяслы!

Парась. Мый бырган сэні! Ме Дарьяöс колльöдны локті.

Клавди. Ме сы могон жö. Сэсся и шмонитыштыны оз позы!

Ольга. Парась, чойыд мунö жö?

Парась. Мöдöдчö.

Ольга. Мед*шувъялас, велалöма нин.

Парась. Тіян вöсна, тіян вöсна ставыс тайö! Ті онö сетöй лöня овны!

Ольга. Кутшöм кылö! (Парась мунö.) Клавди, мый тэ ныртö нюжöдöмыд?

Клавди. Дарья жаль.

Ольга. Чуркаöс жалит. А аски ме дінö котöртан: «Ольга тьötка, няньтö водзöсалышт! Ольга тьötка, коркö уджалöмön вешта!»

Клавди. Мый скöралан, Ольга тьötка? Ог кö ков, öнисянь менам волöмön тэнад öдзöс дзирйыд оз быр! (Мунö.)

Ольга. Джöмданныд!.. (Мунö.)

Локтöны Дарья да Елис Вась.

Василей. Дарья, бурджык, кольччан кö. Тэныд тані уджыс тырмас. Тэ он тöд. А ме тöда, аддзылі: воюйтнытö...

Дарья. Повзьöдлан? Сьölöм сетöм пыдди.

Василей. Эн дöзмы, Дарья. Мöдöдчан кö, мунам инö. Сöмын, мися, воюйтнытö...

Дарья. Но и шань!

Василей. Водзвыв кöсйи висътавны. Мый керан, радейтан сьölöмыд йöйталö.

Дарья (серöктö). Вот и тшöкты сылы, мед оз йöйтав.

Василей. Дарья, эн серав ме вылын. Ме быттьö и абу полысь. А тэ дінын кызкö воша, челядь

кодъ лоа. Сэтшом нин, тыдало, менам съолмомой. Тэ он гогорво.

Дарья (*melia*). Гогорвоа, Василей!.. Бура гогорвоа. Нином он воч, радейта ме тэнэ. Мед миян радейтомным мичаммас да ёнмас!

Локтоны Иван да Миколай.

Иван. Чолөм, Дарья! Талун ми тэкөд эгө на адзысьлөй. Матигогорса партизаньяс семьяныскөд прощайтчоны. Тэ дась?

Дарья. Уна дасьтысьом оз ков, Иван Антонович.

Иван. Локтасны и мөдөдчам... Миколай, мый тэнад гөтырыд оз тыдав? Волас жө өд колльөднытө?

Миколай. Эг кор. Да, көнкө, локтас. Он мын сысы. Шлюпкө, скөрмөдчө. Кутшөм меным видзөднысө! Сэсса и челядьой...

Сайын лыйом шы.

Иван. Коді сэні лыйсьө? Василей, мун өлөд. Нинөм грездсө шызьөдны!

Елис Вась мунө.

Миколай. Кутшөмкө партизанлөн, тыдало, берданкаыс ненарошно пезьдіс.

Локтоны Елис Вась, Коля да Дуня.

Коля пищала.

Василей. Марья Коля лыйөма.

Коля. Иван дядь...

Иван. Абу Иван дядь, а командир ёрт!

Миколай. Устав он төд!

Коля. Гөрд партизаньяслөн командир ёрт! Кыдзи он гымгы! Пищальыс батьөлөн да менам. Дзонь во эг вөрзьөдлы, пөлать улын өшаліс. Мися, гашкө, оз шогмы нин. Ме дрөбйөн лыйи, өтка пулятө эг видз.

Дуня. Коля, тэнад вөралан пищаль!

Коля. Менам винтовкаыс белөйяс кийн на!

Локтө Марья, бөрдө.

Коля. Иван дядь... ой, командир ёрт! Висьтав мамөлы, ми огө зимөгоритны мунөй.

Марья. Миколай, мыйла ышоданныд Кольоос?
Коля. Мамö, со Дарья ныв, а мунö.

Марья. Ылын на тэныд Дарьяодз. Челядь на тэ
менам, ва челядь вежöра!

Коля (нора). Мамö, кутшöм нö ме челядь? Во
джын мысти дас вит арöс тырö. Мамö, меным Сö-
ветскöй властылы бурсö колö жö вöчны. Ми тэкöц
гöльяс пиысь жö.

Иван. Эн кут, Марья, мед мунас.

Марья. Пиöй жаль.

Иван. Ми сэни детинкаöс ставöн дöзьöритам.

Дарья. Коля, мый тэнад аслад синваыд дор-
шасьö?

Коля. Оз кодкö, а мамöй бöрдö. Менам мамöй.
Жаль аслад мамыд.

Дарья (ышловзö). Мам... Да, мам!

Миколай. Мунöй, шлюпкöй Семö Мишö кер-
каын!

Коля. Абу Семö Мишöлөн, а миян клуб!

Миколай. Ғаж ногнас шусис.

Коля. Мамö, ок гажа клубын! Пыралам сэтчö.

Коля да Марья мунöны.

Иван. Василей, ветлы. Эн лэдз шогсыны
Марьялы. Мам сьöлöмыд, тöдан...

Василей. Қывза, командир ёрт! (Мунö.)

Дуня. Иван, шуан, мам сьöлöм. А менам?

Локтöны том и олöма йöз, на пöвстын Клавди.

Öти ныв. Дарья, локтiм тэнö колльöдны.

Дарья. Став партизанъясöс колльöдöй, дона
пöдругаяс!

Ышлолалысь ныв. Ассыным мусукъясöс
тшöтш.

Иван. Дуня, вайлы клубысь гудöксö. Гажöдыш-
там том йöзöс.

Миколай. Кутшöмкö гажöдчöм öнiя кадö!

Иван. Гажöдчышттöгыд олöмыд дуб, Миколай!

Миколай мунö.

Иван. Дуня, ветлы. (Дуня бөрддзö.) Но, Дуня!

Дуня. Бара öтнамөн коля. Шог пыкны.

Иван. Мöд ногыс оз позь, Дуня!

Ышло лалысь. Иван, сьолөмыд оз доймы?
Дунятө бөрдөмөн колян да.

Иван пыдысянь ышловзё.
Локтө Ненила Наталья.

Клавди. Ненила Наталля видчыны локтө!

Наталья. Ог, дитяяс, ог видчы. Көсья Катьё
Дарьяёс аддзөдлыны. Дарья, тэ пө мунан война
вылө. Сэни аддзан менсьым Гришөёс да мясянь
ыджыд поклон висьтав. Мед инө воюйтас. А ме
кызкө ола. Пасибө, няньтө сетін да. Пөрысь мортөс
тшыглы кулөмысь мездін.

Дарья. Наталля тьотка, няньтө гөльяслөн ко-
митет сетис. Сылы пасибөыс.

Наталья. Ог төд, дитяйө. Ме тэнад кийсь
босьти. Бать амбарсьыд сетін. Эн тусьон, а пызьон —
Гришаыд пө Гөрд Армияын служитө да. Сов юкыш-
тин и. Сё пасибө. Мед ен сетас тэныд дзоньвидзалун
да ыджыд чассьө!.. Мед туйыд шөвк дөраөн вевт-
тысяс.

Ышло лалысь. Дарья, тэ мунан, да мяняс
гажөдысьыд бырө.

Оти баба. Сьолөм сетысьыд оз коль.

Дарья. Чөлөй, дона пөдругаяс, ставыс тиянлы
кольө да сюрө. Олөмыс веж гыясөн мөдөдчис, мут-
кыртө-гызьөдө, весалө му вылысь лексө, матыстө
бурсө, сийө бурсө ещө мичмөдас. Ме ог вермы лөнъ-
тасын овны, сьолөмөй тшөктө лөны веж гы йылас...
Мөд туй менам абу. Мөд туй ме ог көсйы! Кольө уна
во, он төд, колөкө, бур йөз и мяняс пөсь кывйөн
казытыштасны... Дона пөдругаясөй, ме тиянлы эг на
ошйысь: менө коммунистьяс босьтисны асланыс пар-
тияө!

Йөз пөвстын:

— Медья, Дарья!

— Сийө туй вылө сувтөмыд, да босьттөг оз овны!

Дарья. Войдөрья гөльсьыс гөль сирөта, парма
пиысь петөм ныв ола да уджала өти партияын Ле-
нин ёрткөд! Ленинкөд, коді му вылын шондисө бергө-
дис мянлы, уджалысь йөзлы банөн!

Йӱз пӱвстын ошкана шыяс.

Локтӱны Коля, Марья, Елис Вась, партизанъяс.

Коля пицала, нопъя, киас зӱб йӱлӱ гартӱм гӱрд флаг.

Йӱз пӱвстын:—Марья Коля гӱрд флага!

Коля. Гӱрд знамятӱг нӱ кутшӱм партизанъяс!
(Разьӱ да шевкнитӱ гӱрд флагсӱ, сэтчӱ гижӱма:
«Мед оласны Советъяс!»). Асьным, том йӱз, гижим!

Марья. Кольӱ, мӱдӱдчин кӱ, бура ветлы. Эн
янӱд мамтӱ да чой-вокъястӱ!

Коля (топӱдчӱ мам бердас). Мамӱ, ме вӱсна тӱ
некор он янав! Дона мамӱй, сы кузя эн пов!

Локтӱ Ду ня гудӱкӱн.

Иван (босьтӱ гудӱк). Ёртъяс, мӱдӱдчамӱй!

Ворсӱ: «Смело мы в бой пойдём», мӱдӱдчӱ. Коля гӱрд знамя-
ӱн водзвылын, мамыскӱд орчӱн, на бӱрысь мукӱдъяс мунӱны.
Дарья нывъяс топыд кытшын мӱдӱдчӱ жӱ. Одийӱ локтӱ Па-
рась, вайӱ еджыд дӱраысь вурӱм волыса ноп.

Парась. Дарья, сӱянтор пуктыштӱ.

Дарья. Аттӱ, чойӱй!

Ӑти ныв босьтӱ Парась ордысь нопсӱ.

Парась. Прӱшайтлы, Дарья! (Кутлӱ, бӱрддзӱ.)

Дарья (нормӱ). Парасковья, огӱ бӱрдӱй!.. Ад-
дзысьлам на ми тӱкӱд!.. Бура ов!.. Прӱшайтлӱй, пӱд-
ругаяс!

Йӱз пӱвстын:

— Бур туй тӱныд, Дарья!

— Врагъясӱс венӱмӱн лок!

Сайын Иванлӱн гӱлӱс: «Партизанъяс, на ремень! Шагом марш!»
Ставӱн мунӱны.

Гудӱк шы улӱ сьылӱм: «Смело мы в бой пойдём за власть
Советов»,— сьылӱмыс вочасӱн ылысмӱ.

Занавес.

Витӱд картина

Неыджыд комната крестьянскӱй керкаын. Пызан дӱнын, дзуз-
ган лампа дорын, пукалӱ Педӱр Миколай. Кыкнан кинас
кутчысьӱма бинтуйтӱм юрас, тӱдчӱ — ёна доймӱ ранаыс. Дӱнас
сулалӱ винтовка.

Пырӱ Дарья, винтовкаа, медицинскӱй сумкаа. Чужӱм сер-
тияс тӱдчӱ — мудзӱма.

Дарья. Миколай, тэ чеччөмыд?

Миколай. Некор меным куйлынысö!

Дарья. Öнi жö мун да вод. Асывнас ранатö
выль пöв бинтуйтам. Юртö öд ранитисны!

Миколай. Кучикыд быдлаын öткодь.

Дарья. Тэ менсьым он кывзы?

Миколай. Командир ветлан!

Дарья. Тэныд колö öдйöджык бурдны. Парти-
занавнытö уна на ковмас.

Миколай. Кості гадьясыд ранитисны!

Дарья. Тэ ньöти жö он виччысь.

Миколай. Виччысян, кор сьölöмыд скөрлунöн
пуö! Босьта на ме бандитгьяслысь водзöс!

Дарья. Öнi мунам, шойччыштан... Он кывзысь
менсьым? Миколай, ме Иван Антоновичлы норася.
Партийнöй ячейкаö висьтала.

Миколай. Сы вылö тэнад морттуйыд судзся!

Дарья (*мелiа*). Миколай, мун вод, регыдджык
бурдан.

Миколай. Эн мелiась мекöд! Тiянысь и фронт
вылын он мын. Меным куйлёмнас делöджык. Меным
колö ёнджыка вөрны, тышкасьны! Сэки дойсö ог-
джык кыв.

Пырöны Онтон Иван, Коля да Елис Вась.

Öнi Коля шынеля, будёновкаа да винтовкаа.

Коля. Миколай дядь, ранитчин?! Аттö дивö!

Миколай. Тэ, Марья Кольö, винтовкатö судзöд-
ны вермин?

Коля. Мырдди белöйлысь. Английскöй. Контра
оз сет вöли. Ме шурк-шарк шыбиті шынельöс да сыв-
йышти гадöс, кöсья вермасьны. Адзис Рочев, изь-
васа партизаныд, видчö: «Марья Кольö, мый тэ гад-
кöд кияснад вермасын, винтовкаыд мый вылö?» Ме
кватиті белöйлысь винтовка... кöсья лыйны. А бан-
дит кöч моз лявöстис. Лыйи эськö, Иван дядь кö эз
кут: краснöйяс пö пленнöйясöс оз лыйлыны.

Миколай. Кутшöм тэныд Иван дядь!

Иван. Нинöм, Миколай. Öтчдытö мед сорас-
сис... Коля, мун кытшовт часövöйясöс. Висьтав, мед
сюся видзöдасны, торья нин шор вомöн пос дорас.

Коля. Кывза, командир ёрт! (*Мунö.*)

Иван. Дарья, тэныд лоо раненöйясöс колльöдны тылö. Тайö бойын унаöн ранитчисны.

Василей. Сиктсö, командир ёрт, врагъяелысь мырддим.

Иван. Сьöкыда ранитчисны көкъямыс морт. А Пиля Митрейöс аски дзебам луннас, мед став сиктыс петалас.

Дарья. Иван Антонович, янсöдчыны тiянысь?

Иван. Война унаысь ёрта-ёртöс янсöдлö.

Дарья. Командир ёрт, меным колö лоны танi, тiян пöвстын, тыш пиас. Али ме тiянлы омöля отсая?

Иван. Некод тэ йылысь, Дарья, сiдзи оз шу. Война вылын быдöн герой, кор сiйö тöдö, мый вöсна тышкасьö. Весиг зумыш парма да паськыд морöса Печора бердын кыз пу расьяс аддзöны. Ён тышлөн сьöкылдуныс инмö да тöдчö и налы... Ме тэнö гөгөрвоа. Но тэ бөр воан... А аски югдандор петанныд.

Дарья. Сэтшöм регыдөн, командир ёрт!

Иван. Оз позь нюжöдчыны. Ме тшöктi вöвъясöс дасьтыны... Миколайöс тшöтш нуан.

Миколай. Ме некытчö ог мун!

Иван. Кыззи он мун?

Миколай. Ог мун, дай ставыс! Тылö ог мун. Ме ог көсйы, мед Колчак öтлаасис Миллеркöд!

Иван сьöлöмысь кутлö Миколайöс.

Миколай. Прöщай, Дарья! Тэ ме вылö он лöгав?

Дарья. Некор эг лöгавлы, Миколай. Ме тэнö гөгөрвоа.

Миколай. А унаöн эз гөгөрволыны, мыйла ме вöвлi крут мортөн. Торья нин нывбабаяс... Прöщайтлы öнi кежлö, Дарья! (Кутлö.) Тэа-меа мый дыра öтлаын уджалiм.

Иван. Ме тэнö колльöдны, Дарья, вола петiганыд... Тэ, Миколай, мун санитарнöй пунктö да куйлы. Василей, он на мун? Но, ладнö, прöщайтчы Дарьяыдкöд.

Миколай да Иван мунöны.

Дарья. Василей, кутшöм неокота мунны тiян дiнысь.

Василей. Командирлөн приказ. Нинём он воч. Война эм война!

Дарья. Ме тэкөд ог прөщайтчы. Регыд аддзысам. (Кутлө да околө.) Василей, видз асьтө!

Занавес.

Квайтөд картина

Арестной жыр. Нинём абу, табуретка кындзи. Паськыда вощё өдзөс, тыдовтчө белогвардеец винтовкаөн. Тойыштөны комнатаө Дарья өс. Пөдлалөны өдзөссө. Дарьяөс вайисны допрос выльсь: чужөмыс блед, плешас кузь вир гадь, өтпөлөса, чувки кезьсь. Кост.

Дарья. А колі на овны. Кутшөма колө овны, аддзывны олөмсө! Мыйла ме татчө сюри? Ог вермы прөститны ачымөс!.. Дона Василей, кылө оз сьблөмыд, кытчө веськалі тэнад Дарьяыд?

Калькнитөм өдзөсөд шыблалөны Дарьялысь көлуйсө: чышьян, платтьө, плисөвой жакетка, гын сапөгьяс. Өдзөссө швачкөмөн пөдлалөны.

Дарья көмалө гын сапөгьяссө.

Пырө Вяткин. Кокнас вешталө дждож шөрысь Дарьялысь көлуйсө стен бокас.

Вяткин. Но мый, Кочанова?.. О, плешкад пас пуктөмаөсь!.. Нинём он воч, карательной отряд!.. Менө чуймөдө, мыйла большевикьяс том нылөс биө шыбитөмаөсь. Көні налөн сьлөмыс!.. А, Кочанова?.. Да, эгө кужөй овны, ас костаным тышө воим. Отсөг вылө локтисны бокөвойяс. Кымын государство! Бытьө бур жөникьяс коралөны корысьмөм невестаөс. А ми, войнаөн коньөрө воөм невеста нин, ещө лэптысям, ышнясям.

Дарья. Мися жө бытьөкө бур жөникьясыд тэнө бытьөкө невестаөс асланыс английскөй паськөмөн юр вывеляныд кок улөдзыд асыкалөмаөсь, ассыныс өружиө өшлөмаөсь.

Вяткин. Кутшөм мисьтөм кывьяс тэнад: «асыкалөмаөсь», «өшлөмаөсь»! А ме көсья вөлі... (Друг.)

Кочанова, ме тэнö вöля вылö лэдза! Нывъяскöд ме ог тышкась, сэтшöм грек ас вылö ог босьт... Аддза — мудзöмыд. Но тэ ачyd мыжа. А мый эськö и прöтивляйтчан миян водзын? А, Кочанова?.. Али тэ коммунист? (*Ыджыд кост.*) Комиссар? Кöсьян став мирын революция пöльтны? Этша на тэныд Россия-матушкаöс грабитöмыс? Народöс...

Дарья. Да, ме коммунист! Кöсья народöс дорйыны!

Вяткин. Збоя висьтасьöм! Ошка... Но ме ог верит. Тэ прöстö ылалöмыд... Тэ том, мича. Весиг вир гадьыд оз мырдды мичлунтö. Тэныд колö лоны мамөн, ас кодьыд мича челядьöс быдтыны. Сэки öнiя став дурöмыд вунö, ачyd асьтö кутан видны ылавлöмсьыд. Тэ лолан на мамөн. Офицерлысь кыв шуа — ме сета тэныд олöм! Он верит? Вермас лоны... Мövпыштлы, Кочанова. А öнi шойччышт. Шойччиг мозыд ас кежад кокниджык мövпавны... Вот танi вольпасьыд абу. Но да том морт, кызкöмыйкö... Шойччы. (*Мунö.*)

Вель ыджыд кост. Пырö белогвардеец.
Кост.

Белогвардеец. Кывзы, нылö... Ог тöд, кызди тэнад ним-овыд. Менам эм тэ кодь жö ныв. Видзöда тэ вылö, да... ме ог тöд... Мед он жö веськав миян унтер киö. Сийö тi кодьястö! Кевмы енлы, мед он веськав унтер киö!..

Пырö Ольга Сергей. Сийö белöй унтер-офицер, бур английскöй френча, крагиа, бокас кобураын револьвер, киас плетка, мыйөн радейтö ворсны.

Сергей (*стрöга белогвардеецлы*). Пет!

Белогвардеец öдйö петö.

Дарья (*ёна чуймöмөн*). Ольга Сергей!.. Тэ танi?!

Сергей. Дарья, тэ?!.. Кызди нö? Быдөн воши... Вои командировкаысь, висьталiсны — ныв, гöрд партизанка пö миян кийн. Эг виччысь, мый тэ. Менам землячка! Ог и тöд, нимкодясьны али абу... Кодi лысьтiс тэнсьыд кымöстö дойдны? Танi? Али войнаысь кольöм пас? (*Пуксьö табуретка выдö.*) Важөн

Керчомьяысь? Кызди нин сәни йөзыс олөны? Оз-оз, да и усьлө дум вылад аслад чужан позйид!... (Чеччө.) Йөйид, пукси. А ныв сулалө. Пуксы, Дарья. (Кост.) Дарья, мый нинөм он шу? Но көть чолөмасыам. (Босьтө Дарьялысь кисө.) Но, топөдышт. (Дарья нетшыштө ассыс кисө.) Мый сідзи? Абу вежлив. (Кост. Ветлөдлө, плёткаон ворсігытйи.) Дарья, ме көсья тәнсьид юавны. Эн шенззы. Гашкө, тані абу лөсьид панны татшөм сёрнисө. Да мый керан, коркө колө жө меным төдлыны. Дарья, мыйла тэ менө эн сибөд? Обиднө, сьөлөм доймымөн обиднө! Оні мөвпавла да, мекөд кө тэ эськө матөджык төдмасин, вермис лоны, ме тэнө кокниа вунөді. А вермис лоны,— регыджык сідзи эськө и лоис,— ми гөтрасим, шы ни төв олім... Да, пөлинө, мамо велөдө вөлі менө босьтны тэнө... Кызди и шуны... но, мырдөн босьтны. Но ме эг вөч мамо тшөктөм серти. Оти кадө көсйылі, но бөрвылас ачым ачымөс сыысь виді. Ме абу сэтшөм омөль морт, көть и сәки нэр зон вөлі, мамолөн пөвадитөм пи.

Д а р ь я. Мый тэ тайөс меным висьталан!

Сергей (раммө). Ме тэнө радейті, Дарья! Оні тэнө аддзи, да бара сьөлөмөй... (Дарья зэв зывөка пыркмунө.) Мый пыркмунін, Дарья?.. Гөгөрвои. Да татшөм мытшөдьясыд оз вермыны кутны радейтөмтө. Оз кутны, Дарья! Шуөны — том кадся радейтөмыд оз сім. Тыдалө, сідзи и эм. Ме тэнө, Дарья, некор эг вунөдлы. Весиг сьөкыд кадьясө эг вунөдлы, а мөдарө, ёнджыка кылін менам сьөлөмын. Тэ көсьян төдны, мыйла ме тані?

Д а р ь я. Нинөмла!

Сергей (ышловзбө). Ме көсья висьтаваны, мед тэ гөгөрвоин. Сәки, ме чайта, тэ...

Д а р ь я. Ог кывзы! Ог көсйы кывзыны, Ольга Сергей!

Сергей (пузвө). Коммунистьяс, большевикьяс, классөвөй тыш... Сөрөм,— выживмөмьяслөн! А кодьяс найө? Педөр Микольяс... Елис Вась, Онтон Иван! Да ещө Пиля Митрей, кодлөн аслас весиг пывсяныс эз вөвлы! Татшөм начальствоыд вермас олөм лөсьөдны? Кумыльгаон путкыльтөны ставсө!

Д а р ь я. Но и мед!

Сергей. Верман тайос терпитны?.. Дарья, тэ меным жаль.

Дарья. Ме век верма йоз выло восьса синмөн видзодны. А вот тэ кызди видзодлан? Мёдысь,— кольлан ко ловйон! Лыстан-о синъясто чөвтлины муса парманым выло, паськыд вөр-ва выло, кодъясос тэ нйитосьтан, пежалан? Он повзы чизыр бушковысь, коді тэ пиысь ставсо пыркодас? Мыйон тэ дорйысян народ водзын?

Сергей. Народ, народ! Велаломныд народ улө тупкысьны!.. (*Вшловзбёмөн.*) Дарья, миян кийн тадзи оз ков эськө сёрнитны. Миян оз радейтны.

Дарья. Враг динө логлуной тшөктө веськыда сёрнитны, Сергей!

Сергей. Ме торья ог дивит тэнө. Тэ ылаломыд. Коммунистыяс кужоны поръявлынытө,— сийос налысь он мырдды. Тэ, том ныв, романтика корсин, сийо содтөд тэнө конйыштіс. Но тэ абу сэтшөм морт, медым помөдз тшыксин. Ме жалита, мыйла сюрөдчин миян киө.

Дарья. А мыйла ті менө мучитанныд? Оти здук кежлө спокой онө сетлөй. Пычканныд-пычканныд...

Сергей. А кызди мөд ногыс, Дарья? Тэ — гөрд партизанка!

Дарья. Мый тиянлы месянь колө?

Сергей. Миян начальник виччысьо, мед тэ прөща корин...

Дарья. Мыйысь?!

Сергей. Мед тэ сетчин миянлы. Миян господин капитан Вяткин — образованной офицер, йөзтө төдө. Сийо оз и эскы, мый ми, славаон тырөм дзонь отряд, нылос огө чегөй. Дарья, тэ верман сийос вөчны. Нинөм он вошты. А босьтан уна... Меным капитан тшөктіс таон (*ворсыштө плётканас*) «сёрнитны». Да и мукөд любөй торйон, мыйон көсья. Тыр вөля сетіс. Но верма-ө ме тэкөд сідзи вөчны? Оз пыр менам киөй. Гашкө, аслам репутацияй усьо, но ог вермы!

Дарья. А мукөдьяскөд верман? Кывлі, кутшөмөн тэнө донъяліс асланыд жө белогвардеецыд.

Сергей (*скөра*). Кызди лысьтіс? Ме сийос...

Пырө Вяткин.

Вяткин. Кочанова, шойччыштін? Эн удит? Но

мөвпыштнытö, мый ме тэнсьыд кори, абу дыр... Гос-
подин унтер-офицер, сёрнитчин?

Сергей. Артмас, господин капитан!

Вяткин. Бур, зэв бур!.. Кочанова, собраннö
чукöртам, йöз водзын висьталан, кызди да мыйöн
тэнö ылалöмö большевикъяс вайöдлiсны, паськыда
восьта öдзöсьяс, мунаж вöля вылö. Мый керан, олö-
мад унаöн ылавлöны. Но позьö веськöдчыны, юр
садьö воны... Дарья, ме кывза!.. Нинöм он шу?..
Сидзи и дзик нинöм?.. Жалы!.. Но ладнö. Тöлкуйтöй
ещö унтер-офицеркöд. Весьшөрö эськö миянлысь сы
мында кад мырддян да. Тэ кö ме местаын вöлин,
кадсö эн öмöй жалит? (Кост.) Кочанова, мый эськö
тэ вöчин, вöли кö ме тэ местаын?.. А, Кочанова?

Дарья. Ме эськö тэнö ляк пуö зарвидзан ув
йылö öшöдi!

Вяткин (*разьö френч юр вывсьыс кручкияссö,
чышкö пöсьсö. Пинь пырыс, но лöня*). Но вот. Ме тэ-
кöд бурöн, а тэ пузин. (*Мунö.*)

Сергей. Дарья, мый тэ керан?! Капитан, на-
чальник! Сы сайын ставыс. Мöдлаын дорйысьыд оз
ло... Дарья, тэнад нимсянж капитанкöд ме сёрнита.
Öнi жö! (*Мунö.*)

Дарья öтнас. Чышкалö пöсьсö. Сылы зэв сьöкыд. Кост.
Пырöны Вяткин да белогвардеецъяс.

Вяткин. Кочанова, öтнадөн?.. Эн пов, менам
унтер-офицер тэнö оз энöвт. Сы кыбн тырмымөн эм
тэкöд «сёрнитан» торйыс. (Кост.) А меным нинöм öй
кöсьысь? Сидзи и янсöдчам? (Кост.) Жаль, вывтi
жаль! (*Белогвардеецъяслы.*)- Босьтöй!

Белогвардеецъяс локтöны Дарья динö.

Дарья. Кывзы тэ...

Вяткин (*любöа*). Кывза, Кочанова! Кывза,
Дарья! Важөн мед сидзи.

Дарья. Кылан тэ, белобандит!

Белогвардеец. Ланьт!

Вяткин. Мед висьталас!

Дарья. Тэ, контра, уна вир уджалысь йöзлысь
юин, но генераллысь чин пельпомъясад он удит
öшöдны. Некор он удит. Пöдтасны тiянöс.

Вяткин (*спокойнöя*). Кочанова, ставыс?..

Дарья. Кылан, господин капитан, пöдтасны! Эз
весьшөрö веж гыяс кыптыны. Ойдöм ютö он потш!

Вяткин. Ставыс, Кочанова?.. Нуöй!

Белогвардеецъяс чургöдöны штыкъяссö.

Дарья. Кутшöм лёк, кор öружйö веськалö
зверьяс кий! (*Мöдöдчö петны.*)

Пырö Сергей.

Сергей. Господин капитан!

Вяткин (*босьтö плицöвöй жакетка*). Кочанова,
босьт. Ывлаын тöv. (*Сетö белогвардеецлы.*)

Сергей. Дарья, тэ эн кывзы менсьым?!

Дарья мунö, сы бöрысь белогвардеецъяс.

Сергей. Господин капитан, мый тi кöсьянный
вöчны?

Вяткин. А тэ ногön, господин унтер-офицер,
кызди?.. Мый мукöдкөд, сийö и тайö врагкөд. Сийöс
тэ вöчан, господин унтер-офицер! Тэнад киясыд оз
тиравны.

Сергей. Ме ог вермы, господин капитан!

Вяткин. Господин унтер-офицер, Кочановаöс тэ
луйлан!

Сергей. Ме... ог вермы!

Вяткин. Важön-ö сэтшöм небыдön лоин, господин
унтер-офицер?

Сергей. Ме ськөд öти сиктысь.

Вяткин. Тöда!

Сергей. Ме Дарьяöс радейтли!

Вяткин. Вот ме и видзöдла, кутшöм тэ больше-
викъяскөд тышкасысь, господин унтер-офицер!

Сергей. Да, но Дарья...

Вяткин. Господин унтер-офицер, ме тэныд при-
казывайта!

Сергей. Господин капитан, а пöщада кö Дарья
корас?

Вяткин. Лыйлыны!

Сергей. Господин капитан, гашкö, Дарья...

Вяткин. Дарья Кочанова — коммунист!

Сергей (*ёна чуймö*). Пöръявны вермисны?
(*Крута бергöдчö, кöсийö петны.*)

Вяткин. Господин унтер-офицер, мый коло шуны, кор командир...

Сергей. Кывза, господин капитан! (Мунö.)

Кост.

Вяткин. Мый сы дыра нюжөдöны? (Кöсйö петны.)

Сайын винтовкаясыь залп.

Вяткин нюмунö. Пырö Сергей, киас револьвер.

Вяткин. Ставыс?

Сергей. Кытысь Дарьялы сы мында чорыд-луныс!

Вяткин. Ставыс, господин унтер-офицер?

Сергей. Ставыс!

Вяткин перйö записной книжка, сэтысь öти визь черкнитö, суйö книжкасö зептас.

Ывлаын, кылö, кыптö бушков.

Вяткин (спокойнöя). Кутшöма лёкмис ывла вылыс. (Öзгö сигарета.)

Сергей. Оз-ö мян вылö лёкав? А, господин капитан!

Вяткин лөг нюмön видзöдö Сергей вылö, петö.

Сергей пукалö йöжгыльтчöмön.

А ывла вылын букшов.

Занавес.



КОДИ МЫЖА?

Драма

Ворсысьяс:

Опонь Ондрей — ар 55.

Татьяна — сылӧн гӧтыр, ар 50.

Ӧльӧксан — 29 арӧса

Катя — 23 арӧса

Павел — 20 арӧса

Лиза — 9 арӧса

налӧн челядь.

Семӧ Ёгор — ар 40, гӧль крестьянин.

Марья — сылӧн гӧтыр.

Анна — налӧн ныв, 18 арӧса.

Палалей — гӧрба, ар 35.

Морозов Григорий Демидович — ар 40, ссыльнӧй.

Ваньӧ — 25 арӧса.

Попаддя — 48 арӧса, кыз, еджыд чужӧма.

Зыков Степан Степанович — ар 30-а, сылӧн пи.

Урадник — 40 арӧса, вӧсни, пельк.

Сашук — 23 арӧса.

Кык конвоир — салдатъяс.

Нывъяс да зонъяс, йӧз.

ПЕРВОЙ ДЕЙСТВИЕ

Луд выв. Гөгöрыс пуяс. Кымынкö мыр да мышка скамья. Ылын тыдалöны öтарас — ю, мöдарас — муяс. Тулыс. Лун шöр кад. Сылöны кайяс. Кылö керасьöм шы. Сайын Лизалöн гöлöс, вöтлö вöв: «Но, Рыжко!» Öти пу улын, гож сайын, куйлö Павел, лыддьö книга.

Недыр мысти локтö Анна, ситеч платтьöа, көтиа, чышьянтöм. Гусьöн локтö Павел динö, дуригтырйи повзьöдö сийöс. Павел чур-чермунö.

Анна (*сералö*). Повзин?

Павел (*збыльысь*). Повзьöдчан да!

Анна. Мый тани вöчан, Павел?

Павел. Корög нöйта.

Анна. Кымыньöн куйлöмнад лöсьыд корөгтö нöйтны.

Павел. Öни Лизук пинёвтö на.

Анна. А ме баткөд пес керала.

Павел. Тайö ти ковганныд сэни! Мыйла вөр дйын керасянный, онö ягын? Ягса пес öдъяджык.

Анна. Ягсьыд кызди ваян?

Павел. Вöлөн.

Анна. Миян вöлыс бöжтöм. А татысь даддьöн кыскалам... Тэ, Павел, книгаөн ноксян?

Павел. Кужышта, Анна. Ичöt дырйи дзонь төв школаö котралі.

Анна. Мый сэтысь аддзин бурсö?

Павел. Колökö, висьтала. Кывзан?

Анна. Висьтав.

Павел. Татчö гижöма ытшкысь йылысь. Сийö радейтлöма нылöс. Нывсö батысь оз сет ытшкысь саяд, гöль пö да. Ытшкысьыд мунöма бокö, ылі муö, сьöм нажöвитны. «Вая,— шуö,— зарни тыра мешök,

шыбита бать ныр улас да шуа: «На тэныд! Оні сет ме сайё нывтё!»

Анна. Мун сэтысь, Павел! Ытшкёмысь зарни тыра мешёк. Ми со быд во пуктивлам видзьяссё гөрба Палалейлы да некутшём зарни, ни ыргён сич пыр оз мунлы.

Павел. Он кё эскы, на, ачyd лыдды.

Анна. Ме гижёд сертё ог аддзы. Павел, батьё шуёкодъ таво менё босътны аскёдыс заводё. Лёсьыд абу сэні?

Павел. Ог тёд, Анна! Ме заводё эг ветлыв. Эжва кузя сёмын пуръяс кылёдлі.

Анна. Кёні пё и лёсьыдыс!.. Ме мукёд дырйи мёвпала ас йылысь. Ас олём йылысь. Мый керан, ныв юрад тай быдторйис волё. Мамё шулывлас: нылён кё пё чужин, дёра помтё, гашкё, вермылам лёсьёдны... приданёй вылё. А мёс вылё пё эн надейтчы... Нылыдлы ныв шогтё быть пык... А тэ, Павел, ас йывсьыд мёвпавлан?

Павел. Ок, Анна, мыйыс менам юрё оз воы!.. Мед эськё бушков тёв пёльтё. Мед кыпёдчас сьёд кымёр. Чардалё. Гымалё. Став муыс тіралё. Эжваным скёралё керка судта гыясён. А тэ Эжва шёрын ветки-пыжён венласян тёвкёд, гы паныд катан. Пыжыд веж гыяс вылё качлё, ва пыдёсёдзыс сунлё. А тэ сынан. Юртё вылын кутан. Горёдан: «Тёв! Чардби! Эжва! Ме тіянысь ог пов! Котъ мусё увлань юрён пуккыльтёй!»

Анна. Ой, Павел, кутшём страстьяс тэ вись-талан!

Павел. Вёр пывсянын мёвпавла. Тёвся войыд кузь.

Анна. Вёр пывсянад ёткёнтё он пов? Ме кё бара сэні ёти вой ог узь.

Павел. Повнысё некор, Анна. Вёралігад уджыс да мудзыс тырмё. Полёны нинём керысьяс.

Анна. Павел, ме тэ дінё орччён пуксьыла.

Павел. Пуксьы, Анна

Анна (пуксьё). Павел, кор ме тэно аддза, менам сьёлёмой... Павел, тэ дінын менам сьёлём вылын зэв долыд да кокни. Кёсьяс сысыс ачымёс видны, да некор ог вид.

Павел. Анна!.. Донаёй!.. (Кёсий кутлыны.)

Анна (*черөбтө, сувтө*). Ой, Павел, эн кутлы! Чунькытшасьтөдз нылос оз позь кутлыны. Ён грек суас!.. Павел! Кор батюшко миянос вичко шорын венчайтас, ме сэки тэнө ачым... (*Кияссө нюжөдөмөн уськөдчө кутлыны Павелос. Сайын лыйом шы. Анна тан-сувтө, ёна повзьө.*) Ой, Павел!

Павел (*мелиа*). Анна, эн пов. (*Сайын сьылөм: «Быстры, как волны, дни нашей жизни».*) Тайө Григорий Демидович уткаясос лыйлө. Менам пицальон.

Сьылігтырйи локтө Морозов, киас пишаль да утка.

Морозов. О, том йөз!.. Павел, тайө коді? Көтіа ангелыс?

Павел. Анна. Семө Ёгорлөн нылыс.

Морозов. Кутшөм том. А, тыдалө, Павел, тэнө радейтө. Синъясыс удтөны. (*Анна лэдзө юрсө.*) Эн яндысь, Анна! Радейтөмыд быдөн вывті мунлө... Менам вөвлі жө Анна. Анюта. Анна Петровна Сергеева. Гимназистка. Оні, коді төдас, көні. Россияыд паськыд. Пемыд гуясыд уна,— тырмө, майбыр!.. Павел, тэ мый лыддян? (*Босьтө Павеллысь книгасө.*) Кольцов. Бур писатель. Павел, тэ Крыловөс төдан, Иван Андреевичос?

Павел. Ог, Григорий Демидович! Эг кывлы.

Морозов. А тэ, Анна?

Анна. Ме мыйон төда! Миян сиктын тай абу-а.

Морозов. Ок ті. Весиг Крыловөс онө төдөй.

Анна. Григорөй дядь, поп Оляыд, көнкө, уна төдө. Тэ өд сы бөрся вөтлысян.

Морозов. Сійө и эм — вөтлыся. Ог ухаживайт, а вөтлыся. А тэныд завидь?

Анна. Завидь. Поп Оля велөдчөма. А менам грамотаөй пила вуг да чер вороп. Олялөн вокыс воөма. Кутшөм мича паськөма!

Морозов. Тэ мичасө гөгөрвоан жө? Чайтан, мортөс паськөм мичмөдө?

Анна. Кызди нө, Григорөй дядь! Мичаыд быдөны лөсялө. Мича вылад видзөдан, да ачыд мичмылан. Мыйла нө быдөн радейтөны синтө ёран дзоридзьяса луд вылө нимкодьясьны? Нимкодьясигад сьблөмыд тіпкөджык. Сідзи өд, Павел?

Павел мелі нюмөн видзөдө Анна вылө.

Морозов. Павелыд дзоридзьяс вылад оз ышмы... Кывзы, Павел, мыйла тэ динö Соловьёв бөрья вылыс тшöкымдöдлiс?

Павел. Соловьёв дядьöс урадник пöчинöкө йөршитiс, кöнi йöзыс абу, сöмын öти овмöс.

Морозов. Мед кывсö пыдынджык кутiс дай. Кымöрын лэбалö!

Павел. Мыйла сiдзи шуан, Григорий Демидович? Соловьёв дядь морттö радейтö. Питирын ыджыд заводын кынöмпöтсö перйылöма.

Морозов (ышловзбö). Ме эг жö кын корөг чужьявлы, да со тай ыстiсны пемыд пельöсö.

Павел. Тани йöз жö олöны.

Морозов. Кодьяс весиг Крыловöс оз тöдны!

Павел. Соловьёв дзик мөд ногөн сёрнитлiс. Кывзан сийöс,— сёлöмыд ыркмунö да ыркмунö! Григорий Демидович, мыйла сийö гусьон моз вöли висьтавлö?

Морозов. Кага на тэ, Павел!

Анна. Павел, ме сэсся муна.

Морозов. Он жö мун! Ме муна, ог мешайт ныла-зонмалы. Варовитöй, любуйтчöй асланыд том кадөн да нэр сёлöмөн. Кор сёлöмтö олöмыс чорзбö-дас, сёр лоö.

Анна. Ог эшты. Колö пес керавны.

Морозов. Татшöм ангелыс пес кералö!

Анна мөдөдчö, сылы паныд локтö Палалей, вöнь костас чер, зумышөн видзөдö Анна вылö. Анна повзбö, кежö бокö, мунö.

Морозов. Палалей Зосимович кытчöкө мөдөдчöма?

Палалей. Ньөр керавны муна. Потшсьыны колö. *(Зильö лоны веськодьөн, но нервнöя очсöддö.)* Павел, Аннаыс тэ динö волiс?

Павел. Мый кöть и ме динö!

Палалей *(югнитöм синзясөн)*. Мый увган? Ме бурөн юалi. *(Мунö.)*

Локтö Лиза.

Лиза. Павел, менам вомöнсö пинёвтчис. Куим пöвстөн пинёвти. Лок, корөгтö нöйт. Мамö телега улын кос турун вылö нёровтiс да унмовсис... Ме

Рыжкотö ачым лэдзали. Сеті идняньтор да паръяснас сэтшöм небыда босьтіс... Павел, кынöмой сюмалö. Мый Катё сы дыра оз вай сёянсö?

Павел. Ваяс, Лизук.

Павел да Лиза мунöны.

Локтöны Ваньö да Опонь Öндрей, кодöсь, вöччöм дөрöмаöсь.

Öндрей. Ваньö, шань гудöкнад нязгыны. Пель сьöдасьö.

Ваньö. Öндрей дядь, ме гаж корся. Талун микöла мөдлун. А колö дзонь вежон пычкыны гаж. Мөд ног Микöла-угодник вермас скөрмыны.

Öндрей. Гаж корсян? Озырлун пыдди!

Ваньö. Тэ öтнадөн нин, Öндрей дядь, озырмөдчы. Миянлы öти гажыс тырмас.

Öндрей. Озырма!.. Тэ чайтан, ог озырмы? Муясö да видзьясö став гыжъясөн шашаритча, лөсьöда көрт амыся гөр, лун и вой мөда пессыны!

Ваньö. Шашаритчы, Öндрей дядь, шашаритчы. Гыжъясыд кө оз чегны.

Öндрей. Менам чегасны?.. Менам!.. Ок тэ! А тэ тöдан — муыд вильшасьöмтö оз радейт!.. (*Морозов-лы.*) Эй тэ, сыльнöй! Тани, вөр ді саяс, менам муясы!.. А тэ мыйла татчö воин? Мыйла миянö ыстісны?

Морозов. Тэ тöдан, мый лöö столыпинскöй галстук?

Öндрей. Он ылөд менö гөгөрвотөм кывъяснад!.. Тэ со велөдчөм морт. Висьтав, кыдзи колö гежмасьны? Ме со этадзи муна гөрөм му вывті да көдза. А тэныд, гежмасьысьлы, кыті колö мунны?

Ваньö. Нянь тусь йывтіыс колö мунны, Öндрей дядь. Мед көдзысьыс мөд визьсö мунигас эз кояв тусьсö важ инас.

Öндрей. Со Ваньö — бобыль, да и сійö төдö.

Морозов. Ме, Андрей Афанасьевич, некор эг көдзлы муястö.

Öндрей. Сійö и эм — эн көдзлы. А няньсö сёян!.. (*Перйö зепсьыс полуштоф вина*). Ваньö, көні нö чашкаыс?

Ваньö (*перйö ас зепсьыс чашка*). Со, Öндрей дядь!

О н д р е й. Вай пѳкмелитчам. Вот закуситнысѳ
нинѳмѳн.

В а н ь ѳ. Позьѳ кывѳн.

О н д р е й. Тѳныд позьѳ, а меным оз. Ме абу
бѳбыль.

Локтѳ Сем ѳ Ёгор, омѳлик лѳз дукѳса.

О н д р е й. Семѳ Ёгор, тѳнад закускатор абу? Мый
рѳмидзтан?

В а н ь ѳ. Ли няклялѳ. Лиыд чѳскыд, окотасьыд
сѳйыштны.

Ёгор. Онѳ лѳсьыда кульсьѳ. Ыджыд туис тыр
кули. Качсьыд тай уман.

О н д р е й. Кач сѳян! Сюра-тошка мужик! Тыла
паръяв!.. Тѳнад, кѳнкѳ и, кѳрт зырѳыд абу?.. (*Кучкѳ
бутылка пьдѳсас, мед пробкаыс чеччас.*) Волы,
градтѳ лѳптыны сетла. Прѳста! Гѳрба Палалей моз
кучиктѳ ог кульышт.

В а н ь ѳ. Вай кисьтав нин, О н д р е й дяды!

О н д р е й. Кисьтала, Ваньѳ. Чайтан, ог! (*Перѳй
зепсьыс дрѳбалѳм шаньгаяс.*) Менам зептын вѳліны
шаньгаяс да со дрѳбалѳмаѳсь. Вывтѳджык рѳшкы-
дѳсь. (*Кисьтѳ чашкаѳ вина, сетѳ Ваньѳлы. Ваньѳ юѳ.
О н д р е й бара кисьтѳ, кѳсийѳ юны ачыс, думыштѳ. Сетѳ
Морозовлы.*) На, сыльнѳй, ю. (*Морозов юѳ, шаньга-
торѳн закуситѳ. О н д р е й бара кисьтѳ, бара ачыс
кѳсийѳ юны. Кост.*) Ваньѳ, Семѳ Ёгорлы вичмѳдыштны
лѳѳ жѳ кѳ-а. На, Ёгор, видлы.

Ёгор юѳ, кезьѳвтѳ. О н д р е й кисьтѳ, ачыс юѳ, дыр видзѳдѳ
тыртѳм бутылка вылас, кѳсийѳ шыбитны, сѳсся суйѳ зептас.

О н д р е й. Ваньѳ, вот тѳ висьтав, мыйла тѳ юан?

В а н ь ѳ. Губернаторѳ пѳрчча, О н д р е й дяды! Ви-
дзѳдтѳ, кор ме садь — ме бобыль, корысь. А юа кѳ,
губернаторѳ вола. Кардорын ме аддзылі... губерна-
тортѳ. Пурийѳн кывтлігѳн.

О н д р е й (*серамѳн*). Губернатор Ваньѳ!.. А тѳ,
Ёгор, мыйла юин?

Ёгор ньѳжѳйѳ бергѳдчѳ, мунѳ.

О н д р е й. А тѳ сыльнѳй?.. Царѳс чѳвтысь ветлан,
шондѳбан!

Локтѳ Г а т ь я н а.

О н д р е й. Таттян, тэ мый шувъялан тани?

Т а т ь я н а (*скорысь*). Көдзны волі. Тэ өд со гу-
лайтан-а.

О н д р е й. Коді тэнö тшөктіс? Төдан,— муыс
шоналіс нин көдзнысö? Коді көзяиныс? Тэ али ме?

Морозов адзö зычитöмсö, муно.

Т а т ь я н а. Ыджыд тай ветлан!

О н д р е й. Пинясян!.. Ок тэ? (*Көсийö кучкыны.*)

В а н ь ö (*кутö киöдыс*). О н д р е й дядь, косьö тай
пыран!

О н д р е й. Ваньö, тэ эн суйсы. Лэдз! (*Уськөдчö
Татьяна вылө.*)

Одйö локтö Павел, пырö шөракостаныс.

П а в е л. Батьö, мамös эн вөрзбөд!

О н д р е й. Вешйы сэтысь!

П а в е л. Ог сет мамös!.. Лучшö меным кучкы.

О н д р е й. Ме тэнö, Павел, ог вөрзбөд. Тэ — ме-
нам пи. Бур пи! Мужик рөд!

П а в е л (*рама*). Батьö, мыйла тэ юан? Код юр-
над тэнад зэв кокни сямьд.

О н д р е й. Ог сэсся ю. Ог, Павел! Көдзсьөм бө-
рын керка тшупам. Ольöksанлы вылө. Коркө өмөй
сийö оз лок? Ольöksан менам молодец! Японечьяскөд
войнаын георгиевскöй крест нажөвитöма. Ваньö, кор
нин войнаыс помасис?

В а н ь ö. Куим во кө эм нин-а... Энлы, О н д р е й
дядь! Куим во сайын рөштво недельö ме гөтраси.
Сэки война вылысь локтис Кельчи Гришö да висьта-
ліс: колскөдісны пö мянös!.. Талун тувсов микöла
мөдлун. Сідзкө, куим во сайö нин, О н д р е й дядь!

О н д р е й. Кутіс сэнi артасыны... Гөтраси да,
колскөдісны да. Коді вермас мянös колскөдны?..
(*Татьяналы.*) Ме тэнö, Таттян, коркө велөда!

В а н ь ö (*босьтö сойбордйöдыс*). О н д р е й дядь,
мунам! Кабакыд өд восьса. (*Кыскө-нуö О н д р е йös.*)

П а в е л. Мамö, эн бөрд. Бөрдөмнад ылөдз он во.

Т а т ь я н а (*синвасö чышкалө*). Ог, Павел, бөрд.
Менам велалöма нин... комын вонад. Ме гортö лэчча.
Локтас да керка пытшкысь ставсö жулляс. Павел,
батыд өд садь юрнас абу лёк морт.

П а в е л (*мелта*). Төда, мамö!

Т а т ь я н а м у н ö с и к т л а н ь ö , П а в е л — м ö д а р ö .
Л о к т ö А н н а .

А н н а (ö т н а с ö н) . П а в е л ! . К у т ш ö м а м е н а м с ь ö л ö -
м ö й р а д е й т ö т ä н ö . М у с а ö й м е н а м !

Л о к т ö П а л а л е й .

П а л а л е й . А н н а ! (А н н а д р ö г м у н ö , в и д з ö д л ö
П а л а л е й в ы л ö , к ö с й ö м у н н ы .) Э н л ы м у н , А н н а !
В е в ь я л а н . К ö л ö м е н ы м ... х м , х м ... т ä к ö д в а р о в и т ы ш т -
н ы . М е к ы в л ö , А н н а , т я н л ы с ь п ö м ö с н ы т ö н у ö м а ö с ь .

А н н а (н о р а) . У р а д н и к н у и с . В о т м ы н т ы т ö м ы с ь .

П а л а л е й . Ж а л ь ?

А н н а . Ж а л ь . М ö с н ы м в ы л ь в а й ö м в ö л ö .

П а л а л е й . Н и н ö м о н в ö ч , А н н а ! С ä т ш ö м ö л ö -
м ы с ... х м , х м ... е н м а - м у а к о с т ы н . П у р ы ш т н ы ö т а - м ö д -
н ы с ö б ы д ö н в и д з ö д ч ö н ы ! . М е в о т а б у ä т ш ö м ... х м ,
х м ... а б у . А б у ä т ш ö м . (К о с т .) А н н а , м е ы с т а т ä ö р д ö
к о р а с ь ы с ь ö с ... М ы й п о в з и н ? . М е д ö н ы н к а ч н я н ь т ö
в у н ö д а н .

Л о к т ö П а в е л . А н н а ы р с к ö б ö н у с ь k ö д ч ö П а в е л д ö н ö .

А н н а . П а в е л , б ö с ь т м е н ö ! (К я с с ö н ю ж ö д ö .) Н а ,
б ö с ь т ! . М е т ä н а д ... Е н м ö й , м е П а в е л л ö н . (Д з е б ö ч у -
ж ö м с ö П а в е л м о р ö с в ы л ö .)

П а в е л . М ы й л ö и , А н н а , м ы й ?

А н н а (с ы р к ь я л ö) . П а л а л е й ...

П а в е л . М у н а м , А н н а , п и н ö в т а н и н ö .

А н н а д а П а в е л м у н ö н ы . П а л а л е й ш ö й ö в ö ш ö м а . С й ö
р а з ь ö в ö н ь s ö , г ö л я с ь ы с ш а р ф п ы д д и к ö р т а л ö м е д ж ы д ч ы ш ь я н s ö ,
м ы н т ö d ö д у к ö с ы с л ы с ь к р у ч к я с s ö , ш е в к н и т ö д у к ö s s ö , п ö р ч ч ö
ш а п к а s ö , ч ы ш k ö п ö с ь s ö , с ь ö к ы д а п у к ь s ö . С а й ы н к ы к ч е р ö н к е -
р а с ь ö м ш ы , к ы л ö — п ö р ö п у . Л о к т ö с и к т л а д ö р с я н ь К а т я ,
с и н н ö ш ы б и т ч а н а п л а т ь ö а , ю р с i s ö в о д з т ы с к у д р и т ö м а . С ы л ö н
к и а s и ч ö т и к т у i s д а н е ы д ж ы д н ö п .

К а т я . О , П а л а л е й ! . Ч о л ö м , П а л а л е й ! Т ä д у к ö с а ?
Т ö й ö с с я н ! (П у к т ö т u i s s ö д а н ö п s ö , л о к т ö П а л а л е й
д ö н ö , в и д л ö д у к ö s s ö .) К у т ш ö м ч о р ы д . А с к ы ö м ?

П а л а л е й . Т ä м ы й т а н ö д о в ь я л а н ?

К а т я . П а ж ы н н у а п и н ö в т ы с ь я с л ы . А з я ш ы д .
А н ь к ы т ш а . Ш а б д ö в ы й с о л ь к н и т ы ш т ö . Г а ш k ö , в и д -
л а н ? (С е р а л ö , с ä s s я v ö r s ö d ч ö м ö н .) Э г ч а й т , м ы й м е
т ä k ö д т а н ö п а н ы д а с я . П а л а л е й , т ä к о р а в л ö н м e n ö ?

П а л а л е й . Н о , к о р k ö к о р а в л ö .

К а т я . Вай öнi гöтрасям. (*Палалей сюся видзöдö Катя вылö.*) Любуйтчан? Любуйтчы но. (*Мичмöдчö.*) Любуйтчы, Палалей!

П а л а л е й . Тэ каръясöд шöйтiгад ляб лоин, нежнöй.

К а т я . Кымын нежнöй бабаыд, сымын сийö дона да... чöскыд!

П а л а л е й . Меным уджалысь колö.

К а т я . Сы пыдди ме тэнö, ок, сэтшöма кутла! Шоныд эшкын улын. Садбыд бырлö... Ме кужа вурсьыны. Тэныд дөррöм шöрала да вура. Кизя гач вура-и. Тэ öд, кöнкö, кöвъя гач на новлан?

П а л а л е й (*скöрмö*). Эн серав. Став рöдвужыд тiян серамтуйö менö вöдитöны. Павел вокыд...

К а т я (*ворсöдчöмөн*). Тэ лөгалан ме вылö? (*Сывйыштö.*) Менам гөрба мусукöй!.. Гөрбыдла некытi-и кутыштлыны.

П а л а л е й скöрысь мынтöдчö да мунö. Катя сералö. Локтöны попаддя да Зыков.

К а т я . О, барин! (*Синмасьö.*) Барин, тэнад куритчаныд эм?

З ы к о в шензьöмөн видзöдö Катя вылö, перйö кучик портсигар, сетö папирос.

К а т я . О, душитöма быдөн!.. Истöгыд эм? (*Зыков öзтö.*) Аттьö, барин! (*Босьтö туйс да нои.*) Видза колян, барин! Он тöд, аддзысьлам на, колöкö, барин... Окотитан кö тэ... Дякөн гöтыр дорсьыд ме чöскыдджык. Али абу, барин? (*Серöктö. Сьылö: «Сердце красавицы склонно к измене», — сьылигтырйи мунö.*)

З ы к о в . Мама, кодi тайö?

П о п а д д я . Опонь Öндрейлөн ныв. Катьö. Карьясын кокни туйö сетчöма. Ха-ха-ха!.. Уф, кутшöма мудзи. А гажа жö нин! Шоныд жö нин луныс!

З ы к о в . Действительнö, мама, пöсь талун.

П о п а д д я . Лок, Степукöй, пуксям татчö. Гож саяс. Зэв лöсьыд. Ыркыд. Ха-ха-ха! (*Пуксьöны скамья вылö.*)

З ы к о в . Пöсяли. Действительнö, бур лун. Кыдзи нин комиясыд шуöны? Вый войталан лунөн, буракö. Мудзи, мама!

П о п а д д я . Мудзин, дерт. Тэ öд, Степукöй, көнкö, подöннад ветлыны абу велалöмыд, пыр вölөн.

Зыков. Подӧннад, действительнӧ, шоча. Унджыксыс автомобильӧн новлӧдлӧны.

Попаддя. Авбилӧн! Со ӧд... Кутшӧм сийӧ авбилыс? Кӧнкӧ, вевта? Пружина вылын, мед оз дзетӧд? Кӧнкӧ, вӧв нель кымын доддялӧны? Ӧддзан шургыны кар кузяыд, да вешйӧй бур йӧз: Степан Степанович Зыков мунӧ! Кутшӧм меным нимкодь!

Зыков. Вӧвтӧг, мама, автомобильдыд мунӧ.

Попаддя (*кияснас воча швачкӧ*). Вӧвтӧг! Кыдз нӧ сідзсӧ? Дзик вӧвтӧг? Ӧтносӧн мунӧ? Пуксян дай мунӧ?

Зыков (*серӧктӧ*). Пуксян дай мунӧ, — действительнӧ!

Попаддя. Со ӧд, со ӧд! Господи... Мыйӧдз быдті ассым пийӧс: вӧвтӧм телегаӧн ветлӧ!.. Мыйын нин, шуан, тэ ачыд? Кӧні служитан?

Зыков. Аттӧ тэ, мама! Кымынысь та йылысь куш талунсӧ юалін. Мися тай, управляющӧй заводом братьев Фоминых, наследников Белых и К^о.

Попаддя (*сутшиктӧ нимкодъысла*). Со ӧд, со ӧд! Кымын вевся нимыс! Ена жӧ тэ, Степукӧй, ыджыд чина. Сэссия нӧ, Степук, жалӧванньӧыд ыджыд-ӧ?

Зыков. Тшыгйӧн огӧ олӧй.

Попаддя. Аскӧдыд сьӧмтӧ уна босьтін?

Зыков. Та ылнаӧ локті, да тыртӧг эг пет.

Попаддя. Петкӧдлы, Степук.

Зыков (*перйӧ пинжак зепсыс кыз портманет, восьтӧ, ошйысьӧмӧн*). Со, мама!.. Действительнӧ. (*Тэрыба зургӧ портманетсӧ пинжак пиас.*)

Попаддя. Миян отеч Степанлы нинӧм мында эз кут воны. Войдӧр кутшӧм зіль вӧлі, вичкоад эськӧ сьылас нин. Да и кытчӧ чукӧстасны — мавтны-ӧ, даръявны-ӧ, сьылӧдны-ӧ, дзевны-ӧ, — оз пыксы, ветлас. Лунтыр кок йылас. Войнас на ещӧ мый дыра вӧлі оз узь, кутлӧ менӧ, дӧзмӧдчӧ.

Зыков. Фи, мама, мый сёрнитан!

Попаддя. Немтор сәні омӧльыс абу. Тэ абу нин ичӧт. (*Мудера.*) Степукӧй, тӧӧн отеч дякӧн гӧтыр зэв ошйысьӧ. (*Ыцловзья.*) Майбыр сийӧ — верӧсыс ӧш кодь мужик, да и тӧныд со вичмӧ.

Зыков (*укӧраӧн*). Мама!

П о п а д д я. Ха-ха-ха, нинём, Степукёй, нинём, ха-ха-ха!.. Бал вылад дякён гозъятё корам.

З ы к о в. Кёсьян жё, мама, вёчны балтё?

П о п а д д я. Кызди нё, Степукёй! Господи! Дас во пиын ётчюд локтін, да балтёг ог жё лэдз. Чукёртчылам. Сёмын вот старшинаёс, Ярё Петырёс, ог тёд, корам огё?

З ы к о в. Кызди нё сытёг? Быть лоё корны.

П о п а д д я. Сійё, коддзас кё, зэв матькысь. Янё-дас.

З ы к о в. Кётъ сэсся кутшём, мама! Сійёс быть кор. Власть!.. Действительнё, власть, мама! Царь батюшкаёс... ставнымёс мянёс сійё пыкё. Властьтёг ёмёй позё? Торъя нин ёнйя кадё. Тэ кывлін, мыйё немуджтёмьяс босьтчылісны куним во сайын. Быдлаын ставсё гудыртлісны. Весиг мяян Уралын пузыліс. Революция пё вёчам! Действительнё... Властьёс колё уважайтны, мама! Мед весиг сійё матькё. Тэа-меаёс ёд оз матяв!..

П о п а д д я. Сійё некодысь оз яндысь, кызди тэ шуан — ха-ха-ха,— власть!.. Лок сэсся гортё мунам.

З ы к о в. Ме ог на мун. Тані зэв лёсьюд. Кокни сынёднас лолалышта.

П о п а д д я. Тэ инё пукалышт. Ме тшёкта Ёгрёлы самёвар сувтёдны. Балкон вылын, дзоридзьяс пёвстын, тувсов рытын озъя вареньеён зэв чёскыд юны сук чай... Эн дыр пукав. (Мунё.)

З ы к о в ё с унзіль босьтё, вугыртё. Сэсся чужёмбанас кучкыштё: — «Ном курчис!» Сувтё, кияснас довкиёдлыштё. Пёрччё пинжаксё, босьтё киняулас, тэрмасьтёг, гуляйтёгмоз мунё.

Рытъявыв. Сайын кылё П а в е л л ё н сьылём. Сьылігтырйи сійё мунё сцена пыдёсёд.

Котёрён локтё З ы к о в, лолыс тырёма, корсьё сём зепсьыс, скамья гёгёрсьыс. Сэсся вётчё П а в е л бёрся.

Кост.

Пырёны Зыков да Павел.

П а в е л. Кутшём сём, барин?

З ы к о в. Прамёй сём. Татчё уськёді. Физкультура вёчи да. Ойя да ойя!

П а в е л. Ме некутшём сём эг аддзыв.

З ы к о в. Эн соссьы. Сьёмьс менам. Действительнё менам! (Кутчысьё сояс Павеллы, кевмысьё.) Вай, бур зонмёй!

Павел. Ме нинөм ог төд. Пинёвтанінсянь муна.

Локтө Палалей.

Зыков. Бур мортөй! Менам портманетөй зептысь уси. Сьөм тыра. Таті некод эз мун. Тайө зонмыс кындзи. Зонмөй, вай!.. Бурөн.

Павел. На, шобөй! (*Вөнсьө пөрччө. Зыков зепъяссө Павеллысь видлалө.*) Менам гачын зептыс абу.

Зыков. Енмөй! Позьө өмөй мортлысь сьөм гусявны!

Палалей. Нуам урадник дінө! (*Босьтө Павеллөс шошаөдыс.*)

Зыков (*кутчысьө Павеллы сояс*). Мунам!

Павел (*скөрмө, нетшыштчө*). Но, но... Қияснад энө пондөй!

Повзьөмөн лэдзөны Павеллөс. Павел мунө, сы бөрысь вөтчө Зыков, шуалө: «Сьөмөй менам!.. Сьөмөй менам!»

Палалей (*лөкысь радлө*). Павел!.. (*Друг думыштө.*) Гашкө, уськөдіс? Корсьла!.. (*Тэрыба корсьысьө пуяс костысь.*) Оз тыдав... Туй пөлоньыс видзөдла! (*Мунө, кодарө мунісны Павел да Зыков.*)

Сайын:

Лиза (*долыда*). Павел, лок нин! Туй веськыдалысь!.. Ме панйи тэнө... Тпру, Рыжко!

Занавес.

МӨД ДЕЙСТВИЕ

Сикт помын Семө Ёгорлөн омөлик керка: пöлыньтчөм тшу-пöдъяса кильчө пос, вежыньтчөм öдзөс. Керка дiнас да туй мө-дарас мича, веськыд кызъяс.

Локтöны Ваньö,— гудöкасигырйи,— нывъяс, зонъяс. Нывъяс уна рöма мича сарафанаöсь, уналөн сьылiаныс сикöтшъяс. Зонъяс — вöччөм дөрöмабсь, картузабсь, кодсюрö лакированной гöленя сапöгъясабсь.

Ваньö. Öти гажсянь мөд гажö мунамöй!

Öти зон. Ваньö, вичкоысь локтам да. Сэни öд оз гажöдчыны, юрбитöны.

Ваньö. Менö тай гажöдiсны-а.

Сашук (*серамөн*). Вичкоас, Ваньö, эн пырав да. Öградаас миянкöд пыр дурин.

Ваньö. Тэ, Сашук, мый морöс тырыд сикöтш кышалöмыд? Сикöтшнад вичкоö оз лэдзны.

Сашук. Ме, колöкжö, сийөн и öшли!

Öти ныв. Пөръясьö, Ваньö!.. Ми вичко бöрын сикöтшасим.

Ваньö. Ме сьылöмсö öшинь пырыс кывли. Дякөн буксö. Пөнöмар назгö. А Степан поплөн гөлöсыс потöма. Со кутшöм! (*Гудöклысь öти кизь личкöмөн шысетö. Серам.*)

Öти ныв (*серамөн Ваньöлы*). Грекö вöйтысь!

Мөд зон. Потас öд. Пиыслысь сьöмсö гусялисны да неуна абу йöймöма.

Öти ныв. Попаддя, коньөр, дзикöдз вижöдöма. Платтö пиас оз вöли төр, а öни сы вылын паськöмыс пу тув йылын моз öшалö. (*Серам.*)

Коймөд зон. Бөр гөссияс. Öни батюшко пыртчöмысь да покойникъясöс сьылöдöмысь кык дон кульö.

Öти ныв (*ышловзьö*). Опонь Öндрей Павел кутшöм зон вöли, а вот сьöм вылад ыштöма.

Модзон. Палалей пö суклялöма.

Сашук. Палалей абу тяльö вома.

Ваньö. Сашук дорйö Палалейöс. Озö-ö тэнö корав?

Сашук. Восодас! (Серам.)

Модныв (серамön). Палалей кө кывлас, Сашук, гаж тэныд петкөдлас!

Сашук. А мый мекöд вöчас?

Модныв. Помеч вылас оз сибöд.

Сашук. Зэв тай!

Модзон. Ваньö, поп пилön кө сьöмыс тэ ордö веськалі, мый эськö вöчин?

Оти зон. Ваньö эськö губернаторö пуксис.

Ваньö. Садь юрön ме ог... Ме эськö венка пыдди немецкöй строя гудök ньöби. Тяняс ёнджыка гажöді.

Сашук. Гажöдысь ветлан! Рушмöm зон.

Ваньö. Артельön тай вöтлысянныд.

Модзон. Ваньö, петыр-павел лун кузя тэнад губернатораланыд эм?

Ваньö. Абу. Сьöмöй оз вичмы.

Модзон. Оні на воин пур кылöданінысь. Быринин?

Ваньö. Менам зептöй розя. Сьöмыд оз öшйы. Оти пельöсö цар юра гöгыль крукасьöма вöлі, да мамö, трасичаыд, босьтис. Мед, меным абу жаль. Царлысь голясö быттьö ныж пуртön тильöмаöсь да яйыс сырйön öшалö.

Коймодзон (өлöдан шыön). Ваньö! Лишнöй эн сёрнит. Со Опонь Öндрей Павелкөд мый вöчисны.

Модзон. Кутшöмкө гуся гижöдъяс Павеллысь аддзöмаöсь.

Отиныв. Пондас тай Павел гижöдъясön ноксьыны. Сэтшöм мича, авъя да рам зон!

Модныв (ышловзё). Сыльнöйяскöд волысьöмыд бурö оз вайöд.

Ваньö (моднывлы). Уна тай тэ тöдан!

Сашук. Аддзöмаöсь сёрни. Тырмас Павелöс пожъявны!.. Нывъяс-зонъяс, вайö ва дорö лэччамöй! Сэні му, отыс паськыдджык. Ванюк, чеччы, мунам!

Ваньö. Ме вылö жö усин!

Сашук. Уси, уси, сёшайтöй!..

Ваньö. Оні на рушмöm зонмön эльтін.

Сашук. Радейтӧм кузя, Ванюш. Вай кутыштла.
(Дурӧмӧн кутлӧ.)

Ваньӧ. Кутыштлӧмнад сьӧлӧмӧй оз бурмы. Вай олав!

Сашук. Чайтан, пола? Губернатор Ваньӧос олавны! (Ылісянь нюжӧдчӧмӧн окалӧ.) Парйӧй оз сыв! (Матыстчӧмӧн кутлӧ да окалӧ.) На тэныд! Сьӧлӧмыд бурмис?.. Ванюк, ворсышт:

Ваньӧ. Сбылан?

Сашук. Сыла, сыла, донтӧм мусукӧй!
(Серам.)

Ваньӧ ворсӧ, Сашук сьӧлӧ частушкаяс.

Ой, гудӧкӧй, ой гудӧкӧй,
Жугыльмӧдін сьӧлӧмӧс.
Думайті, мый зонмыс прамӧй,
Ылӧдчысьбн вӧлӧма.
Ме кӧ эськӧ крусталь вӧлі,
Уси дай и жугалі.
Ме кӧ эськӧ мича вӧлі,
Мусуккӧд и пукалі.
Ой, милӧйӧй, кузь тушаӧй,
Вӧрса коз пуысь на кузь,
Ме кӧ кок чунь йылӧ сувта,
Тэӧ олавны ог судз.
Пес чипас дорын сулалім,
Сёрнитім да окасим.
Пес чипас юр вылӧ киссис —
Радейтчӧмным помасис.

Сашук. Ваньӧ, вай кадрилль кӧтыштам!

Ваньӧ ворсӧ, ныв-зон йӧктӧны кадрилль, сэсся вильшасиг да серамӧн мунӧны.

Недыр мысти локтӧ Анна, гӧлиник вӧччӧм платтьӧа, кӧтіа.
Пуксьӧ пос тшупӧд вылас. Локтӧ Катя, киас ноптор.
Катя сёрнитӧ грубӧя.

Анна. Катя, Павелсяньыд юӧр абу?

Катя (скӧра). Абу!.. Со мамӧ ыстис гӧстинеч:
Семӧ Ёгор гӧтыр пӧ висьӧ да, гашкӧ, эз пӧжась...
Сэсся со тугъя кампет мӧдӧдіс. Кагаыдлы нёнявны.
Рудзӧг няня рузумтӧ чурскӧм дорысь бурджык.

Анна. Катя, ачыд пырт мамӧлы. Сылы нимкодъ лӧӧ.

Катя видзчысьӧмӧн кайӧ пӧла поскӧдыс, пыралӧ керкаас, бӧр петӧ. Сайын сьӧлӧм.

Анна. Катя, тэ ныв-зон чукӧрас он ветлы?

К а т я. Ме ог!

А н н а. Ме ог жö. Павел абу сәни. Кöни бара öни сийö?

К а т я. Волы миянö. Петыр-павел лун кузя, гашкö, мамö самöвар сувтöдлас. Талун Павеллөн нимлун. Мамö шуö: кызь арöс пö тыри...

А н н а (бөрддзö). Нимлун!

К а т я. Волы! Мамö динö сьөлöмтö йитан. (Мунö.)
Локтö Палалей, вöччöм лöz сатин дөрöма. Вель дыр видзöдö
А н н а вылö.

П а л а л е й. Анна, мыйкö пыр юртö öшöдöмыд!
Талун петыр-павел лун. Гажöдчыны колö.

А н н а зывökөн видзöдлö Палалей вылö, öдийö мунö. Палалей лög, зумыш, пукалö кильчö пос помын. Локтö
С е м ö Ёгор, гоҗся лöz дукöса, чера.

П а л а л е й. Петыр-павел лунö уджалан? Енмыс
накажитас.

Ё г о р. Нинöм вылö празничайтнысö миянлы. Кильчö поскöй со киссьöма. Гөрбыльяс лöсавны ветлi.

П а л а л е й. Он куж тэ овнысö, Ёгор!.. Мыйла быд во шувъялан заводъясö?.. Ёгор, тэ таво меным видзтö бара пуктышт. Мöс вадйысь. Дас додюла видз.

Ё г о р (зумыша). Лоö, дерт. Быть öд!

П а л а л е й. Тэнад вот вöлыд абу. Ме инö ассьым сетла. Кузь видз вывсьыд юръястö потшкөн ас вылад он ваяв. Пуктысьöмсьыд пуд пызь сета. Но инö, бура кö ытшкан-куртан, вит пунт содта... Пöлинö, тэ öд меным уджйöза нин. Қор водзöстö мынтан?

Ё г о р (крута). Илля лун бöрын перйысь да первойя рынышысь сета.

П а л а л е й (серамön). Тэнад сюыд öти рыныш овлö. Асьныд мый кутанныд сёйны?.. Но да талун, петыр-павел кузя та йылысь огö гаралöй... Ёгор, ме тэ динö мöд могөн локтi. Ыджыд могөн. Ёгор!..
Хм, хм!

Ё г о р. Кутшöм мог? Шуи тай, мися, видзтö пукта. (Пырö керкаас.)

Локтö Морозов.

Морозов. Здорово, Палалей Зосимович!

Палалей. Чолөм!.. Григорий Демидович! Тэ уна кар-сикт кост туй талаявлин. Морт бывалöй. Отсав öтиторйөн. Ме гöтырпу корся. Отсав коравны.

Морозов. Кодöс?

Палалей. Семö Ёгор Аннаöс.

Морозов. Анна менсьым кывзас?

Палалей. Тэ ськөд эн и сёрнит. Нинөмла кывтö весьшөрö песны. Тэ батыскөд сёрнит. Бать шуас, и ставыс!

Морозов. А Анналөн Павелыс?

Палалей. Киссьөм ватö Анна оз курав. Сэсся öд, Григорий Демидович, том ныв — том ныв и эм! Сылөн мывкыдыс — гырысь синма пож. Став Павелыс регыдөн пожнассияс!.. Павеллөн олöмыс эштöма. Поп пилөн сьöмыс воши? Воши. Коді кө босьтис? Босьтис. Кодöс кө колö судитны? Колö. Кызди нö позьö судиттөг энотчыны! Öд сьöm... сьöm воши!.. Да мый виччысян бурсö Павеллысь! Кор царлы паныд пеж гижөдъясөн ноксьö. Яндысьтөм син, ен джаджъяс, вөлөмкө, видзö. Царлы паныд! Сыысь колö... сө чептö кияссö и кожъяссö дорны!

Морозов. Палалей Зосимович, висьтав тэ меным, мыйла тэ царöс доръян?

Палалей. Кызди нö, Григорий Демидович! (Пернапасасьö.) Свят, свят, свят!

Морозов (ныдисянь ышловзьö). Да-а-а.

Кост.

Палалей. Кызди-мый, Григорий Демидович? Вермам коравны Аннаöс? Ёгорлысь көсси юавны, да эз кывзы.

Морозов. Тэ чайтан, Анна тэнö кутас радейтны?.. (Палалей сералö.) Мый тэ сералан?

Палалей. Радейтöмьд — сийö немуджтöмъяслы. А меным уджалысь колö. Уджалысь гöтыр. Анна сы вылö шогмас. Сийö ён, мунö да став сөнъясыс ворсöны. Уджавны кутас. А ме юр вемөн бергöдла. Анналөн — ки, менам — юр!

Морозов. Радейтөм, Палалей Зосимович, радейтөм колö.

Палалей. Ме көсья мортö пөрны! Мед быдöи ме водзын шапканысö пөрчöны. Нывбабаяс мед коскөдзныс копрасьöны. Гөрба Палалей пыдди ме лоа

Палалей Зосимович! Со кӧні радейтӧмыс, Григорий Демидович!

Морозов. Коми пармаын выль Крез!

Палалей. Гӧгӧрвотӧм кывъясӧн тэ сёрнитан, Григорий Демидович! Ме абу учен сы вылӧ... Лок, ветлам ме ордӧ. Петыр-павел лун кузя румка-мӧд сысьялам. (Мунӧны.)

Петӧ керкасыс Ёгор, пуксьӧ пос тшупӧд вылас, кучысьӧ юрас. Ӧдзӧс нӧжйӧ воссьӧ, петӧ Марья, кузь мисьтӧм дукӧса, кӧмтӧм, чышъянтӧм, быгалӧм чужӧма, синъясыс вӧйӧмаӧсь. Сувтӧ кильчӧ вылас, кучысьӧ ӧдзӧс куричас.

Марья. Ёгор!.. Ёгор!.. Эн шогсьы. Ме регыд бурда. Ме ӧні паччӧр вылын ӧна пӧсялі. Дӧрӧммыгӧй брӧд ва, пыдзравмӧн. Биависьӧмнад кӧ пӧ пӧсявлан, бурдӧмланыӧ пӧ сійӧ... Ёгорушка! Ме талун зэв бур вӧт вӧталі. Быттӧ ме муна видз вывті. Ставыс дзоридзӧн тырӧма, синтӧ ӧрӧ... Видз помас, сись кодь веськыд кыз пу улын тэ пукалан. Пызан сайын. Лӧз сатин дӧрӧма. Тугъя вӧньӧн вӧнясьӧмыд,—венеч улын сэтшӧмыс эз вӧвлы. Пызан вылын шаньгаяс — дзонь блюд тыр. Нянь кудйын пирӧгъяс, вийӧн сука мавтӧма. Ыджыд бекарын яя шыд руалӧ. Кринчаын чукъя шомйӧв, вылысас нӧкйыс быттӧ еджыд рочнойысь шебрас. Тэ зэв весел, горзан: «Марья, пуксьы орччӧн. Пируйтам!..» Сэні жӧ, дзик пызан дорас, йирсьӧ мяян Гӧрданьным. Сідзи вӧтӧн. А вемӧсӧн картаным тыртӧммис. Сэсся со Анна мыйысь кӧ шогсьӧ, сьӧда-сьӧд ветлӧ. (Шутов-шатовмунӧ.) Юрӧй бергӧдчис.

Ёгор (меліа). Марья, мун вод. Потан дорад матӧджык, мед судзан Кольӧтӧ качайтны.

Марья. Ёгор, эн пов. Ог на ме кув. Кызкӧмыйкӧ олӧмад каттыся. Челядьтӧ колӧ быдтыны, посниысь-посни дзонь куим душ. Ог эшты на кувнысӧ. (Пырӧ.)

Сайын шум, гӧлӧсьяс: «Ой, нуӧны!» Кылӧ кандалы шы, Ёгор дрӧгмунӧ, сувтӧ, зэв зумышӧн сулалӧ.

Нӧжйӧ петӧ Павел, арестант паськӧма, коксӧ дорӧмаӧсь, омӧльтчӧма, тошсялӧма. Сы бӧрысь локтӧны кык конвоир, винтовкаясӧн.

Павел бӧрся вӧтчӧны йӧз. Павел сувтӧ.

Конвоир. Восьлав водзӧ!

Павел. Медбӧръяыс аслам сикт вылӧ видзӧдла.

Йӱз костын сѣрни:

— Со ӱд сьӱмтӱ зепталӱмьд мыйӱдз вайӱдӱ!

— Кутшӱм прамӱй зон эськӱ вӱлӱ да!

Егор крута локтӱ Павел дӱнӱ.

Павел. Егор, висьтав Аннаыдлы. Батьӱлы тшӱтш. Ме некутшӱм...

Егор. Сьӱм йывсьыд? Эк! (*Воськовтӱ. Сувтлӱ. Заводитлӱ кайны кильчӱ поскӱдыс, бергӱдчӱ, юрсӱ лӱдзӱмӱн сулалӱ.*)

ӱдӱй локтӱ попаддя.

Попаддя. Вӱр!.. Пиӱс рӱзӱритӱн!.. (*Коран шыӱн.*) Павел, дитяӱй! Жалитышт менӱ. Он ӱмӱй аддзы, мый вуйӱдз вои: кок йылын косьми... Висьтав, кытчӱ Степан Степановичлысь сьӱмсӱ дзебин? Отеч Степан вичко шӱрын молибен сылас, мед ен сетас тӱныд бур туй.

Егор (*скӱра*). Матушка, тӱ ланьт! Тӱтӱг нин сьӱлӱм вылын сьӱкыд из ӱшалӱ.

Попаддя (*Егорлы*). Тӱ эн суитчы!.. (*Коран шыӱн.*) Павел!.. (*Аддзӱ Павеллысь скӱр чужӱмсӱ.*) Мисьтӱм чужӱм!.. Мед згинитан!.. (*Бӱрддзӱ, мунӱ.*)

Тӱрыба локтӱ Татьяна, киас ноп.

Татьяна (*аддзӱ Павелӱс, повзью, шатовмунӱ, нопйыс усьӱ*). Дорӱмаӱсь!.. (*Пуксьӱ-усьӱ кильчӱ нос вылӱ.*)

Павел. Мамӱ!

Ыджыд кост.

Котӱрӱн сорӱн локтӱ Анна, уськӱдчӱ Павеллы морӱс вылас. Сутш мысти локтӱ Палалей.

Анна. Павел! (*Сыркъялӱ.*)

Павел. Анна!..

Палалей (*аслыс*). ӱ-ӱ ньювсьӱны!.. (*Локтӱ Павел дӱнӱ, улӱдз копыртчылӱ.*) Павел, прӱщайтлы! Кузь туйӱ мӱдӱн?

Павел уськӱдчӱ Палалей вылӱ, кандалыяс зӱлькнитӱны. Палалей повзью, бӱрыньчӱ.

Конвоир (*потийӱ Павелӱс винтовканас*). Но, но! Палалей мунӱ. ӱдӱй локтӱ Лиза, уськӱдчӱ Павел дӱнӱ.

Лиза (*нора*). Ой, Павел, мый тайӱ кокъясад?.. Тошсялӱмьд.

Павел (*зэв мелиа*). Лизук, кōні батьыд?

Лиза. Видз вылō муніс. Видзōдлыны, позьō оз ытшкыны.

Павел. Аддзōдлыны батьōс колі. А Катя кōні?

Лиза. Ог тōд. Павел, Катьō мыйкō отарō скōралō.

Павел. Оз Катя, а олōмыс скōралō. Лизук, тэ тōдан Соловьѣв дядьōс?

Лиза. Тэ ордō тай волевліс. Пыр нюмъялан чужōма.

Павел. Тэ, Лизук, ветлы сы дінō пōчинōкас, висътав мясянь поклон, ыджыдōс-ыджыдōс.

Лиза. А тэ кытчō, Павел? Мунан гортō. Зэв гажтōм тэтōг.

Павел. Эн вунōд воктō. (*Копыртчылō йōзлы*). Прōщайтлōй, бур йōз, лѣкōн энō казътылōй.

Йōз пōвстын:

— Прōщай, Павел!

— Бур туй тэныд, Павел!

Павел мōдōдчō мунны.

Лиза (*бōрддзō*). Павел, тэ кытчō мунан?

Анна (*нораа*). Павел!

Татьяна уськōдчō, ошйō Павеллы сьыліас.

Павел. Мамō!.. (*Ыджыд кост. Бурōдō*.) Мамō, эн бōрд!

Котōрōн пырō урадник, сы бōрысь Палалей.

Урадник (*саблясō лэптōма*). Зарублю-у-у!

Йōз повзьōны, бōрыньтчōны.

Урадник (*аддзō конвоиръясōс, лōньбō, суйō саблясō пуртōсас*). Нуōй!

Конвоир (*сетō честь урадниклы. Павеллы*).
Восьлав!

ōдйō локтō Ваньō, мышкас гудок.

Ваньō. Здорово, Павел! (*Кутлō*.)

Павел (*нюммунō*). Чолōм, Ваньō!

Конвоир. Эй тэ, зон, вешйы арестант дīнысь!

Ваньō. Тэныд арестант, а меным друг. Первойя друг! А другōс кутлыны законьд лэдзō. (*Павеллы*.)
Кутшōма тэнō вōччōдōмаōсь. Губернаторъясид полōны. Мыйта гōснечалісны?

Павел. Вит во. Арестантскöй ротаö.

Ваньö. Нинöм, Павел! Эн шогсыы. Тюрмаын йöз жö.

Конвоир. Арестант, енмогысьöн, мун! Менö мыждасны.

Ваньö. Тэ, салдат, тани эн командуйт! Павелöс ме колльöда. Павел, ми венкакöд чепгьясыдлысь зельгöмсö вевттям. Венка, долыдджыка ворс!

Ваньö ворсö марш, муно Павелкöд орччöдчöмөн, на бöрысь муноны йöз, конвоиргьяс йöз пöвстын, саялöны.

Анна (*горöдö*). Павел!.. (*Уськöдчö Павел бöрся, муно.*)

Татьяна сулалö шöйöвошöмөн, сэсся тэрыба муно.

Лиза (*гораа бöрддзö*). Павел! (*Муно.*)

Сайын кылö гудöкөн ворсөм да кандалы шы, öтарö ылысмöны.

Ёгор (*выныштчöмөн шыбитö шапкасö кок улас*). Олём!

Урадник. Ёгор, мый пузин?.. Чижевкаясь гажтöмчин?

Ёгор. Пуксьöд! Öткодь нин! Став вöльнöй светыс чижовка! Став олöмыс — тюрма!

Палалей. Тэ, Ёгор, эн ярав!.. Висьтав, кор водзöстö мынтан?..

Ёгор (*шыбитö киссьöм лöз дукöссö*). На, босьт! Тырт горштö!.. На, ачымöс вундав посни пельö. Нёняв вирöс!

Петö Мария кильчö вылас.

Марья. Ёгор, мый горзан? Кольötö садьмöдин, бöрдö. (*Аддзö урадникöс.*) Ой, урадник! (*Кутчысьö öдзöс куричас.*)

Локтö Опонь Öндрей. Сийö вöччöм дөрöма. Шог чужöма.

Локтö Палалей динö, кучкö сылы чужöмас.

Палалей шутов-шатовмуно, ружöктö. Урадник перйö саблясö.

Ёгор. Идрав саблятö!.. Чегьяла!

Марья (*ёна повзьöма*). Ёгор!

Ёгор (*зырсьö урадник вылö*). На, керав! Мый он керав? Тян кыин ставыс!

Урадник (*бöрыньтчö*). Бунт! Бунт!..

Ёгор. На, арестуйт! Пуксьод!.. (Крута бергөдчө да мунө.)

Урадник збоя лэптө саблясө, мунө Ёгор бөрся, ськөд мунө Палалей.

Ондрей кулаксө лэптөмөн вөтчө на бөрся. Марья шливө-пуксьө кильчө вылас, гөгөрвотөм синъясөн видзөдө ас водзас.

Занавес.

КОЙМОД ДЕЙСТВИЕ

Му бор. Боръяс кыз пожом пу. Му вылын вундом сю кольтаяс. Ылын сулалоны чумалияс. Шуйгавылас сю повстти туй сикт-сянь. Веськыдвылын мича кыз рас.

Пожом улын О н д р е й, Т а т ь я н а, К а т я да Л и з а пажнайтоны, панясыоны тусысь.

Сиктладорсянь сю повстти локтоны Палалей (вонь костас чер), В а н ь о (мышкас гудок, чарлаа).

Т а т ь я н а. Палалей, лок пажнайтам... Катю, вешышт!

Палалей. Ме дзен-дзен гортын сейи. Пот.

В а н ь о (*пуксьо чукоро*). Таттян тыот, вай пань-то! (*Азыма панясыо*.) Лизук, ойоджык быдмы. Ме тэно готыро босьта.

Л и з а. Мун сатысь! (*Борддзо*.) Ме ог мун тэ сайо.

Т а т ь я н а (*Лизалы*). Йююк, Ваню од шмонито!

Палалей. Ваню, тэ мун, заводит вуцдыны. Ад-дзан мусо. Чуля Настаяс сэнось.

В а н ь о ещю панясышты, сэсся муно веськыдвыло.

О н д р е й. Палалей, тэ тай дзикодз мено конья-лан. Медбур муос аслад потшоc сайо босьтин.

Палалей. Ме аснаукаон эг воч. Ставыс закон серти. Сюто тай со эг босьт. Вунды, ен тэкод. Чумалиясто кыскалан да волисти мусо гора. Мися тай, ставыс закон серти.

О н д р е й. Закон серти ко, меным мый коли?

Палалей. Аскерас муыд эм. Сийос тэнсыд не-код оз босьт. Закон оз тшокты.

Т а т ь я н а. Аскерас муным сердын. Быд во-няныс кымю.

Палалей. Тырмас тияцлы. Лека этша сейысыд коли.

Ондрей. Ме мый кута муястӧгыс вӧчны?

Палалей. Уджыд сюрӧ, Ондрей. Арнас по-
зьӧ, шуам, вӧравны мунны. Пищальыд бур, Павелыд-
лӧн. Дрӧб-пороктӧ ме сета.

Ондрей. А горт гӧгӧр кодӧ бергӧдас? Керка
тшупны заводитӧ.

Палалей. Катъӧыд уджалас. Со кутшӧм
ялавич!

Катя. Тьфу, гӧрба чӧрт!

Палалей. Век гӧрбӧс кыскаланнӧ. Коркӧ ко-
равлі нывтӧ, энӧ сетӧй. Эг туй,— гӧрба пӧ! А ӧнӧ
мый артмис Катъӧсьыд? Тӧ, гӧрбтӧмъяс, мыйӧ воин-
ныд? (Мунӧ.)

Ондрей (чеччӧ, босьтӧ чарла. Катялы). Мый
пасьвидзан сӧнӧ?! Тэ вӧсна тайӧ ставыс. Юръяндзим!

Ставныс чеччӧны, мунӧны чарлаясӧн.
Локтӧ Анна. Перӧ питшӧгсьыс письмӧ.

Анна. Павелсянь письмӧ. (Видлалӧ конвертсӧ
бергӧдлӧмӧн.) Мусаӧй менам!

Локтӧ Катя.

Анна. Катя, письмӧ Павелсянь. На, лыдды.

Катя. Ме ог куж, Анна.

Анна. Аттӧ, кодӧ нӧ лыддяс? Катя, тэ каръясад
эн вела в лыддысьнытӧ?

Катя. Анна, тэ менӧ гӧгӧрвоан, висътася кӧ? Гӧ-
гӧрвоан. Тэ ӧд ныв рӧд жӧ. Ме слугаавлі ӧти озыр
барин ордын. Бура зильлі, сьӧлӧмсянь. Сылӧн вӧлі
пи, гимназист. Вӧтлысьӧ, воськов оз сет меным
вӧчны. Ме дыр пышъялі. А сӧсся... Сӧсся чужи ме-
нам кага. Сӧйӧс, дитяӧс, кӧзьяева пӧдтисны. Менӧ вӧт-
лісны. Воськалі ме... (Зывӧка.) Войся удж. Чинов-
никъяс. Купечьяс. Офицеръяс... Меысь вӧчисны кийсь
киӧ ветлан ветӧк... Ме сӧки став вӧльнӧй свет вылас
кутӧ лӧгавны. Ставсӧ ме мустӧмта!.. Мустӧмта!.. Ок,
Анна, кутшӧма ме быдӧнӧс мустӧмта!.. Ме дась бы-
дӧнлы кутчысьны горшас... да джагӧдны. Ха-ха-ха!

Анна (повзьӧмӧн). Катя, мый тэ лоин?!

Катя. А тэ мый радлан Павел письмӧ вылӧ?

Анна. Ме радейта, Катя!.. Радейта Павелӧс!
Радейта!

Катя. Некутшӧм радейтӧм абу!.. Эн эскы, Анна,

некодлы!.. Радейтөм му вылын абу!.. Ха-ха-ха!.. Ох, абу! (*Бөрөддзө, мунө.*)

Анна. Радейта, Павел!.. Менам мусаёй! (*Конверт вылас видзөддө.*) Мый бара гижан?..

Локтө Палалей.

Палалей. Кутшөм кабала, Анна, киад?

Анна. Павелсянь письмө.

Палалей. Но, со тай!.. Вай, колөкө, лыддя.

Анна (*көсйө сетны, видзөдлө Палалей вылө. повзьө*). Ог сет тэныд, Палалей!

Палалей. Кужа өд. Коді сэсся тэныд лыддяс? Писар динө кө мунан, вый ковмас нуны. Поп Ольга Павелсяньыд оз лыдды.

Анна. Ог сет, Палалей! Ог сет ме тэныд!

Палалей (*быттьө веськодя*). Он кө и олас.

Анна көсйө письмөсө питшөгас суйны. Палалей звирк чечыштө, песовтө Анналысь кисө. Анна водзсась: «Ог сет!»

Палалей мырддө письмөсө.

Анна. Вай, Палалей!

Палалей. Час, лыддям да.

Анна (*скорысь*). Но, лыдды инө!

Палалей. Тани огө лыддөй. Тэ весьөпöран, вундынытө он кут вермыны..

Анна (*корөмөн*). Палалей, лыдды.

Палалей. Рытнас волы гортө.

Анна. Абу өмөй ме тэныд жаль, көть öти войг мында!

Палалей. А тэ, чайтан, бурөс гижө тэныд тюремщикыд? Виччысь! Тэ, Анна, сылы он нин ков. Ныв юртө босьтис-а, мый сэсся тэысь!

Анна. Яндысь, Палалей!

Палалей. Павелсьыд яндыся!.. Вöрысь. Да пеж гижөдгьясөн ноксысьсө!

Анна. Тэ ачыл суклялан, Палалей. Павел абу сэтшөм. (*Локтө Палалей дорө.*) Вай письмөсө!

Палалей (*бöрынтьчигтырйи суйө письмөсө зептас, зэв лёкысь*). Эн матысмы! Виа!

Анна. Ёра ме тэнө, Палалей!..

Палалей (*повзьө*). Эн лысьт!.. Эн лысьт ёрны!

Анна. Ёра! (*Сыркъялөмөн бөрдиг мунө.*)

Палалей (*пöсьсө чышкалө, сэсся косялө кон-*

вертсö, лыддьыштö ас кежас). Тані нинöм абу, поклонъяс кындзи. (*Лыддьö.*) «Анна Егоровна, юöрта тэныд, кызди ме вылö гөрба Палалей көвъяліс сьом гусялöм. Суд менсьым эз кывзы, эскис Палалейлы, сэсса поп пины: ме пö гусялі да гуалі вөр діö. Ещö содта, кызди гөрба Палалей босьтöма гижöдъяс, кодъясöс меным сетліс Соловьев дядь,— да явитöма. Ещö на юöрта, Анна Егоровна, менö эн вунöд, а ме тэнö ог жö вунöд. Вола кө гортö...» (*Водзö лыддьö вомгорулас, лёкысь серöктö, скöрысь косявлö письмöсö посни пельö, көсйö шыбитны, но суйö питшöгас, мунö.*)

Рыт. Локтöны Ваньö да кум нывбаба. Оти нывбабас — Сашук, öні сійö ичмонь.

Сашук (*мудзöм шыөн*). Ваньö, вай гудöкнад гажöдышт.

Ваньö. Мудзи ме талун.

Сашук. Ок, олöм миян, бабаяслөн! Век öткөн ов. Муні верöс сайö, а Мишö пыр туйын ветлö. Семö Егор Анна ме дорысь шудаджык. Сійö көть эз мунлы Павел сайö.

Öти нывбаба. Мый вежалан? Мед эн чечышт дай.

Сашук. Мишөлөн мамыс кувсис. Öтнасөн коли, мөссö лысьтыштны некодлы. Ме мусук сылөн вöлі. Он öд энөвт... А öні со том кадөн дöва моз лоö овны. Гортад локтан, да скөнъ некод абу.

Мöд нывбаба. Ваньö, Палалейкöд мед көть тэ сёрнитлін. Оз-ö вундöмысь пызьтор сетышт. Кötны нинöм. А вартöмöдз кутшöм на ылын.

Ваньö. Ме корлі нин. Мамö тшöктіс да. Оз сет трустыд! Ставсö пö вунданныд да вöлисти.

Мöд нывбаба. Ок, кор на вундыссяс сылөн. Синмыдлы повзьымөн мында.

Ваньö. Нинöм, бобöй! Синмыд повзьö, а кыд вöчас.

Öти нывбаба. Мунамöй, бабаяс! Со шондыс пуксян выйын. Палалейным, көнкö, важөн вольпась вылас червидзö.

Ваньö. Он на босьт! Первой кытшовтас ставсö, видзöдлас, мыйта вундім. Корсьыеяс, эгö-ö шепъяссö

колялõй. Лыддяс, кымын чумали сувтõдiм. Да дас
õти кольтаõн-õ.

Мõдõдчõны мунны.

С а ш у к. Ваньõ, тэ эн лок миянкõд. Гача ветлан!
Бабаяскõд Палалейлы вундан, бурджык нажõтка
оз сюр.

В а н ь õ (бергõдчõ). Коланторьяс!

Нывбабаяс мунõны.

Ваньõ пуксьõ да тэрмасьтõг перйõ кõшõль, гартõ чигарка.
Локтõ Морозов, наберушкаа, беддясьõ ас вõчõм сера бед-
дõн, пуксьõ бокõ Ваньõысь.

В а н ь õ (оз видзõд Морозов вылõ). Век гоб во-
тан? Õти наберушкаõн. Пестертõ дыш новлõдлыны.

Морозов. Меным тырмас и наберушкаыс. А тэ
Палалей другыдлы уна суслан вундiн? Кывзы, Ва-
ньõ,— мыйла тэ аслыд овмõс он лõсьõд? Мõс ни вõв.
Гõтыр ни пõдруга. Керка ни карта.

В а н ь õ. Менам керкаõй двореч кодь. Стын ни
сарай. Кильчõ ни посводз. Ывла вывсянь веськыда
дворечõ пыра, губернатор моз.

Морозов. Ваньõ, меным Ольга висьталiс: тэ
пõ гõтыртõ йирõ вõйтõмыд?

В а н ь õ. Но, мый сэсся?

Морозов. Õни сõвесьтыд мучитõ?

В а н ь õ. Мучитõ!.. Ена мучитõ, Григорий Деми-
дович!.. Миян сикт пыр ветлывлiс вõрõ сортовка
лэдзысь дõвереннõй. Сийõс колльõдны õтчыд ме мõ-
дõдi ассьым Дарьяõс. Аслам вõлõн. Дарья, том ич-
монь, озкодь мун вõлi да ме горõдi сы вылõ. А во-
дзõ мый лои?.. Дарья тшõктõма висьтавыны: пежалiс
пõ менõ, муса Ваньõ, бариныд. Менõ пõ эн грекуйт.
Ачыс рыõ шыбитчис. А сиктын йõз ме вылõ гõтырõс
виысь слава лэптiсны. Озыртõ оз лысьтны мыжав-
ны... Мыйла ме сэки дõвереннõйсõ эг ви?! Со мый
менõ мучитõ!

Морозов. Виин кõ, тюрмаõ пырин.

В а н ь õ. Сы пыдди эськõ сьлõмõй местаын вõлi.
Со тай Павел... Да сийõ ачыс мыжа.

Морозов. Тэ сьõм йылысь шуаң?

В а н ь õ. Ог. Павел эз босьт. А кодi гусялiс, мы-
йõн тõдан? Ки-коксõ абу кольõма... Ме Павелõс мы-
жала, мыйла сийõ гуся гижõдъяссõ видзис ен
дждажъяс, сэтшõм тыдалана местаын.

Морозов. А мыйла колö вöлі тiян Соловьёв-ныдлы сетны Павеллы гижöдъяссö? Сийö тöдiс, сюран кö властьлы, мыждасны. Эсдек. Большевик. «Рабочöй класс»... «Революция вöчас!» Со тай вöчис. Витöд воын! Не кö найö, большевикъяс...

Ваньö. А тэ ачyd кодi? Ачyd!

Морозов. Ме? Ме, Ваньö, вöвлi... социалист-революционер. Öнi эновтчи политикакыс. Да, эновтчи! Нинöм миян оз артмы. Виччыся öтиöс — срок помасьöм. А кытчö ме сэки муна? Ок, Ваньö, Ваньö!

Ваньö (дöзмö). Мый Ваньö да Ваньö!.. Вытыд быри? (Мунö.)

Морозов зумыша пукалö.

Локтö Анна, пельпом вылас чарла, думыштчöма, друг адзö Морозовöс, дрöгмунö.

Анна. Ой, повзьöдiн, Григорöй дядь. (Нюмунö.)

Морозов. Анна, вöлисти вунданiнсянь?

Анна. Важөн вундыссис. Уна и миян вундан. Кольтаяссö порсьö чукöртi да чумалиавнысö лысва усьöм виччыси. Мед сюис оз киссьы.

Морозов. Шойчышт. Павелсяньыд мый кывсьö?

Анна. Письмö воис.

Морозов. Мый гижö?

Анна. Эз на некод лыдды... Палалей мырддис.

Морозов. Кыдзи лысьтiс йöзлысь письмö мырддыны?!

Анна. Григорöй дядь, тэ велöдчöм морт, мыйла кивыль эн кер, мед Павелöс дорйыны? Мыйла он корсь правдасö? Абу вөр менам Павелöй!

Морозов пыдiсянь ышловзьö.

Анна бöрддзö, мунö. Морозов сутш мысти мунö Анна бöрся. Сцена вылын рöмдö. Петö тöлысь. Локтö Палалей.

Палалей. Воймыны кути. Бур кöть — тöлыся. Кутшöм лөнъ гөгөр: быдөн цельын чунгö. Мед бара оз жö каститчы. Ме пола. «Эн пö, Анна Егоровна, менö вунöd... Воа пö гортö»... Эштöма локтöмъясыд!.. Сьöмыд инö мед. А гуся гижöдъясыд тэнад сюрины? Сюрины. Кытчö воштысян, кор царь-батюшка вылö видзöдчан кавшасьны? Мый корсин, сийö и сюри!.. А Аннаыс, Аннаыс! Ера пö... Оз имит! Том на ёр-

нытö!.. (Перйö зепсьыс нитш ёкмьль, разьö, нитшсö шыблалö, тыдовтчö Зыковлөн портманет, пöльыштö сы вылысь нитш ёгсö, дукуштö.) Нитш дука... Туплясьö вöлі туй бокин, сук турун пövстын. Корси — сюри... Йöйыд, öнöдз нитш пиö гуалöмөн видзи. Полан öд. Йöзасьöмысь поли. Вөр славаыд абу лöсьыд, мисьтöм... Нитш пиын водзö видзны оз позь, арся зэръяс мöдасны да кöтöдас. Кöть и сямöдөн вевтылы. (Перйö портманетсьыс öти кредитка, дукалö, видлалö.) Кызь вита... (Перйö мöдöс.) Бара кызь вита... (Перйö коймöдöс. Видзöдö портманет пиас.) Адöй, адöй, мыйта!.. (Горша, тиралöмөн перъялö сьöмсö, пукталö шапкаас, питшöгас.) Сьöм!.. Сьöм!.. Мыйта сьöм!.. (Портманетсö, ректöм мыстыыс, суйö зептас, паськöдöм синъясөн видзöдö шапкаас.) Сьöм... Менам сьöм!.. Ставыс менам! (Шапкасö топöдö морöс бердас, зрыштчö черөн.) Некодлы ог сет!

З а н а в е с .

НЭЛҮӨД ДЕЙСТВИЕ

Сцена первой действиелөн. Сёр ар. Коли вит во. Скамья вылын пукалө Ваньё, мыджсьома вартан вороп вылө. Пуктө вартансө, босьтө мышкас ошалан гудөксө.

Ваньё. Но мый, венка! Кутшөма олам тэа-меа? Тэ чайтан, тэ меным дона? *(Восьтө гудөк боксө, перйө гартөм бумагаяс, кужтөма разьё, кинас шылёддө, видлалө.)* Со мыйяс меным донаось. Сы вöсна и ог янсөдчыв тэкөд!.. Тэ, венка, төдан, коді сетіс ги-жөдьяссө. Тэ — свидетель. Соловьёв сетіс. Пөчинөкө волігөн. Кывлін мый шуис? Разөд пө, Ваньё, йөз пөвстө. Ме и разөда. Разөда, венка! А тэ отсав... Сэтшөм олөмыд, венка. Воас кад, став вөльнөй светыслы кывмөн горөдам! Со тайөс горөдам! *(Ворсө «Отречёмся от старого мира».)* Айда, Ягвывса Ваньё, артмө! *(Бумагаяссө бөр суйө гудөк пышкас. Ворсө «Коробушка».)*

Локтө Анна, кыскө ыджыд мешөк.

Анна *(пельном вивсьыс чөвтө мешөксө)*. Ваньё, тэ пыр гудөкасян?

Ваньё. Мый сэсса меным? Уджала йөзлы. А аслым көть гажлунсө перйышта, сьёлөмөс чеплялышта.

Анна. Лөсьыд жө нин, Ваньё, тэныд овны!

Ваньё. Мый меным лөсьыдтөмавнысө! Ті — олөм олысьяс. А ме олөмсө жбоньөдысь.

Анна. Пыр пөслөвичаөн сёрнитан?

Ваньё. Мый мешөкад кыскан?

Анна. Жуг нуа гортө.

Ваньё. Хм, жуг! Олөмтө жугйө пөртан? А Павеллөн воан кад, вит воыс тыри. Тэ вунөдін?.. А ме эг вунөд. Павелөс эг вунөд!

Анна шоба, пыдісянь ышловзё.

Локтё Палалей, мышку вылас кыскё ыджыд нитш мешёк.
Чөвтё мешёксё.

Палалей. Уф, мудзи! Горшассёма... Пöпут-
тё, гортё мунігмоз, нитш перйим... Ваньё, мун мен-
сьым сюсё төлөд. Зырык сэні, вөрөкө сутшкөма.

Ваньё. Эштөма менам тэныд уджавны!

Палалей. Мый сідзи?.. Кывлі, заводё пö мө-
дан. Ветлы но... йöйтав. (*Ваньё босьтё вартан да
көсйö мунны.*) Эн вөрзёд менсьым вартансö!

Ваньё шыбитё вартансö, мунö.

Палалей (*пуксьö Аннакөд орчөн, дыр ви-
дзөдö сы вылө*). Анна! Мый тэ сэтшөм жугыль? Пыр
быттё мыйкө тэнад вошөма. Мый тэныд колö? Выхь
көті вурөді. Сыхьлад эзысь перна öшөді... Пызан
сайö пуксян да көрт паньөн панясян... (*Повзёмөн.*)
Анна, гашкө, тэ нөбасян? Эн лысьт! Некор öні кага-
ясөн ноксыны! Керка лэптам. Кык судта керка,
Анна! Уліас лавка. Выліас асьным кутам овны.
Öшинь куричьас лөз краскаөн мавтам... Лөскө петук
öшөдам. Бордьяссö гөрдөн краситам. Быд төврулы
нырнас кутас бергөдчыны. Дзуртыштөмөн: дзурлик,
дзурлик! Кукареку! (*Долыда сералö.*) Анна, а тэ
мича вөлөмыд. Бур гөтыр. Эг ворссы!

Анна. Палалей, вай менсьым ичөт вокөс —
Кольёос ас дінаным босьтам. Мамö кулөм бöрын
сылы зэв сёкыд.

Палалей. Выживмин тэ!

Анна. Палалей, тэ көсйысин отсавны батьöлы.

Палалей. Кор? Во сайын! Кор тэ некыдзи ме
сайö он вөлі мун?.. Важ сола вылад оз юктөд!..
Анна, тэ менсьым нитш мешөкөс тшөтш ну. Ме от
вермы. А тэ верман... Тэ öд менам гөтыр. Гөтыр!.. Со
кутшөм бура олам ми тэа-меа, слава тебе, господи!..
Ветла рыныш гор видзөдлыны, ваймис эз.

Палалей Ваньё вартанөн мунö. Анна кос синьясөн
видзөдö ас водзас. Недыр мысти локтё Ваньё.

Ваньё. Анна, век на виньгыртан? Палалейыд
сёлөмтö эз бурмөд?

Анна. Көть мед тэ, Ваньё, ме вылын эн серав.
Тэтөг нин сёлөмөй шогйла потö.

Ваньö (иронияөн). Сьöлөмыд яй, оз пот!.. Мый тэныд, Анна, шогсьынысö? Майбыр олөм! Оз öд прöста йöзыс тэ вылö вежавны: Семö Егор Анна пö ен питшöгын моз олö.

Анна. Ок, Ваньö, абу тай сын вөлöма мортыд-лөн шудыс!

Ваньö. Мыйын нö сэсся? Быдөн со озырмыны видзöдчöны. Каттысясны, каттысясны да шнөпкы-сясны-усьöны олөм пыдöсö. А тэныд мый не овны? Палалейыд оз шнөпкысь. Тэно оз эновт, мөд баба сы вылö оз ышты.

Анна. Ог вермы ме сэсся терпитны, Ваньö!

Ваньö. А кытчö воштысян?

Анна. Ох! Ен менö прöститас.

Ваньö. Ен, шуам, прöститас. Вичко тыр сисьяс öзтам да ентö пöръялам. А Палалейыд оз прöстит.

Анна босьтö кыкнан мешöксö.

Ваньö. Вай, Анна, отсышта! (*Босьтö Анна ор-дысь öти мешöксö.*)

Анна да Ваньö мунöны. Локтö Палалей, зэв долыд чужöма. Кузя да чöскыда очсалö. Локтö Семö Егор, чера.

Палалей. Лок, тесть, пуксьыв, сёрнитыштам.

Егор (*скöрысь*). Сюрö кö сёрниыс!

Палалей. Тесть, ме тэнсьыд важөн нин кöсья вöли юавны. Мый эськö тэ шуан, кора кö ме тэнсьыд керкатö. Тэнад киссьö жö-а, кöдздöдыштас да, был пельöсöд кöч пырö. Ачыд заводö мунан, челядътö тöвйыны код ордö кö сетан. А ме эськö тэнад керкаö местити ыжъясöс. Оз ло грек, тесть, шуам, Аннаыдлы приданнöй весьтö сетны.

Егор. Палалей, ме кöсья ачым тэнсьыд водзöс босьтны!

Палалей (*чуймылö, сэсся серамөн*). Ме тэнад йöртöдö эг на пырав да!

Егор. Гашкö и пыралин!

Палалей. Шуан жö тэ, тесть! Водзöс менсьым босьтны!

Локтö Катя, уджалан паськöма.

Палалей. Катя, ме талун видзöдi тэнад вартөм вылö. Тэ чапнас ёна кучкан, тусьыс шепсьыс

бура торъялө. Но ладсыс сорласян на. А квайтөнтө вартігад зэв лөсьыд шыыс... он кө сорав. Нинөм, вочасөн велалан. (*Сералө.*)

К а т я. Мый сэнi гөрдлан? Любө, тэ ордө вартны лои локны да! Гөрба чөртлы!

П а л а л е й. Бөрднысө меным нинөмла!.. Мунам теств, өбөдайтам. Мамөлы талун тшөкті шобдi нянь пөжавны.

Ё г о р. Горшө тасасяс тэнад сёяныд!

П а л а л е й. Ок, ок, ок, сьөкыд өнiя йөзлы угөдитны! Теств, думыштлы керка йывсьыд. (*Мунө.*)

К а т я. Ёгор, гөтыртөгыд сьөкыд овнытө? Тэ ассьыд Марьятө ёна радейтлин?

Ё г о р йөжгыльтчылө, ружөктө. Кост.

К а т я. Ёгор, велөд менө радейтны. Сет меным олөм!

Ё г о р. Ов!.. Коді тэнө кутө!

К а т я. Олөмсө меным игналісны. Тэ восьты меным игансө. Ёгор, велөд овны!

Ё г о р. Ме ачим велөдысьөс корся!.. Кольөм во заводын меным өти морт висьталіс: колө пө му вылысь бырөдны йөз йөртөдө уджалөм. Колө пө аслыным олөм восьтыны. А кызди сійөс вөчны? Коді лысьтас лэптыны кисө пөдтана олөмлы паныд? Эм абу свет вылас сэтшөм збой сьөлөма бур мортыс? Эм абу, Катя? (*Мунө.*)

К а т я (*шога*). Эз гөгөрво менө. Ох! (*Кост.*) Огвермы сэсса тадзи овны. Ме көсья радейтны!.. Меным колө, медым доймөм сьөлөмө пырыштіс көть ичөтик радейтөм!.. Ха-ха-ха, про-сти-тутка!.. Ха-ха-ха!.. А мый менө та вийөдзыс воштіс?.. Коді?..

Локтө урадник, киас еджыд чышьянысь ноп, сэнi төдчөны бутылкаяс.

Урадник. Катя, мыйкө нин ме талун тэнө корси. Ньөби кык пөлөс вина. Шоколад плитка ньөби. Шуөны, ті кодыс пө шоколадтө зэв радейтөны... Катя, лок көнкө тэа-меа пукалыштам. Вина юыштам. Шоколадөн верда, мед пөсьджык лоан. Мый дузгөдчин? Али идрасян паськөмнад, чайтан, абу лөсьыд? Паськөмыд нинөм, Катя! Медтыкө аслад вөлі... көсийөмыд.

К а т я. Господин урадник, а тэ верман меным олём бергөдны?

У р а д н и к. Мый колө, сийө и сета тэныд, Катя!.. Көть дас олём! (Сьылө.) «Сердце красавицы...» Кыдзи нин?.. «Как ветер мая...» Катя, эстөні, пуяс саяс кос нитш, небыд, некод оз аддзы. (Катяёс кутыштлө.)

К а т я нервнөя серөктө, кучкө урадниклы пель бокас.

У р а д н и к (пель боксө малалө). Терпитама тайос, Катя! Быдтор терпитама. Сөмын тэ эн петитчы. (Көсийө кутлыны.)

К а т я скөрысь серөктө, босьтө вартан, мунө.

У р а д н и к. Кучкис! Сэссия пышйис. Проститутка!.. (Мунө.)

Локтөны В а н ь ө да О л ь ө к с а н. Ольөксан сой пөла, омөлик шинеля. Шинельсө шевгөдөма да улиас тыдалө вушйөм салдатскөй гимнастөрка. Фуражкаа. Морөсас георгиевскөй крест. Пуксьбны, чөв олыштөны.

О л ь ө к с а н (зумыша). Мый, Ваньө, чөв олан? Мый нинөм он шу менам юалөм вылө?

В а н ь ө (мудера). Нинөм ме ог путьмы шуны, Ольөксан! Век на кужли быд юалөм вылө мыйкө да висьтавны,— кор тышкас, кор мышкас. А тэ менө, другө, джөмдөдін кө-а?

О л ь ө к с а н. Батьөс ош косявлөма. Мамө вольпась вылысь оз чеччыв. Катя!.. Менам мунигөн сэтшөм сөстөм ныв кольли, а өни!.. Павел вокөй... Тюрмаө веськавлысьыд — сийө вошөм морт.

В а н ь ө. Коді төдас!

О л ь ө к с а н (пузьө). Көсьян мекөд вензьяны?.. Тэ, Ваньө, лэдзчысьөм морт. Қокни олөмө сетчөмыд!

В а н ь ө. Ме йылысь, Ольөксан, көть мый шу. Тшак ва меным! А вот тэ висьтав, көні ачыд олөмлысь гажсө гудйин?

О л ь ө к с а н. Кутшөм али гаж!

В а н ь ө. Ме ногөн, колө кужны и лёк олөмын корсьны гажлысь кутшөмкө да сер. Сытөг, Ольөксан, олөмад виньдан.

О л ь ө к с а н (петкөдлө вундөм ки вылас). Со тай виньдөдісны... Японскөй война вылын. Сы пыдди

георгиевско́й крест сетісны... Сэсса кольччи овны Сибирын. Көкъямыс во йөз ордын уджалі, мөс видзи. Локті гортө. А тані мый ме суи? Но мед ме өти киөс вошти. Сы вылө и война. А тані мыйла татшөм оломыс? Коді таысь мыжа? Коді мырддьө оломлысь сөстөм сынөдсө? Коді мыжа, Ваньө?

Ваньө. Чөвлы, Олюксан, ме ветла заводө. Көсъя важ көрсө выль пөв видлыны. Гашкө, сэні аддза Соловьёв кодь мортөс. Вөвлі тані, миян сиктын, Соловьёв. Роч йөз пиысь ачыс. Миян кодь жө. И абу миян кодь. Мусянь тэчөм морт! Оломтө бура төдө, быттө книга вылысь лыддьө. Вөлі ещө Морозов, Григорий Демидович. Да сійө нямөд! Эштіс срукыс да кытчөкө муніс.

Олюксан. Кодъяс найө сэтшөмъясыс?

Ваньө. Шыяс костын вайлісны. Сыльнөйяс.

Олюксан. Сыльнөйяс! (*Кыскө револьвер.*) Көнөсь найө?

Ваньө (*вешыштө*). Тэ көть меным эн кырсыышт. Лэдзлы заводө ветлыны. (*Олюксан дөзмөмөн мунө.*) Сыльнөйяс вылө ыстыси. Мися, мый Олюксан шуас. Венка, төдлас кө, мый тэнад гырк пытшкөсын эм, петкөдлас эскө тэа-меалы сэтшөм «отречёмся от старого мира!»

Локтөны Олюксан да Семө Егор. Сёрнитөны, пөся вензьөмөн.

Олюксан. Кутшөм йөз йөртөд тэ висьталан, Егор?

Егор. Сэтшөм жө йөз йөртөд. Йөз йөртөдө уджалөм. Озыръяслысь горшнысө тыртөм... Асьным мед тшыгьялам, кын кокъясным мед оз сывлыны!.. А тэ, Олюксан, сы дыра паськыдінъясті ветлін да нинөм эн аддзы?

Олюксан. Егор, эн во тэ ме вылө!

Егор. А мый тэ мекөд вөчан?.. Вот Павел...

Олюксан. Мый тэ меным Павелөс казътылан! Ме царөс дорйи! Православнөй...

Ваньө (*торкө*). Дорйи, Олюксан, дорйи! Видзөдан да, царыд мөд крест морөсад ляскас.

Олюксан. Тэ вөйпан царөс?

Ваньө. Ен мед видзас, Олюксан!.. Царыдлысь меддонаинсө окала... Оз кө менө восөд.

Ольксан крута бергдчө да мунө.

Егор. Пузбысь морт!

Локтоны Анна да Палалей. Палалей сувтлытөг мунө сцена вомон, бердө.

Анна (*уськөдчө Егорлы морөс вылас*). Батьö, ог вермы ме сэсся терпитны! Дона батьöй!

Егор (*мелиа*). Павелтö, Анна, гашкö, кызкө виччысьлам. Локтö нин. Телеграмма кучкөма. Татьяна висьталіс.

Анна (*любö*). Павел!

Локтö Палалей.

Палалей (*бурөн*). Анна, тэ мый кольччин? Батьыдкөд эштан на сёрнитнытö,— прөст кадö.

Анна. Ме ог мун тэкөд!

Палалей (*чуймö*). Мы-ый! (*Кватитö Аннаöс шошаöдыс.*) Ме тэ пиысь шеватö пыркөда!

Егор. Палалей! Ме син водзын менам ныв дінö кинад эн понды!

Палалей. Анна менам!.. Ме сійöс верда. Тэныд Аннатөг тырмас быдтасыд. Челядь вöчавны морт-туйыд судзсьылöма, а тшыгйөн видзан!

Егор уськөдчө Палалей вылө.

Анна (*потшö Егорöс*). Батьö, эн вөрзбөд! Горшас сёяс тэнö.

Палалей. Гöтыр, тэ мунан он рыныш дорö!

Егор. Анна, эн мун!

Анна сулалö шöйөвошöмөн, сыркъялöмөн бөрдзё да мунö. Палалей мөдөдчө Анна бөрся, сцена бокын, Егор вылө видзөдөмөн, гораа да мисьтöма сералö, мунö. Егор мөдөдчө.

Ваньö. Егор, тэ кытчö? Ме тшөтш тэкөд.

Егор да Ваньö мунöны.

Локтö Ольксан, картузтөм.

Ольксан (*пуксьö, кутчысьö юрас. Дыр пукалö*). Ок, аддза кö ме мыжасö... Аддза кö... Видзчысь сэки меысь!.. Коді мыжа?!

Локтö Анна, лолыс тырöма. Чышъяныс дзугсьöма.

Анна (*шöйөвошöмөн сулыштö, аддзö Ольксан-öс*). Ольксан, донай, мый меным вöчны?!

Ольксан зумыштчөмөн видзөдö Анна вылө, öдйö мунö. Тэрмасьöмөн локтö Палалей.

Палалей (зэв скöрысь). Анна!

Анна. Мустом тэ меным, Палалей! Ок, ку-
тшом тэ мустом!

Палалей. Зэв тай.

Анна. Тэ — звер... звер... звер!

Палалей. Йöймöмыд кө тэ-а!.. Қоді тэнö вердö-
пасьтöдö?

Анна (перйö юбка зепсьыс бусöсь рузумөн гар-
тöм ёкмыль, разьö да шыбитö рузумсö, петкөдлö
портманет). Тайö кодлөн?.. Мыйла вышка вылö гуа-
лöмыд?

Палалей (повзьö). Қызди тэныд сюри?

Анна. ...Абу-ö поп пилөн!

Палалей. ...Мыйла босьтін?

Анна. Эн-ö тэ?.. Повзин!.. Палалей, тэ вöрыс,
тэ!.. А Павелöс... Қылан, Павелöс тэ...

Палалей. Ланьт! (Локтö Анна дінö.)

Анна шыбитö портманетсö Палалейлы чужöмас, тойыштö
сійöс.

Палалей. Тойыштны лысьтін!

Анна (орöдö ковта юрйивсö, сьыліас югъялö
перна). Ог пов ме тэысь, Палалей!..

Палалей. Гöтыр, кызди тэ лысьтан?.. Сьыліад
перна лöсталö!

Анна. Ог пов!.. Павелöй локтö!

Палалей. Павел?! «Павелöй» шуан!

Анна. Öнi ог пов ме тэысь!

Палалей. Повзян! (Перйö кузь пурт.)

Анна повзьö, горöдö, көсийö пышйыны.

Палалей (сутшкö Анналы мышкуас). Со тэ-
ныд Павелыд!.. Да портманетыд!

Анна усьö. Палалей тэрыба лэптö портманетсö, суйö зеп-
тас. Пуртсö чышкö дукöс пöлаас, дзебö. Дыркодь видзöдö

Анна вылö, сувтö пидзöс вылас, тракйö Аннаöс.

Палалей. Анна! Эн кув... Эн лысьт! Қылан?
(Тракйö Аннаöс.) Эн лысьт кувны. Меным уджалысь
колö!

Öдйö локтöны Ваньö да Öльöксан.

Ваньö. Ме тай шуи, мися, Анна горöдiс!

Палалей чеччö, вешйыштö Аннаысь, лөгөн видзöдö Ваньö
вылö.

Анна слабиника ымзыштö.

Палалей (любöа). Ловъя!

Ваньö (пидзöсчанысьö Анна динö). Анна!..

Палалей (Ваньöлы). Эн вөрзбод! Эн суйсьы
гозъя костö!

Ваньö (крута чеччö). Вир юысь! Уна йöзлысь
нин...

Анна (слаб гөлöсөн). Ваньö... воас да
висьстав.. мед менö прöститас... Павелöй!.. (Лэптыш-
тö юрсö.) Ваньö, Палалей... портма...

Палалей мый вынсьыс чужйö Аннаöс.

Анна сьöкыда ойöстö, лэдзö юрсö.

Öльöксан перйö револьвер, витö Палалейö.

Палалей (бöрыньтчöмөн). Тi со кызди! (Сув-
тö сцена пидöсö, кывзисьбö.)

Öльöксан (локтö Анна динö). Мыйысь тайö
тэнö, Анна?

Ваньö. Тыдалö мездьсьöм корсис... Анна, чеч-
чы!.. Öльöксан, отсав! (Кыкөн чеччöдöны Аннаöс.)

Анна (Ваньö да Öльöксан костын). Ваньö!..
Спасит менö, Ваньö!.. Павелкöд колö аддзьысьлыны.
Ок, кутшöма меным колö аддзвыны Павелöс!.. Ва-
ньö... Павелöс... Палалей...

Палалей чечыштö Анна динö.

Анна аддзö Палалейöс, кузя горöдö, лигышмунö.

Ваньö. Эн пов, Анна! Огö Палалей динад нуйö,
а батыд ордö.

Öльöксан да Ваньö нуöны Аннаöс.

Палалей öтнас, скöр, сулыштö, мунö.

Ыджыд кост. Ньöжйö локтö Павел. Омöльтчöма. Руд тю-
ремнöй паськöма. Мышкас ичöтик ноп.

Павел (нюмдö). Вои. Аслам чужан сиктö. (Гö-
гөр видзöдö.) Ставыс на важ кодьыс. Кутшöма öнi
йöзыс олöны? Кызди олö мамöй?.. Виччысис эз менö
Анна?

Локтö Ваньö.

Ваньö. Павел!.. Олан-вылан, другö! (Кутлö.)

Павел. Чолöм, Ваньö!.. Тэ век гудöка?

Ваньö. А мый сэссия меным, сардмöм гычлы!..

Ветлин-мунин, Павел. Уна йöзöс аддзылин. А ме венка-
кöд ола. (Ышловзбö.) Ок тэ, венка, менам венка!
(Ворсö «Отречёмся от старого мира».)

Павел (*чуймылө, сэсся скупа да стрөга нюмдө*).
Ваньö, тэ та выяөдз быдмин жö?

Ваньö. Ме нö пайтөм али мый! А тэ, Павел, ад-
дзин, кодi мыжа?

Павел (*ёна зумыштчө*). Заводитам олөмсö
аслыным банөн бергөдны!

Занавес.



СОДЕРЖАНИЕ

Веж гыяс	4
Коді мыжа?	60

Обложка художника А. В. Мошева

Николай Павлович Попов

(Жугыль)

Пьесы: «Бурные волны» и «Кто виноват?» на коми языке



Редактор С. Морозов

Техн редактор А. Вишнева

Сдано в набор 4/XII-1968 г. Подписано к печати 29/II-1969 г. Формат 84×108¹/₃₂

Бум. л. 1,56, печ. л. 5,12 (Уч.-изд. л. 4,65). Тираж 1000 экз. Заказ 6220.

Ц00219. Цена 13 коп. Коми книжное издательство, Сыктывкар. Дом печати.



г. Сыктывкар, Республиканская типография Управления по печати
при Совете Министров Коми АССР.